

Аҳад ҚАЙОМ

ИККИ ДУШМАНИ БОР ЭРКАК КИШИНИНГ

(шеър ва қўшиқлар гулдастаси)

ТОШКЕНТ -- 2013

УЎК: 821.512.133-1
КБК: 84(5Ў)7
Қ-12

Қаюм, Аҳад

Икки душмани бор эркак кишининг : (шеър ва қўшиқлар гулдастаси) / А.Қаюм - Т.: DIZAYN-PRESS, 2013. - 288 б.

УЎК: 821.512.133-1
КБК: 84(5Ў)7

Аҳад Қаюмнинг шеърояти мухлислари учун ўзига хос гулдаста. Уларни мутолаа қиларкансиз, кўз ўнгингизда шоир иқтидори, руҳий олами, намоён бўла боради.

Шоир бежизга китоб номи «Икки душмани бор эркак кишининг» деб номламаган. У бу шеъри билан яратилган хилқатларнинг энг зарбардаст вакили эркак гарданида печоғли масъулиятлар, бурчлар борлигига ишора қилади.

Китобдан жой олган ахлоқий-руҳий, ишқий ва ижтимоий мавзуидаги шеърлар Аҳад Қаюм мухлислари учун навбатдаги армуғон бўлиши шубҳасиз.

Наширга тайёрловчи: Набижон ХОШИМОВ – Ўзбекистон Ёзувчилари уюшмаси аъзоси

Тақризчи: Алишер НАРЗУЛЛО – Ўзбекистон Ёзувчилари уюшмаси аъзоси

ISBN 978-9943-20-144-6

© "DIZAYN-PRESS" МЧЖ нашриёти, 2013

СЎЗ БОШИ

Яратган Парвардигоримиз Одамни яратиш вақтида унинг жонини "Аласту" дами билан, Сўз билан, Муסיқа билан яратган. Шунинг учун инсон ўзига неъмат қилиб берилган Сўз орқали ўз кўнгил ифодасини, дарди-дунёсини қофияга солиб айтгиси келади. Ёки муסיқий оҳангда кўнглини ифодалайди. Бу беш кунлик дунёнинг ғам-ташвишларидан пажмурда бўлган кўнгилнинг "хасрати" - Шеърдир. Албатта, кўнгилнинг ўз табиати, боғу роғи, қасру айвони, биёбони кўкламзор гулистони, тақиртоб саҳроси бўлади. Унинг манзаралари эса шоирлар томонидан турли кайфиятда куйланади.

Аҳад Қайом серкирра ижодкор. У шоир ва актёр сифатида элимизга танилиб улгурган замондош ёшлардан биридир. Унинг бир қанча шеърлари таниқли хонандалар томонидан кўшиқ қилиб ижро этилиб, дилларни хушнуд этмоқда. Бир шоир айтганидек, ҳаёт деб аталмиш Буёқ Устоз кимгадир қанд берса, кимгадир панд беради. Унинг синовларига бегубор кўнглини авайлаб кўтариб юрган ёшларнинг ҳаммаси ҳам чидай олмайди. Айнан шу тенгдошларига далда бўлиш учун Аҳад Қайом уларнинг помидан барча дардларни тўкиб солади. Ҳа бу хиссий дардларнинг (инсоний изтиробларнинг) аксарияти азалдан турли шаклда турлашиб, тусланиб қоғозларга тушиб келмоқда. Шоир эса ана шу қофияли дардларни, олдий турмуш ташвишидек кўринган билан аслида тоғлар ҳам кўтаролмайдиган ички кечинмаларни ўзига хос равишда қоғозга туширган, холос. Аслида лирика, шеър шу эмасми?!

Ёшларнинг қалби бегубор, баҳор булутидек ўзгарувчан, шижга шижикликларга, энг асосийси, муҳаббатга тўлғин бўлади. Аҳад Қайомнинг ўзи ҳам ёш, қалби шиж билан тўла бўлган.

ни учун балоғат бекатидаги ёшларни яхши тушунади. Гўёки очик дафтардай, уларнинг қалбини кўриб тургани учун тенгдошлари хиссий дардини ўз дардидай қоғозга тўкиб солади. Бу соҳир қаламдан тонг қолаётгани, шеърларининг ҳар сатрида ўз дардини кўраётган ёшлар оммавий равишда шоирнинг мухлисига айланмоқда. Шу кунларда Аҳад Қаюмнинг ижоди "шира бойлаб" жуда кўп китоб чоп эттирмоқда. У китобдан китобга ўтгани сари фикрлари янада теранлашиб камолга етмоқда.

Энди икки овиз китобхонлик маданияти ҳақида гапирсак, бугунги кунда бутун дунёда китоб ўқишдай гўзал амал бироз оқсаётгандек кўринади. Лекин, Аҳадга ўхшаган ёшлар бор экан, хали кўп китоблар ўқиб, улар устида мулоҳаза юритамиз. Ҳа, бугун "нон ва томоша" билан каноатланувчи ва шунгагина интилувчи биороботга айланган кишилар фаросатининг дастур билан ишлайдиган суъий интеллектдан фарқи йўқ. Чин маънодаги ақлли инсон эса ўз ҳаётининг маъноси билан қизиқувчи, уни топишга интилувчи кишидир. Китоб - маънавият булоғи. Маънавият ҳамма нарса орқали кишига оғи-шуурига сингиб боради. Шунингдек, "маънавият" сўзини худа-беҳуда қўллайвериш ҳам унинг қадрини тушириб юборади. Маънавиятни ҳар ким ҳар хил қабул қилади. Бу эса кишиларнинг информатсион феъл-атвориға, маданиятиға, ўзи тушунадиган қадриятиға боғлиқ. Шундай экан, китобга, кўншилға содиқ қолаётган Аҳад Қаюм сингари ижодкорларнинг журъатини кадрлашимиз керак. Ушбу китоб мустақил ҳаёт остонасига қадам ташлаётган (янги оила қ ураётган) шоир укамизнинг саодатли кунига ўзига хос совғадир.

Шукур ЖАББОР

СИЗДАН АЙРИЛСАМ

Ҳеч кимни сизчалик соғинмаганман,
Девона бўламан сиздан айрилсам.
Ахир ёлғизликка қандай чидайман,
Очилмай сўламан сиздан айрилсам.

Келинг кўришайлик, ёлғизим, жоним,
Ҳеч хафа қилмайман, азизим борим.
Девонагинам мени, бўйнимда дорим,
Ишонинг, ўламан сиздан айрилсам.

Сизсиз бир минут ҳам, миллион йилдай,
Ёнингизга бориш минг йиллик йўлдай.
Йиғлайман, кўзёшим сачрайди дўлдай,
Тоғ каби қулайман сиздан айрилсам.

Сиздан айрилсам бас, дунё маъносиз,
Ўзингиз гўзаллар ичра танҳосиз.
Дилоқар дарёсиз, дилтор навосиз,
Мен қандай қуламан сиздан айрилсам.

Яна куттирасиз, яна келмайсиз,
Бир ҳафта бўляпти, мана, келмайсиз.
Билмайсиз-да жоним, мани билмайсиз.
Йиғлайман,
Йиғлайман сиздан айрилсам...

Ошиқ Аҳад сизга бугун дил тўкар,
Келинг, пойингизга дунё гул тўкар.
Бир кун сабр тугар, бир кун йўл тугар,
Айтинг, не қиламан сиздан айрилсам.

Ҳеч кимни сизчалик соғинмаганман,
Девона бўламан сиздан айрилсам.
Ахир ёлғизликка қандай чидайман,
Очилмай сўламан сиздан айрилсам.

ИБОДАТГА ҚАЙТАР МЕНИ!

Нафсу кибр, дил ҳасратдоғ ҳидоятга қайтар мени,
Ўзинг мени қутқар, Оллоҳ, ибодатга қайтар мени.
Шайтон тинмай йўқлаган чоғ дилда ўчса умидчироқ,
Имоним дарз кетса, чўлоқ лиёнатга қайтар мени.

Ўзга юртни Ватан десам, жондўстларим душман десам,
Асли кимлигим унутсам, салоқатга қайтар мени.
Тингламай кўнгил арзини, эсламай дўстлар қарзини,
Унутсам вафо дарсини, оқибатга қайтар мени.

Ботиб қолсам жаҳолатга, тил орк бериб ҳақиқатга,
Учрамайин фалокатга, адолатга қайтар мени.
Йиғлайман минг пушаймонда, умрим ўтмасин армонда,
Файридинлик бу ёмон-да, саодатга қайтар мени.

Ўзга бир инсонга айлансам, ёлгон дунёга бойлансам,
Бедаво дардга чалинсам, шафоатга қайтар мени.
Арзонларга сотиб жонни, ёлгон билан булғаб қонни,
Тан олмасам дин имонни, заковатга қайтар мени.

Қочмасам ҳаром-харишдан, дилхонам этмай саришта,
Уйимдан қочса фаришта, барокатга қайтар мени.
Бевафо деб ёниб қўйсам, сенинг ишқинг ёлгон йўйсам,
Севгига ишонмай қўйсам, муҳаббатга қайтар мени.

Ранжитиб қўйсам отамни, ҳолни сўролмай онамнинг,
Ўйламай қўйсам боламни, саховатга қайтар мени.
Яхшиларнинг кўзин чўқиб, бўлар-бўлмас ёлгон тўқиб,
Қаддим керсам элдан чиқиб, жамиятга қайтар мени.

Берилиб кетсам тийбатга, ҳурмат қайтармай ҳурматга,
Бошим қўнсам ҳар турбатга, ориятга қайтар мени.
Ҳасадсиз нафас олмасам, билганимдан ҳеч қолмасам,
Илмимга амал қилмасам, маърифатга қайтар мени.

Гоҳ учсам аёл макрига, вақт тонмай сенинг зикрингга,
Муҳтожман сенинг меҳрингга, ҳаловатга қайтар мени.
Қўлла ё Раб, бандам дегни, ошиқ қалбимни тушунгин,
Аҳадни сен қутултиргини, нижоатга қайтар мени.

Гар унутсам асли наелим, сендан ўзга йўқдир дўстим,
Ношукрлик бўлса касбим, қапоатга қайтар мени.
Канда қилсам намоз-рўзам, тонар бўлсам "Қуръон"дан ҳам,
Сени ҳам тан олмай қўйсам, сен тоатга қайтар мени.

Артайин мен дилдан зангни, қиёматга кутиб бонгни,
Аҳаддай ожиз бандангни, ҳақиқатга қайтар мени.
Нафсу кибр, дил ҳасратдоғ, ҳидоятга қайтар мени.
Ўзинг мени кутқар, Оллоҳ, **ИБОДАТ**га қайтар мени.

МЕҲР ТИЛАДИМ

Мен сиз билан дўсту биродар,
Насиб этса, қиёмат қадар.
Омон бўлинг, кўрмангиз кадар,
Оқибату имон сўрадим,
Қалбингиздан меҳр тиладим.

Бу дунёга келганмиз нечун,
Бир яхши ёд қолдирмоқ учун.
Вафо қилмас бу фоний очун,
Йўлингизга интиқ қарадим,
Қалбингиздан меҳр тиладим.

Бу кун шундай ёруғ кун экан,
Дарду гамдан дариг кун экан.
Бахт улашар улуг кун экан,
Мен бу кунни йилга уладим,
Қалбингиздан меҳр тиладим.

Яхшилиқдан мен толмайман ҳеч,
Аҳад ҳамроҳ сизга эрта-кеч.
Салоқат — бу шундай соҳир куч,
Мен шу кучдан сеҳр тиладим,
Қалбингиздан меҳр тиладим.

САНЪАТИМ

Ноласи оламни қучган санъатим,
Элнинг дарду гами қучган санъатим.
Кўнгил осмонида учган санъатим,
Дунё баҳрида юз очган санъатим,
Дилларга ўз меҳрин сочган санъатим!

Санъатим, кимларни қилолдинг буюк,
Санъатим, ўзингсан эл ичра суюк.
Санъатим, фигонинг бунча ҳам куюк,
Дилларга ўз меҳрин сочган санъатим,
Ноласи оламни қучган санъатим!

Сен билан қалбимнинг овози туташ,
Ундаги оққушлар парвози туташ.
Юрак чалаётган тор, сози туташ,
Энг соф чашмадан сув ичган санъатим,
Дунё баҳрида юз очган санъатим!

Гоҳ миллат оҳининг бир саси бўлдинг,
Армонидаш сўйлар нафаси бўлдинг.
Сенга интиланнинг ҳаваси бўлдинг,
Мудом яхшиликка шошган санъатим,
Дилларга ўз меҳрин сочган санъатим!

Санъатим, сенинг сас садоинг менман,
Санъатим, йўлингда адоинг менман.
Санъатим, санъатга фидоинг менман,
Ноласи оламни қучган санъатим!
Элнинг дарду гами қучган санъатим!

ЭРТАГА НЕ БЎЛАР

Бунда на яшаб, на ўлиб бўлмайди,
Керак пайт ҳақиқат голиб бўлмайди.
Кўз очиб юмгунча ўтар бугун ҳам,
Эртага не бўлар, билиб бўлмайди...

ДИЙДОР ГАНИМАТ

Бугун сени эслаб йўқлади кимдир,
Кўнгил зиёрати, энг олий неъмат.
Лаҳзада, нафасдек ўтади умр,
Дийдор ганиматдир, дийдор ганимат.

Шоҳнавда авайлар мудом япроқни,
Заминга нур сочар қуёш беминнат.
Ҳар фасл сезгайман қалбда титроқни,
Дийдор ганиматдир, дийдор ганимат.

Ёшларнинг эртанги ҳаётин ўйлаб,
Кексалар бежизга қилмас насиҳат.
Сўзларин тинглаймиз эҳтиром айлаб,
Дийдор ганиматдир, дийдор ганимат.

Тун чоги киприклар қучиб бир-бирин,
Хумордан чиққунча қилдилар суҳбат.
Тонгача излашди нигоҳим сирин,
Дийдор ганиматдир, дийдор ганимат.

Ҳеч ким дохил эмас мангулик учун,
Ҳатто, танандаги жон ҳам омонат.
Шубҳасиз, барчаси ўтгайдир бир кун,
Дийдор ганиматдир, дийдор ганимат.

2007

МЕНИ ЙИГЛАБ СОҒИНМА

Мени йиглаб соғинма,
Мени соғинсанг, йигла.
Иемим айтмай уйғонма,
Иемимни айтиб ухла.

Бўлмасам ҳам ёнингда,
Бўлай дейман ёдингда...

ОҚ КҮНГИЛЛАР...

Ёмонликнинг хунобида оқ, Кўнгиллар!
Ёрсизликнинг тирлобида воҳ, Кўнгиллар!
Ёлғизликнинг азобида тоқ кўнгиллар,
Ёвузликнинг гуноҳида оқ кўнгиллар.

Оқ кўнгиллар, зулматдаги нурга ўхшар,
Оқ кўнгиллар, осмондаги ҳурга ўхшар.
Оқ кўнгиллар, ерда ётган дурга ўхшар,
Оқ кўнгиллар, очилмаган сирга ўхшар.
Хиёнатнинг макридан гоҳ доғ кўнгиллар,
Бу дунёдан алоҳида оқ кўнгиллар.

Имонига, виждонига содиқ улар,
Жаннатларнинг энг тўрига лойиқ улар.
Севгилисин жамолга етмоқ учун,
Жонидан ҳам кечадиган ошпақ улар.

Юраклари яшнаган бир боғ кўнгиллар,
Яратганнинг паноҳида оқ кўнгиллар.
Боғбони йўқ гулга ўхшар оқ кўнгиллар,
Карвони йўқ йўлга ўхшар оқ кўнгиллар.
Макони йўқ елга ўхшар оқ кўнгиллар,
Яхшиларнинг саноғида оқ кўнгиллар,
Фаришталар ардоғида оқ кўнгиллар.

Хиёнатнинг макридан гоҳ доғ кўнгиллар,
Юраклари яшнаган бир боғ кўнгиллар.
Бу дунёдан алоҳида оқ кўнгиллар,
Яратганнинг паноҳида оқ кўнгиллар.
Яхшиларнинг саноғида оқ кўнгиллар,
Фаришталар ардоғида оқ кўнгиллар!!!

ҲЕЧ КИМСА КЎРМАСИН ФАРЗАНД ДОҒИНИ

Ниҳолсиз қолдирма умр боғини,
Тингла бу дунёнинг кўнгил оҳини,
Қаровсиз етимлар бир кунин кўргай,
Ҳеч кимса кўрмасин фарзанд доғини.

Эркак ёлғиз қолса иложин қилиб,
Юрагин алдайди кўксини тилиб,
Умр ўтказса-да тиш тирноқ қилиб,
Ҳеч кимса кўрмасин фарзанд доғини.

Гоҳи тетик бўлеин, гоҳи хастаҳол,
Қирқта жони майли, бўлса-да увол,
Йўқотган бахтини қайтарар аёл,
Ҳеч кимса кўрмасин фарзанд доғини.

Дўсти йўқ Худодан мадад сўрайди,
Камбағал бойлигу давлат сўрайди,
Ҳар ким боласига омад сўрайди,
Ҳеч кимса кўрмасин фарзанд доғини.

Онанинг бир кунлик азоби ҳаққи,
Яратган бизларга раҳм этар балки,
Дунёдан қимматдир бир гўдак нархи,
Ҳеч кимса кўрмасин фарзанд доғини.

Аҳал кўнгилларга зиё сўрайди,
Ҳар қандайин дардга даво сўрайди,
Барча беморларга шифо сўрайди,
Ҳеч кимса кўрмасин фарзанд доғини.

ОЛЛОҲ БИЗНИ ҚЎЛЛАГАЙДИР

Яхшиликка камар боғланг,
Эл яхшини сийлагайдир.
Савоб билан дилни чоғланг,
Оллоҳ бизни қўллагайдир.

Гоҳо қисмат кетар эгри,
Кимлар ҳалол, кимлар ўғри,
Гар йўлимиз бўлса тўғри,
Оллоҳ бизни қўллагайдир.

Биз тақдирнинг садосимиз,
Муҳаббатнинг адосимиз,
Бир кўнгилнинг гадосимиз,
Оллоҳ бизни қўллагайдир.

Яхши отга керак тақа,
Сайрашга шайланса бақа.
Тавба деб, ушласак ёқа,
Оллоҳ бизни қўллагайдир.

Ким бойликка ўч бўлади,
Бир гавгога дуч бўлади,
Имон дилга куч беради,
Оллоҳ бизни қўллагайдир.

Ким пул учун дўстин сотар,
Бир умр гафлатга ботар,
Ўзига қўй, эй биродар,
Оллоҳ бизни қўллагайдир.

Биз ҳаммага ишонамиз,
Чунки ёруғ пешонамиз,
Соғ бўлса ота-онамиз,
Оллоҳ бизни қўллагайдир.

Ким ортингдан игво қилар,
Эрта жойи дўзах бўлар,
Марднинг мудом бахти кулар,
Оллоҳ бизни қўллагайдир.

Озор бериб чумолига,
Қолманг дейман уволига,
Кулмасак гариб холига,
Оллоҳ бизни қўллагайдир.

Осмондан кўп ҳолва кутма,
Мунофиқ йўлини тутма,
Хасис олдида паст кетма,
Оллоҳ бизни қўллагайдир.

Омон бўлса Аҳад шоир,
Ҳар яхшини куйлагайдир,
Етар бу ниятга охир,
Оллоҳ уни қўллагайдир.

ОРЗУ

Отам, онам билан танишганида,
Тақдирин бирга ҳал қилишганида,
Ният қилганида гар ўгил кўрсак,
Шоир қиламиз деб келишганида.

Камида Навоий бўлардим бугун,
Доғда қолдирардим балким Пушкинни,
Мен майдонга чиқсам — адабиёт, фан,
Дунё тан олмасди мендек ҳеч кимни.

ЁЛҒИЗЛИК ЯХШИДИР, ЁЛҒИЗЛИК ЯХШИ...

Бевафо қўйнида хушдамдан кўра,
Ёлғизлик яхшидир, ёлғизлик яхши.
Бедаво бир дўсти ҳамдамдан кўра,
Ёлғизлик яхшидир, ёлғизлик яхши.

Асал деб заҳардан тутганда бўса,
Йўлларингни тўсса, бахтингни кесса.
Макри шайтонўзар санамдан кўра,
Ёлғизлик яхшидир, ёлғизлик яхши.

Ёнингда осмонга кўтарар жуда,
Ортингдан игвою гийбатни урса.
Турқи лаганбардор одамдан кўра,
Ёлғизлик яхшидир, ёлғизлик яхши.

Не-не манман деган ўша зотларни,
Аёл булгаб қўйди азиз отларин.
Фоҳиша-ла босган қадамдан кўра,
Ёлғизлик яхшидир, ёлғизлик яхши.

Бугун дастурхонда дўстдек ошинг еб,
Эртага майдонда кетар бошинг еб.
Байрамнинг ортидан мотамдан кўра,
Ёлғизлик яхшидир, ёлғизлик яхши.

Аҳад бир кун яшаб кулгандан хандон,
Эртага жонингни йиртса пушаймон.
Эрта келадиган аламдан кўра,
Ёлғизлик яхшидир, ёлғизлик яхши.

ОДДИЙ ФАЛСАФА

Доно шонр кутиб-кутиб пайтини,
Битар экан энг сара шоҳ байтини.
Оқил одам, отилмайди мансабга,
Меҳнат қилиб кутар ўз навбатини.

ТЕЛЕФОНДАГИ СУҲБАТДАН:

– Васлингизни тупларимда согинганим рост,
Сизсиз жоним, бу ерларда кўнглим тўлмайди.
Кўришганда сирлашармиз ошиқларга хос,
Телефонда ҳамма гапни айтиб бўлмайди.

Сизга атаб шеър ёзганман, ҳеч ким билмайди,
Гулар тердим, боргунимча асло сўлмайди.
Сўз бердимми, энди сўздан қайтиб бўлмайди,
Телефонда ҳамма гапни айтиб бўлмайди.

Билмам, менидан пени бунча истайверасиз,
Севаман деб айтинг, дея қистайверасиз.
Муҳаббатим исботлагум, мана, кўрасиз,
Телефонда ҳамма гапни айтиб бўлмайди.

Заррача ҳам ёлгон йўқдек сизнинг сўзларла,
Зигирча ҳам риё йўқдир бизнинг сўзларла.
Ҳеч кимда йўқ ибто бўлсин сиздек қизларла,
Телефонда ҳамма гапни айтиб бўлмайди.

Сизни менга, мени сизга учратиб қисмат,
Бир муддатга айрилиққа тапшлади фақат.
Кутинг, жоним, кутинг, эркам, Аҳадни фақат,
Телефонда ҳамма гапни айтиб бўлмайди.

ИШҚ СУРАТИ

Ҳар лақиқа сени ўйлайман,
Балки кўнроқ ундан ўн марта.
Юрагимни ёмон қийнайман,
Кўргим келар қайта ва қайта.

Севаман биллурдай чеҳрангни,
Кўзларимдан кетмайсан сира.
Таъқиб қилар олмос пигоҳинг,
Ишқ сураати мавҳум хотира...

2012

ТАНИШ РАҚАМЛАР

Йуқсан, дийдорингни қумсайвераман,
Телефондан нажот излайвераман.
Тўрт девор ичида ғажилса руҳим –
Таниш рақамларни эслайвераман.

Таниш қўнғироқлардан шаҳар чайқалар,
Микрофон титрайди товуш ўзгарар.
Исмингни такрорлар галактикалар,
Таниш рақамларни эслайвераман.

Пошнам қирқиради, инграйди туфлим,
Костюмим тугмасиз, иситмас шарфим.
Гоҳо унутамадан исми шарифим,
Таниш рақамларни эслайвераман.

Бемаъни қизлардан, бемаъни хатлар,
Журналлар, радио, бекорчи гаплар.
Чарчатса газета ё сериаллар,
Таниш рақамларни эслайвераман,
Таниш рақамларни эслайвераман.

Қаққайган тўрт девор тўрттала безбет,
Мени қувонтирмас чет элга билет.
Ҳайратга солмайди шов-шув, интернет,
Таниш рақамларни эслайвераман.

Рақамлаб ташилаган, мошина, пуллар,
Ҳужжатда рақамлар, рақамли қулфлар.
Кўзимга бомбадай кўринар пултлар,
Таниш рақамларни эслайвераман.

Чарчатса техника, сигмай оламга,
Йиглаб хуморлангим келса онамга.
Бир ўзим қамалиб яна хонамга,
Таниш рақамларни эслайвераман,
Таниш рақамларни эслайвераман.

ТЕЛЕФОНГА ЮГУРАР ҚЎЛИМ

Телефонга югурар қўлим,
Сенсизликка чидолмаяпман.
Тушун, ахир, ёлғизлик ўлим,
Соғинчларни ҳайдолмаяпман.
Телефонга югурар қўлим,
Келишингни кутолмаяпман.
Таниш рақам, такрорлар тилим,
Дил заҳрини ютолмаяпман.
Сени севдим, дунёдан кечиб,
Сени севдим, аламлар қучиб.
Сени севдим, қасамлар ичиб,
Нега ортга қайтолмаяпман.
"СМС"лар ёзасан кел, деб,
Бир умрга ёнимда қол, деб.
О, севгилим дардларим ол, деб,
Кўзёшларим артолмаяпман.
Телефонга югурар қўлим.
Танам титрар терга ботганча.
Уйқум келмайди, тонг отганча,
Ачинарли бу хаста ҳолим.
Ҳеч кимга дард айтолмаяпман,
Нимадандир безовга кўнглим.
Гумонларни ҳайдолмаяпман,
Телефонга югурар қўлим...

САБОҚ!

Ҳар бир инда ярашади асталик,
Шошқалоқлик келтиради хасталик.
Элдан аввал чанг кўтармоқ нодондан,
Ном чиқармоқ саналмайди усталик.

ХИЁНАТНИ КЕЧИРМАЙМАН...

Севгилим, ёлгонларингни,
Юрагимдан ўчирмайман.
Кечирсам ҳам бор айбингни,
Хиёнатни кечирмайман.
Кет, дейману огринаман,
Кел, дейману соғинаман.
Ёлғизликнинг доғидаман,
Хиёнатни кечирмайман.
Кечирмайман, кечирмайман,
Сен ўзгага кўзинг сузсанг.
Кечирмайман, кечирмайман,
Ўз ваъдангни ўзинг бузсанг.
Юрагимга ханжар озор,
Муҳаббатга кўнглим мазор.
Дунё ишққа фирром бозор,
Хиёнатни кечирмайман.
Юпун дайдиб, ёлғиз қақшаб,
Йиглаб ёш болага ўхшаб.
Бу дунёдан совиб яшаб,
Хиёнатни кечирмайман.
Мен Аҳадман, ўз дилимга,
Нафе орусин ичирмайман.
Тузоқ қўйма сен йўлимга,
Хиёнатни кечирмайман.
Кет, дейману соғинаман,
Кел, дейману огринаман.
Ёлғизликнинг доғидаман,
Хиёнатни кечирмайман.

ЗАМОНАВИЙ ШИОР!

(ҳазил)

Яшаш керак, пул топиш керак,
Кўнгил топиб, йўл топиш керак,
Ҳаммасига улгуриш учун,
Ярим қарич тил топиш керак.

УНИ БОШҚА УЧРАТМАДИМ

Аввал севги изҳор этди у,
Йўлларимни ҳар кун кутди у.
Сўнг дилимни гашлаб кетди у,
Уни бошқа учратмадим...

Дард билан кўришдим, у кетгач,
Бахт билан кўришдим, у кетгач.
Ҳоли не кечдийкин дилим гаш,
Уни бошқа учратмадим...

Учратмадим севгини ҳам,
Юрагимни эзмоқда гам.
Армон менга бўлди ҳамдам,
Уни бошқа учратмадим...

Ранжиганим билан барибир,
Севардим-да мен уни ахир,
Бир дард дилни эзар муттасил,
Уни бошқа учратмадим...

Пешонада йўқ экан висол,
Бахтингни топ, эй соҳибжамол.
Олисларга обқочар ҳаёл,
Уни бошқа учратмадим...

2010

ЙИҒЛАСАНГ...

Севсанг-у, севгилинг сени ҳам сева,
Ўзгага боқмайин бир сени деса.
Йиғласанг, кўшилиб сен билан йиглаб,
Кулганда ҳам фақат, сен кулсанг, кулса.

СЕНИ ЭРТАГА ҲАМ КЎРАРМИКИНМАН?

Бугун ёнимдасан, аммо эртага,
Сени ўйлаб ҳаёл сурармикинман.
Қўрқаман, айрилиқ тушмай ўртага,
Сени эртага ҳам кўрармикинман?

Бир бор суйиб, бир бор куйганим учун,
Қалбимда шунчалар шубҳаю тугун.
Гарчи сен бахтингдан бўлсанг ҳам мамнун,
Сени эртага ҳам кўрармикинман?

Нетай, ёнингда ҳам соғинаман-да,
Суйкалаверишни қилмайман канда.
Дунё кунда минг бор ўзгарётганда,
Сени эртага ҳам кўрармикинман?

Кучоғингда бир бор қулмайин туриб,
Нафасим тўхтамай, ўлмайин туриб.
Ярим кўнглим бахтдан гўлмайин туриб,
Сени эртага ҳам кўрармикинман?

Биламан, севасан, яхши кўрасан,
Мени авайлайсан, мендан кўра сан.
Дилдан армонларни бир-бир терасан,
Сени эртага ҳам кўрармикинман?

Насиб этса, кўргум, эй кўзи ахтар,
Нигоҳингдан юлдуз терармикинман?
Эртага қиёмат бўлмаса агар,
Сени эртага ҳам кўрармикинман?

СЕВМАЙМАН, ДЕБ ҚАНДАЙ АЙТАМАН

Сен кўзимга қолдинг термулиб,
Мен жимгина ортга қайтаман.
Қун санайсан сен мени кутиб,
Севмайман, деб қандай айтаман.

Йил ўтказиб кутдинг нидолар,
Йўлларимда бўлдинг адолар.
Балки мендан ўтди хатолар,
Севмайман, деб қандай айтаман.

Байтларимни ёдлаб борасан,
Ва кўнглингга яқин оласан.
Нега бунча ўйга толасан?
Севмайман, деб қандай айтаман.

Унут мени, эй қаламқошим,
Энди ортиқ етмас бардошим.
Саробларга бахти талошим,
Севмайман, деб қандай айтаман.

Сен дўстликни ишққа йўйибсан,
Ёлгон ҳисга ёниб-қуйибсан.
Менга билмай кўнгли қўйибсан,
Севмайман, деб қандай айтаман.

Бахтингни тон, сўнги тилагим,
Сезмасанг ҳам майли, керагим.
Тушлар потинч телар юрагим,
Севмайман, деб қандай айтаман.

СЕВМАГАНМАН СИЗНИ ҲЕЧ ҚАЧОН

Сиз ўйлайсиз, ранжитдим уни,
Энди менсиз унга тор жаҳон.
Энг ёмони билмайсиз шуни,
Севмаганман сизни ҳеч қачон.

Хафа бўлманг, куюнманг сира,
Сўзларимдан бўлмангиз ҳайрон.
Яна дилни этмайлик хира,
Севмаганман сизни ҳеч қачон.

Мен шунчаки сизга ачиниб,
Қайта-қайта сўйладим ёлгон.
Кимга фойда буни яшириб,
Севмаганман сизни ҳеч қачон.

Ич-ичимдан бир безовта руҳ,
Мени таъқиб эгяшти ёмон.
Сигмас энди юракда андуҳ,
Севмаганман сизни ҳеч қачон.

Менга буни айтмоқлик оғир,
Дил тонмоқда ўзидан ҳар он.
Нима қилай, кўнглим йўқ, ахир,
Севмаганман сизни ҳеч қачон.

Энди бунинг имкони йўқдир.
Баъзан дейман: бас, Аҳад, ҳайқир!!!
Умид яна бепишон ўқдир.
Васл насиб этмади тақдир...
Севолмайман сизни ҳеч қачон...

ЯНА СЕВАРМИКИНМАН...

Қапчалик истасам, бағрим очишни,
Шунчалик истайман сендан қочишни.
Иложи бормикин сендан кечишни,
Яна севармикинман...

Учратармикинман, сендан гўзалроқ,
Бугун ҳеч кимим йўқ сендан афзалроқ.
Сени унутарман, аммо бир сўроқ,
Яна севармикинман...

Билмайман, билишни истамайман ҳам,
Билганим юракка зилдек ботар гам.
Бор-ей деб, мен бугун сендан кечворсам,
Яна севармикинман...

Тилимнинг устида кўндаланг тикан,
Ҳасратим ҳеч кимга айта олмайман.
Аросат, ҳижрондан ёмонроқ экан,
Яна севармикинман...

Бир тошга икки бор қоқилган одам,
Қайтиб ўнглолмайди ўзини ҳеч ҳам.
Бир умр битмайди иккита ярам,
Яна севармикинман...

2009

БОШҚАСИН СЕВМАСМИКИН?!

Қалбимдаги муҳаббат, бир қизга аталгандир,
Шу очиқ икки кўзим, бир унга қалалгандир.
Юрагимни юлсангиз, кечмагайман ундан ман,
Бошқасин севмасмикин, кўрқаянман шундан ман.

СЕНСИЗ...

Айрилиққа ошнаман,
Висолингга ташнаман,
Кўзёшлари чашмаман,
Сенсиз...

Ҳижрон — ажал шарпаси,
Армон — уйқу кўрпаси,
Ёлгон — ҳаёт зарбаси,
Сенсиз...

Дил титрайди жонсарак,
Келмайди сендан дарак,
Менга омад не керак,
Сенсиз...

Кўзгуга боққим келмас,
Кўчага чиққим келмас,
Бедорман, уйқум келмас,
Сенсиз...

Кўнглим кемасиз денгиз,
Юрак осмонсиз юлдуз,
Қандай яшайман ёлғиз,
Сенсиз...

Нигоҳларинг кўзтумор,
Қалбингда яшнар баҳор,
Менинг қалбим қуммозор,
Сенсиз...

Хонамдаги буюмлар,
Чангга ботган кийимлар,
Менга қўшилиб йиғлар,
Сенсиз...

Сенсиз, алам улфатим,
Ёлғизлигим кулфатим,
Ҳаёл нурсиз зулматим,
Сенсиз...

Пуллар сочилиб ётар,
Қалбим очилиб ётар,
Қоним ичилиб ётар,
Сенсиз...

Дилда нафратим соңсиз,
Гуё томирим қонсиз,
Юрак йиглайди унсиз,
Сенсиз...

Ҳижрон – ажал шарпаси,
Армон – уйқу қўрпаси,
Ёлғон – ҳаёт зарбаси,
Сенсиз...

2010

НИМА ҚИЛАЙ, АХИР, УНИ СЕВАМАН

Ўзимни ўнглашга куч тополмадим,
Дардим тузалмайди шуни сезаман.
Қанчалик уринмай унутолмадим,
Нима қилай, ахир, уни севаман.

Қанийди ёнига бора олсайдим,
Қалбинг кимда, дея сўрайсайдим.
Кимгадир кўнглимни ёра олсайдим,
Нима қилай, ахир, уни севаман.

Бўғзимда тиқилиб бир дард бўғилар,
Йўқ, ундан кечмайман, не бўлса, бўлар.
Йўлдан қайтармоққа уринманг, дўстлар,
Нима қилай, ахир, уни севаман.

Гурури осмондай бир йиғит одим,
Муҳаббат олдида бугун тез чўқдим.
Шу йўлда боримни, жонимни бердим,
Нима қилай, ахир, уни севаман.

Оламлар ичда оламлар гуллар,
Кўксимда армонлар, аламлар гуллар.
Эсингни йиғ, дея баъзилар кулар,
Нима қилай, ахир, уни севаман.

Сеп кимга тўкие бахт бердинг, эй дунё,
Мудом ошиқ йўлиг туелинг, эй дунё.
Тунингни, Аҳалдай дўстинг, эй дунё,
Нима қилай, ахир, уни севаман.

2009

ЎЗГАНИНГ ЁРИГА КЎНГИЛ ҚЎЙИБМАН

Севгим учради, деб ёниб-куйибман,
Исмин ҳам сўрайман, уни суйибман,
Шартта бориб дилим очибман билмай,
Ўзганинг ёрига кўнгил қўйибман.

Ҳа, чўгнинг остида олов ошиқлик,
Азобу қийноққа таров ошиқлик,
Ақл ва кўнгилга синов ошиқлик,
Ўзганинг ёрига кўнгил қўйибман.

Мени шайтон йўлдан урдими ёки,
Юракка нимадир бўлдими ёки,
Ўйлаб ҳам кўрмабман буни ҳаттоки,
Ўзганинг ёрига кўнгил қўйибман.

Нима бу куфрми, зиноми, дўстлар,
Бу дунё аламдан биноми, дўстлар,
Нима қиламиз, деб тану жон бўзлар,
Ўзганинг ёрига кўнгил қўйибман.

Эй ҳаёт, наҳотки алашдим яна,
Ичимда шовқинлар тинмайди мана,
Хиёнат, диёнат бошқа масала,
Ўзганинг ёрига кўнгил қўйибман.

Иккита боласин кўрдиму шу он,
Тилларим айланмай тош қотди бирдан,
Мен қайдан билибман буни Художон,
Ўзганинг ёрига кўнгил қўйибман.

Мен ким Аҳад Қаюм, шоирман, дердим,
Муҳаббат бобида моҳирман, дердим,
Ошиқман, севгига дойиқман, дердим,
Ўзганинг ёриши севиб қолибман,
Севгим учради, деб ёниб қўйибман...

2009

СИЗ ФАҚАТ МЕНИКИСИЗ!

Бекорга учрашмадик,
Бу қисмат — келар тилсиз.
Тилда-ишқ, дилда ҳадик,
Сиз фақат меникисиз!

Дейсиз, ошиқларим кўн,
Йўлларимда турар тўн.
Гапни камайтиринг! Хўн —
Сиз фақат меникисиз!

Меникисиз бир умр,
Дилнинг талаби шудир.
Севгисиз ҳаёт йўқдир,
Сиз фақат меникисиз!

Севишингиз биламан,
Айтганим қилдираман.
Йўқ, леманг.
Ўлдираман,
Сиз фақат меникисиз!

Алишмай олтин зарга,
Бермайман ўзгаларга.
Кўнинг, мендек қайсарга,
Сиз фақат меникисиз!

Сизга бошим эгганман,
Дилда ният тукканман.
Токи тирик эканман,
Сиз фақат меникисиз!

2010

БОЙЛИК ДЕБ...

Баъзилар нулли кўн йиғ, дейди,
Бой бўлсанг, узоққа борасан.
Бойлик деб йўлнингдан аданиб,
Кўнингча тузоққа борасан.

ЁЛГИЗГИНАМ...

Денгиз бўлсанг, соҳилингда сузсам, дейман,
Сахро бўлсанг, кучоғингда кезсам, дейман,
Ёнингда мен борлигимни сезсам, дейман,
Ёлғизгинам...

Айтгил менга не ситамдин кўзларинг нам,
Не жафодин юрагингда бунча алам,
Осмонини тополмаган юлдузгинам,
Ёлғизгинам...

Нима қилай, ёнингда ҳам соғинаман,
Олисларга кетиб қолсанг, оғринаман,
Бир бор боқсанг, ақлу ҳушдан айриламан,
Ёлғизгинам...

Сен кетганда дардим айтдим шамолларга,
Кўмилдим мен, ёлғонларга, гумонларга,
Кўз тикарман, олис-олис томонларга,
Ёлғизгинам...

Аямагин, дилдан меҳру шафқатингни,
Яширмагил, мендан кўнгил сийратингни,
Аён этгил, Аҳадга ҳам ниятингни,
Ёлғизгинам...

2010

ҲАЙҲОТ

Ўзи учун нелар қилмади бу зот,
Ишлатиб ақлию қанча фаросат,
Ватан унун айтгин, не қилдинг десам,
Тили ҳам айланмай қолди-ку, ҳайҳот...

МУҲАББАТ ҚАДРИНИ БИЛМАГАН

Япроқнинг қадрини билмаган,
Илдизнинг қадрига етмагай,
Тупроқнинг қадрини билмаган,
Юлдузнинг қадрига етмагай.

Бошга тушса минг бир кулфатлар,
Кўнгилни қопласа зулматлар,
Чироқнинг қадрини билмаган,
Кундузнинг қадрига етмагай.

Лойқа сув, жилгадек қулмаган,
Ифлос кўл дарёдек тўлмаган,
Жилғанинг қадрини билмаган,
Денгизнинг қадрига етмагай.

Олисла қондошдан шубҳасиз,
Ёндаги жон кўшни минг азиз,
Яқиннинг қадрини билмаган,
Олисинг қадрига етмагай.

Ота-она дуосин олмай,
Ёлғонларнинг ортидан қолмай,
Муҳаббат қадрини билмаган,
Чин дўстнинг қадрига етмагай.

Дардларимни билмасанг, айт ким,
Мени ким тушунар яқиним,
Аҳаднинг қадрини билмаган,
Бу сўзнинг қадрига етмагай.

Япроқнинг қадрини билмаган,
Илдизнинг қадрига етмагай,
Тупроқнинг қадрини билмаган,
Юлдузнинг қадрига етмагай.

БУНЧА МАЪЮССАН?

Севгилим, бу оқшом висол кечаси,
Иккимиз зор қутган дийдор кечаси,
Кўнгиллар учрашган хумор кечаси,
Бунча маъюссан?

Ёнимда бўлсанг ҳам тўё ёлғизсан,
Кемасин йўқотиб қўйган денгизсан,
Тунлари бошимда нурсан, юлдузсан,
Бунча маъюссан?

Сени бунча нима қийнапти, айт,
Яшашни ўрганган тамга қасдма-қасд,
Қалбинг ўртамоқда билмам қандай дард,
Бунча маъюссан?...

Кечагина, бирга бўлсайдиқ, дердинг,
Бирга эркаланиб юрсайдиқ, дердинг,
Нега бунчалик тез ўзгариб қолдинг,
Бунча маъюссан?

Ёки мендан бирор хато ўтдим,
Бирор гапим сенга оғир ботдим,
Сени бошқа биров ё ранжитдим,
Бунча маъюссан?

Бунга чидолмайман, нчим ёмон тор,
Бунча қийнагунча кел, бошимни ёр,
Манинг айбим нима, бу нима аҳвол,
Бунча маъюссан?

СЕВАМАН!

Сўра менидан, азизим,
Жонимни ҳам бераман.
Ўзингдирсан ёлғизим,
Севаман!

Бугун дилимда титроқ,
Қалбимда минг бир сўроқ,
Сени ҳаммадан кўпроқ,
Севаман!

Қалбим очиб кўрсайдинг,
Кутганимда келсайдинг.
Ўз бағримда кулсайдинг,
Севаман!

Кўзимданам қизғониб,
Ўзимданам қизғониб.
Минг ўртаниб, минг ёниб,
Севаман!

Меникисан, сезаман,
Армонларим юваман.
Ҳасратларим куваман,
Севаман!

Келгин, изинг излатма,
Жоним мени бўзлатма.
Икки дилни музлатма,
Севаман!

ЁДИМДА БЎЛСАНГ, БАС...

Бунчалик севмасдим ёнимда бўлсанг,
Ёдимда бўлсанг, бас, ёдимда бўлсанг.
Ҳар баҳор қабримда гуллар очилар,
Агар ўлгунимча қалбимда бўлсанг.

ҚИРҚТА ВАЪДА

Қирқ кокилинг қирқ арғамчи, ўйнар мени,
 Қирқ кипригинг қирқта соқчи, қийнар мени.
 Қирқта ваъданг қирқ алдамчи, синар мени,
 Тузоқ ташлаб қирқ томондан пойлар мени.
 Қирқ минг ошиқ ичра қачон сайлар мени,
 Юрагимни чопсалар ҳам қирқ бўлакка,
 Шубҳа йўқким, содиқ қолгум сен малакка!

Қирқта фолбин қирқ юлдуздан, фолим ўқиб,
 Сенга бориб, қирқ китобдан ёлгон тўқиб,
 Ундан кеч, деб қирқ йил мени дорга тортиб,
 Дор остидан қирқ чақирим улоқтириб.
 Ўлдирсалар ва танамни қирқ йил ёқиб,
 Тупроғимни сочсалар ҳам сўнг фалакка,
 Шубҳа йўқким. содиқ қолгум сен малакка!

Қирқта гўзал қирқ томондан чорлаганда,
 Мени излаб қирқта йўлдан пойлаганда.
 Сени дердим қирқта жоним бўлганида,
 Оллоҳ менга қирқта умр берганида.
 Кўз юмардим қирқта малак турганида,
 Гардингни ҳам алишмасдим камалакка,
 Шубҳа йўқким, содиқ қолгум сен малакка!

Севги ҳақда, қирқ минг шоир дoston битди,
 Қирқ мингта шоҳ муҳаббат, деб ўлиб кетди.
 Ишқ кўзимни қирқ минг марта, боғлаб кетди,
 Қирқ мингта тош ҳар оҳимдан жонга ботди.
 Бир нигоҳинг қирқ минг томирим уйготди,
 Ҳар лаҳзада қирқ бор буюрдим юракка,
 Шубҳа йўқким, содиқ қолгум сен малакка!

Қирқ кокилинг пешонанга қирқ айгоқчи,
 Қирқ кипригинг кўзларингда қирқта соқчи.
 Қирқта ваъданг қирқ ёлгончи, қирқ алдоқчи,
 Нигоҳларинг жодуениш яширмоқчи.
 Сени алдаб иккимизни айирмоқчи,
 Ишон менга, етмоқ булсанг қирқ тилакка,
 Шубҳа йўқким, содиқ қолгум сен малакка!

Шайтон келиб, қирқ хил тусда синаб кетди,
Аёл макри қирқ туяга оғир ботди.
Ҳар оҳимдан қирқта ошиқ чўчиб кетди,
Одамлар бор севмай туриб қирққа етди.
Ўн беш ёшда севгинг дилдан селдай оқди,
Сувдек сочсанг ошигингни чархпалакка,
Шубҳа йўқким, содиқ қолгум сен малакка!

Юрагимни чопсалар ҳам қирқ бўлакка,
Тупрогимни сочсалар ҳам сўнг фалакка.
Гардингни ҳам алишмасдим камалакка,
Ҳар лаҳзада қирқ бор буюрдим юракка.
Ишон менга, етмоқ бўлсанг қирқ тилакка,
Сувдек сочсанг Аҳадни сен чархпалакка,
Шубҳа йўқким, содиқ қолгум сен малакка!

2009

ОНАМ МЕНИ ДАРД БИЛАН ТУҚҚАН

Онам мени дард билан туққан,
ДАРД билан мен эгизак эдик...
Иккимиз ҳам ака-укадек —
Бир она бағрида улғайдик...

Сен ўзипгни кўрсат, ака, деб,
У мени шаҳарга юборди.
Ўғил бўлиб, укалик қилиб,
Опамнинг ёнида у қолди.

Отамни ҳам ёлғиз қолдирмай,
ДАРД онамни гулдек асрайди.
Шаҳардаги бедард акаси,
Опасини ҳеч ўйламайди...

Истеъдодинг сарфлаб эрта-кеч,
Ўзини кўрсата олмайди...

ОДАМНИНГ ЗАҲРИГА ДАВО НЕ БЎЛАР?!..

Чаён чақса, чаққан жойи кўринар,
Илон чақса, заҳри сўриб олинар,
Бошинг силаб жонинг сугуриб олса —
Одамнинг заҳрига даво не бўлар?!..

Билолмайсан кимнинг ичда қораси,
Билолмайсан юзидан инсон сарасин,
Дўстларингдан чиқса ёвнинг тўдаси,
Одамнинг заҳрига даво не бўлар?!..

Тандаги жароҳат битади бир кун,
Ҳатто, унутилиб кетади бир кун,
Дилдаги жароҳат қийнайди ҳар кун,
Одамнинг заҳрига даво не бўлар?!..

Ичингдаги душман буқаламундир,
Минг хилда товланар нагмаси кўпдир,
Зоти ҳам аниқмас, лайча ё итдир,
Одамнинг заҳрига даво не бўлар?!..

Луқмону Ҳаким ё Ибн Сино ҳам,
Шу саволга жимдир медицина ҳам,
Чақиб ўлдирса-я, одамни одам,
Билмадим оламга ким ёрдам берар,
Авлоди одамга ким ёрдам берар...

2009

ТЕСКАРИ ДУНЁ...

Кўнгли тўқ одамнинг қорни тўқ эмас,
Қорни тўқ одамнинг кўнгли тўқ эмас.
Икковидан ҳам бирдек тўйганлар,
Қорни билан кўнгли қўйганлар...

Ёки, кўнгли билан қорин қўйганлар...

2012

МЕНГА ФАРҚИ ЙЎҚ

Истасангиз, ўзганинг қўлин,
Тутаверинг, менга фарқи йўқ.
Мени эмас, ўзганинг йўлин,
Кутаверинг, менга фарқи йўқ.

Ишим йўқдир, истаган пайтда,
Бирор кимни тортиб хилватда.
Севганимсиз деб қайта-қайта,
Айтаверинг, менга фарқи йўқ.

Ўзингизга қийин қиласиз,
Сабабини кейин биласиз.
Ёлгон сўйлаб нима қиласиз,
Алдайверинг, менга фарқи йўқ.

Мен ҳам битта аҳмоқ қизни деб,
Ўлиб турганим йўқ сизни деб.
Сизга одат, шунчаки айтиб,
Қайтаверинг, менга фарқи йўқ.

Фарқи йўқ-ку, ахир сизга ҳам,
Келаманми, ёки кетсам ҳам.
Қайтиб келманг, десангиз не ғам,
Ҳайдайверинг, менга фарқи йўқ.

Ўзи сизни севган мен аҳмоқ,
Сезмабман-а, шуни вақтлироқ.
Яшармидим, бундан бахтлироқ,
Унутаверинг, менга фарқи йўқ...

2010

ЭҲ!!!..

Хато қилсам кўриб кимдир,
Сиқилма, деб жилмайди.
Сезиб турдим ичида,
Дерди: олам бўлмайди.

БИР ТАРАФ

Аҳду паймонинг бир тараф,
Рашку гумонинг бир тараф.
Васлу имконинг бир тараф,
Дарду ҳижронинг бир тараф.

Бир тарафда гузаллигинг,
Бир тарафда қайсарлигинг,
Тафти дийдоринг бир тараф,
Ранжу озоринг бир тараф.

Нозу фироқинг бир ёнда,
Жонга қийноғинг бир ёнда,
Ширин забонинг бир тараф,
Макру ёлғонинг бир тараф.

Бир қарасам, кўзингда ёш,
Бир қарасам, кўлингда тош,
Чашми хуморинг бир тараф,
Дилда губоринг бир тараф.

Билмайин Аҳад қадрин,
Тушунмай унинг дардин,
Бахту иқболинг бир тараф,
Сўнги заволинг бир тараф.

2010

ОНАМ МАСЛАҲАТИ

Онамга кўнгироқ қилдим тутақиб,
Сўзларим ташвишли, нафасим алам.
Онам индамайин дардимни уқиб,
Дедилар: — Севмагин девдим-ку, болам...

АГАР ЧИН ЮРАКДАН СЕВСАНГ КИМНИДИР

Агар чин юракдан севсанг кимнидир,
Чиройли кўринар юзда доғи ҳам.
Фақат унинг исмин тилинг такрорлар,
Бу дунёдан охир кетар чоғинг ҳам.

Агар чин юракдан севсанг кимнидир,
Кўзингга илмайсан хатоларин ҳам.
Дейсан: гуноҳсиз бир Аллоҳ-ку, ахир,
Ҳамма ҳам адашар дунё бири кам.

Агар чин юракдан севсанг кимнидир,
Бирга бўл ҳар огир енггилида ҳам.
Муҳаббат энг буюк синовдир, ахир,
Севгилинг қалбига йўлиқтирма гам.

Агар чин юракдан севсанг кимнидир,
Парво ҳам этмайсан миш-миш игвога.
Ошиқларнинг йўли, сенинг йўлингдир,
Вафода ўхшайсан Тоҳир Зухрога.

Агар чин юракдан севсанг кимнидир,
Гўё унинг учун оласан нафас.
Ҳаётинг ҳам гўё бир уникадир,
У бўлмаса, ҳатто яшагинг келмас.

Агар чин юракдан севсанг кимнидир,
Яхшиликка ташна висол зорисан.
Дил дийдори сари фақат талпинар,
Энди абдий ишқ харидорисан.

Агар чин юракдан севсанг кимнидир,
Меҳринг одамларга бўлакча бўлар.
Бунинг нималигин Аҳад билади,
Унга дилдош яна суйганлар билар.

СЕВГИЛИМ, АЙРИЛИҚ БУНЧАЛАР ЁМОН

Томчилар занжирин узайин булут,
Ёмғирларин сочиб йиғлади осмон.
Ўртада бечора муҳаббат побуд,
Севгилим, айрилиқ бунчалар ёмон.

Мени унут, дея зўрлама бунча,
Яримта жонимни хўрлама бунча.
Чидовдим, ҳаётда гам кўриб шунча,
Севгилим, айрилиқ бунчалар ёмон.

Эй ҳаёт, синдирма, йиқилтирма, қўй,
Мени бунча эзма сиқилтирма, қўй.
Бир бор гулламасдан тўкилтирма, қўй,
Севгилим, айрилиқ бунчалар ёмон.

Кўксимни игнадай санчади оғриқ,
Қийналиб яшагим келмайди ортиқ.
Жаннатларда йўлим бўлсайди ёруғ,
Севгилим, айрилиқ бунчалар ёмон.

Мени ўз бағрига олганда тобут,
Бир зум қабрим узра айласанг сукут.
Мени кўрай десанг, қиёматни кут,
Севгилим, айрилиқ бунчалар ёмон.

Биргина васлингга хумор дилимни,
Кечиргин хастаҳол бемор дилимни.
Аҳад истамовди бундай ўлимни,
Севгилим, айрилиқ бунчалар ёмон.

Томчилар занжирин узайин, булут,
Ёмғирларин сочиб йиғлади осмон.
Ўртада бечора муҳаббат побуд,
Севгилим, айрилиқ бунчалар ёмон.

СИЗНИ ПАНОҲИДА АСРАСИН ХУДО

Ишқ-ўлиди, армонлар қора кийдилар,
Умидлар севгига айтдилар вило,
Сувсиз илдиларим бир-бир куйдилар —
Сизни паноҳида асрасин Худо.

Ярадор арслондек тортаман уввос,
Бақиргим келади, лек чиқмас овоз,
Ўлишга чираниб тортаман халлос —
Сизни паноҳида асрасин Худо.

Мажнунтол соҳни ювганда дарё,
Балиқлар қизганиб қиларкан гавю,
Менинг қисматимда шу экан савдо —
Сизни паноҳида асрасин Худо.

Дунё бешафқатмас — дунё бешавқат,
Ёмонмас яхшига отишар гийбат,
Бизнинг муҳаббатга юлдузлар ҳужжат —
Сизни паноҳида асрасин Худо.

Офтобни соғинар Шарқда лимонлар,
Маймунман демайди одамсимонлар,
Менга дўстларингиз сизни ёмонлар —
Сизни паноҳида асрасин Худо.

Гуёки бир игна ютиб юбориб,
Яшайман қачондир санчилиш кутиб,
Бунақа азоблар кетади ўтиб —
Сизни паноҳида асрасин Худо.

2009

КУҲНА ҲАҚИҚАТ

Илон заҳри ё аёл макри,
Қайси бир балаandroқ заҳри,
Бири танга бири жонга қасд,
Ўлдиреди йўқ зарра фарқи.

39

2008

НОДОН

Игво қилаверма, нодон,
Ҳадеб ортимдан.
Балки эрта ишинг битар,
Менинг отимдан.

41

ЯНА ҲАЁТГА ҚАЙТДИМ...

Сизни соғинишнинг ўзи бир роҳат,
Сизга термулишдан катта бахт борми?
Сизни унутишни ўйлаш хиёнат,
Сизсиз яшамокдан ортиқ дард борми?

РУХСАТ БЕРИНГ

Рухсат беринг, сизни кечирай,
Унутай бор гуноҳингизни.
Пойингизга бориб бош урай,
Шундай берай жазоингизни.

Гар юзимга оёқ қўйсангиз,
Пойингизни ўпаман йиғлаб.
Устимдан бепарво кулсангиз,
Яна сизни кетарман оқлаб...

Худо менга шундай буюрди,
Рухсат беринг, айтганим қилай.
Билмам, сизга нима жин урди,
Совигансиз мендан бутунлай.

Мен ғурурни кўчага отдим,
Инсонлик либосин кийганда.
Бунақа бўлишини билмовдим,
Ахир, билмай сизни севганда.

Рухсат беринг...
Йўқса, ўламан...
Азройилни атай чақириб.
Нима қилай сизни севаман,
Ёнингизда, ҳатто соғиниб...

Рухсат беринг, Аҳадга бугун –
Кечирмоқлик имконин беринг...
Кирмасангиз агар сўзимга,
Бошқа йўлин қиламан билинг...

ДУСТ ШУНДАЙ БЎЛАРКИ...

Дўст шундай бўларки, ёнингда туриб,
Сирингни фош этмас ишонганингда,
Ғам чексанг, гамингни сен билан ютиб,
Сен билан шод кулсин қувонганингда.

Дўст шундай бўларки, ранжисанг ундан,
Шубҳаю гумонга кўмилганингда,
Эшигингни ҳатлаб, кечмайди сендан,
Номингни булгамас сен тонганингда.

Кимлигини бир кун исботлайди у,
Қалбингдан ўчирар араз гинангни,
Сендан ўзмоқликни қилмайди орзу,
Буткул унутади қилган таънангни.

Дўст шундай бўларки, олислаб кетсанг,
Ойда, йилда бир бор йўқламасанг ҳам,
Ришталаринг ўзиб ҳаволаб кетсанг,
Сен учун қалбида фақат ёйди гам.

Дўст шундай бўларки, синамоқ бўлиб,
Мен учун жонингни бер, десанг агар,
Кўксидан юрагин шарт узиб олиб,
Шу заҳот ма, ол, деб қўлида тутар.

2008

ҲАММАСИ ЯХШИЙДИ...

Ҳаммаси яхшийди, дунё тинч эди,
Эй воҳ, токи СИЗни учратмагунча,
Ҳаммаси яхшийди, дунё тинч эди,
Дунё иккимизни ажратмагунча...
Буни ҳеч ким сезмади бироқ...

2009

ОҚ КАБУТАР...

Оқ кабутар, кўзларимга боқ кабутар,
Оқ кабутар, юракка ўт ёқ кабутар,
Орзуларим ерда чириб кетмасидан,
Осмонингга олиб кетгин, оқ кабутар!

Одам бўлиб, одамлардек яшолмадим,
Нима қилай, бошқаларга ўхшолмадим,
Қайлардасан қанотларини ушлолмадим,
Осмонингга олиб кетгин, оқ кабутар!

Кабутарим, кечолмадим хаёллардан,
Дардларимга даво топдим армонлардан,
Чарчадим мен жон меҳрибон душманлардан,
Осмонингга олиб кетгин, оқ кабутар!

Ҳеч бўлмаса, елкамга бир кўниб кетгин,
Бошимдаги ташвишларим тиниб кетсин,
Юраккинам умидларга тўлиб кетсин,
Осмонингга олиб кетгин, оқ кабутар!

Эй қушгинам, Хумомисан, Ҳаққушмисан,
Тошшаҳарда тошлар каби хомушмисан,
Юлдузларга боргим келса, танишмисан,
Осмонингга олиб кетгин, оқ кабутар!

Олиб кетгин мени оппоқ булутларга,
Кўрсатмагин мени олчоқ бургутларга,
Яшай дейман жаннатдайини ҳудудларда,
Осмонингга олиб кетгин оқ кабутар!

Тўйиб кетдим қаргалару, зогларингдан,
Булбулларинг тиндими ё боғларингдан,
Аҳаддайин юрак бағри доғларингдан,
Тумшугингга солиб кетгин, оқ кабутар,
Осмонингга олиб кетгин, оқ кабутар!

АГАР АЁЛ ХИЁНАТ ҚИЛСА

Жой талашиб шайтонбазмда,
Дилда хато сиёсат қилса.
Эркак учун ахир, ўлим-да,
Агар аёл хиёнат қилса.

Гул умрига келтириб иснод,
Турмушини айласа барбод.
Авжи баҳор булганар ҳаёт,
Агар аёл хиёнат қилса.

Юрак зори, дилнинг ноласи,
Икки ўтда жигарпораси.
Қандай ювар бу шармандасин,
Агар аёл хиёнат қилса.

Қайда номус, қайда диёнат,
Бу не синов, бу не синоат.
Ватан учун қилар хиёнат,
Агар аёл хиёнат қилса.

Булгаб шарму ҳаё денгизин,
Оиласин қирқиб илдизин.
Хира айлар бахтин юлдузин,
Агар аёл хиёнат қилса.

Дўстлар, менга отманг маломат,
Омон бўлинг, бўлинг саломат.
Аҳад шоир учун қиёмат,
Агар аёл хиёнат қилса.

2011

БИР ШОИР ТУҒИЛДИ...

Дилрабо, қаршингда ҳижрон дастидан,
Қанча-қанча мағрур бошлар эгилди.
Сездингми изтироб остонасида,
Бир шоир туғилди, шоир туғилди...

СИЗДЕК ДЎСТИМ БОР ЭДИ МЕНГА

Бугун дунё тор энди менга,
Кеча бахтим ёр эди менга.
Мол давлатим бўлмаган билан,
Сиздек дўстим бор эди менга.

Дарду гамлар мендан қочарди,
Дилга баҳор ифोर сочарди.
Ҳар кун омад эшик очарди,
Сиздек дўстим бор эди менга.

Кузлар йироқ эдилар мендан,
Кўзлар йироқ эдилар мендан.
Нодонларнинг оғзини ювган,
Сўзлар йироқ эдилар мендан.

Ёлғизлик, о буюк изтироб,
Иккимизга ёгилган азоб.
Хотиралар юракда зардоб,
Сиздек дўстим бор эди менга.

Дилим чўккан, юрагим ўксик,
Ҳолим маъюс, қаддим эса бук.
Ҳам дўсти, ҳам муҳаббатидан,
Жудо этдинг, Аҳадни нечук....

2008

ЙЎЛЛАР ТУЗОҚ

Аҳад Қайом...
Бу не аҳвол, Уйғон дарҳол,
Уйғон дарҳол.
Аҳад Қайом,
Дунёга боқ, Дунё ботқоқ,
Йўллар тузоқ.

Мапзил узоқ,
Бўлгин уйғоқ,
Бўлгин уйғоқ...

УНИ УНУТМОҚЧИМАН

Дил яраси битмайди ҳеч,
Қайда сабр, қайда чидам.
Бахтим топиб, эртами кеч,
Уни унутмоқчиман.

Кўксим йиртар хотиралар,
Жароҳатим янгилатар.
Ҳар бир қиз уни эслатар,
Уни унутмоқчиман.

Уни унутмоқчиман,
Соғинчлар ҳам зериктирди.
Бахту умид қочиб мендан,
Ёлғизликка кўниктирди.

Унутмоқчиман ҳаммасин,
Бўғмайин қалбим нафасин.
Уқиб бўлдим, ишқнинг дарсин,
Уни унутмоқчиман.

Деманг, Аҳад, телбамисан,
Дардга қафас қулбамисан.
Эй, дўст, менинг дардимни,
Севиб кўрсанг, тушунасан.

Ёнган дилим қор остида,
Ошиқ бошим дор остида.
Ўлдим, номус ор остида,
Уни унутмоқчиман.

МЕНИ ЁҚТИРАДИНГ

Мени ёқтирардинг, севмасдинг лекин,
Мени куттирардинг, келмасдинг лекин,
Ёнингда турсам ҳам, кўрмасдинг лекин,
Лекин, фақат менга ишонар эдинг,
Ёнимдан кетма, деб ёлворар эдинг.

Ўшанда бир оғиз севаман, десанг,
Сен учун жонимни бераман, десанг,
Қалбингни ҳам бир бор менга ишонсанг,
Ишонсанг, дунёдан бутунлай кечиб,
Пойингда йиллардим ҳар кун тиз чўкиб.

Кинолар алдайди, китоб чалгитар,
Севмоққа юракнинг ўзи ҳам стар,
Бемаъни ҳаёлар дилни қаритар,
Қаритарки мудом, лекин ёритмас,
Кўнгилдан ғамларни асло аритмас.

Телефон рақаминг юз бор ўчирдим,
Юз бор қасд олдим-у, юз бор кечирдим,
Аламимни қайта-қайта яширдим,
Яширдим қалбимда, ҳатто исмингни,
Юз марта ёқмоқчи бўлдим расмингни.

Сен фақат қийналасанг, мени эслайсан,
Умринг ўтиб борар, буни сезмайсан,
Ҳуснингга ишониб, кўнгил хушлайсан,
Кўнгил хушлайсан-у уйғониб бирдан,
Бунга керак жавоб келар тақдирдан.

Мени ёқтирардинг, севмасдинг лекин,
Мени куттирардинг, келмасдинг лекин,
Ёнингда турсам ҳам, кўрмасдинг лекин,
Лекин, фақат менга ишонар эдинг,
Фақат мени кўрсанг, қувонар эдинг...

2009

ҲАММАДАНАМ КЎПРОҚ СЕВАМАН САНИ

Бугун кўришмадик, соғиндим, жоним,
Ширин хаёлларга овундим, жоним,
Айрилиқ ўтида қоврилдим, жоним,
Севгилим, ҳаётим, борлигим менинг,
Ҳаммадан ҳам кўпроқ севаман сани.

Тонгми ё ярим тун кўнгироқ қилиб,
Соғиндим-да дейсан, қўясан қулиб,
Битта жилмайсанг бас, ёнимга келиб,
Севгим осмонида қанотим менинг,
Ҳаммаданам кўпроқ севаман сани.

Севаман, ўламан, қуяман, дейсан,
Қачон бағрингизда қуламан, дейсан,
Сизсиз мен девона бўламан, дейсан,
Қувончим, қайғумсан, фарёдим менинг,
Ҳаммаданам кўпроқ севаман сани.

Агар ўлиб қолсам юрагим ушлаб,
Илтимос, йиғлама, қабримни муштлаб,
Мен деб хазон бўлма кўзларинг ёшлаб,
Кўнгил борлигимда бисотим менинг,
Ҳаммаданам кўпроқ севаман сани.

Қайтиб кўришмасак, мендан рози бўл,
Дийдор қиёматда алвидо, эй гул,
Жаннатларда бирга бўлармиз буткул,
Аҳднинг қисмати, муродим мани,
Ҳаммаданам кўпроқ севаман сани.

НИМА ҚИЛАЙ БАХТЛИ БЎЛИШИҢГ УЧУН

Девонагинам менинг, бечорам менинг,
Ортимдан соямдек овворам менинг,
Дилимда дайдинган дилшорам менинг,
Нима қилай бахтли бўлишинг учун.

Жоним берай бахтта тўлишинг учун,
Бахтдан йиғлаб, бахтдан кулишинг учун,
Орзум осмонига олиб кетай, юр,
Нима қилай бахтли бўлишинг учун.

Кучганда бағримга тугмачанг ботди,
Мени севганингни кўзларинг сотди,
Сўра жоним, сендан, айт, нима кетти,
Нима қилай бахтли бўлишинг учун.

Бошгинамга омон бўлинг, бас, дейсан,
Фақат сизни севганлигим рост, дейсан,
Менга меҳр беринг сиз бир оз, дейсан,
Нима қилай бахтли бўлишинг учун.

Дунёлардан кечгум ёнимда бўлсанг,
Зеболардан кечгум ёнимда бўлсанг,
Ёдимда бўлсанг, оҳ, жонимда бўлсанг,
Нима қилай бахтли бўлишинг учун.

Тила тилагингни ошиқ Аҳаддан,
Дилда дарё тошар чин муҳаббатдан,
Мен яна сўрайман қайта-қайтадан,
Нима қилай бахтли бўлишинг учун.

ҲОЙ ҚИЗ

Ҳой қиз, ҳой қиз, ҳой қиз,

Осмондаги ой қиз,

Гўзалликка бой қиз,

Вой-бў!..

Уши, буни қўйинг-да,

Дийдоримга тўйинг-да,

Сиз камроқ куйдиринг-да,

Вой-бў!..

Туфличангиз, эй қиз,

Тақиллатиб ўтдингиз,

Лақиллатиб бўпеиз,

Вой-бў!..

Ёшингиз ўн етти-да,

Кўриб кўнглим кетти-да,

Жабриз жондан ўтти-да,

Вой-бў!..

Суратимни, эй Лайли,

Йиртиворинг-э, майли,

Унутворинг майли,

Вой-бў!..

Ўзгага термилворманг,

Чиройга берилворманг,

Ҳой қиз, жа керилворманг,

Жаа... Лаб бураворманг, Вой-бў!..

Бахтингиз йўқ-да фақат,

Уйингиз қават-қават,

Тиллолар сават-сават,

Вой-бў!..

Ошиқ Аҳад ёмонми,

Сиз деб ранги сомонми,

Бутун умри сарсонми,

Вой-бў!..

ОНАМ КЎРГАНИДА ШУ КУНЛАРИМНИ

Гоҳо ёлғизликда ўрайди савол,
Ечолмайман дилда тугунларимни.
Онамсиз татимас, ҳатто бахт-иқбол,
Онам кўрганида шу кунларимни.

Қаро кунлар бошдан ўтса ҳам анча,
Сабр қилган эди, жонга тиг санча,
Ёруғ кунларимни кутганди қанча,
Онам кўрганида шу кунларимни.

Онам ҳиди келар қизимни қучсам,
Ким тушунар дардим, қалбимни очсам,
Олислардан елиб бағрига шошсам,
Онам кўрганида шу кунларимни.

Қараб сочдаги оқ товларимга,
Минг ҳасрат қўшилар нолаларимга,
Онангни асра, деб болаларимга,
Онам кўрганида шу кунларимни.

Савлатинг, бўйингни кўрсам, дер эди,
Нур тўла уйингни кўрсам, дер эди,
Жон болам, тўйингни кўрсам, дер эди,
Онам кўрганида шу кунларимни.

Онам орзу қилган ҳамма нарсам бор,
Кўзларим қувончдан кулар бахтиёр,
Ҳар кун ишдан қайтсам, кутган интизор,
Онам кўрганида шу кунларимни.

Гоҳо ёлғизликда ўрайди савол,
Ечолмайман дилда тугунларимни.
Онамсиз татимас, ҳатто бахт-иқбол,
Онам кўрганида шу кунларимни.

... ОТА-ОНАМ УМРИДАЙ

Йўлим тўғри бўлса, отам йўлидай,
Дилим тўғри бўлса, онам дилидай.
Юзим ёруғ бўлса, улар юзидай,
Умрим ёруғ бўлса, улар умридай.

Юраксизлар ичра, юрак бўл деган,
Тилаксизлар ичра, тилак бўл деган.
Ҳар доим мағрур бўл, эркак бўл деган,
Йўлим ёруғ бўлса, отам йўлидай.

Дунёсизлар ичра, дунё изладим,
Маъносизлар ичра, маъно изладим.
Худо деб бир дўсти доно изладим,
Дилим тўғри бўлса, онам дилидай

Кўтара олганман синовлар, гамни.
Шаробдек ичганман кўздаги намни.
Оллоҳим соғ қилса ота-онамни,
Юзим ёруғ бўлса, улар юзидай.

Оёғимдан юлиб чақинларимни,
Яшайман эъзозлаб яқинларимни.
Дунёлардан ортиқ дунёларимни,
Умрим ёруғ бўлса, улар умридай.

2009

ҚИЗИҚ

Қизик, соғинчининг ҳам ҳиди бўларкан,
Кўнгилнинг фаросат диди бўларкан.
ЮРАК билан **АҚЛ** уришиб қолса,
Ҳар оқшом **ХАЁЛ**да **СУД**и бўларкан.

Омаднинг қулфию, коди бўларкан,
Орзу ҳавасларнинг **ОТ**и бўларкан.
Кўксимда **СЕВГИ**нинг етим боласи —
Демак, **АРМОН**нинг ҳам зоти бўларкан.

БАРЧИНОЙНИНГ РҶМОЛИ ҚАНИ?

Бугун қизлар сочин ўрмайди,
Эр-йигитлар кураш билмайди,
Сўрашга ҳам тилим бормади,
Алпомишнинг белбоғи қани?
Барчинойнинг рўмоли қани?

Қизлар киймас атлас кўйлақлар,
Қайга кетди арслон биллақлар,
Шаҳар кезиб куяр юрақлар,
Алпомишнинг белбоғи қани?
Барчинойнинг рўмоли қани?

Бир ёним рус, бир ён Европа,
Шамолдек тез чопар бу мода,
Ўй сураман ғамимга бота,
Алпомишнинг белбоғи қани?
Барчинойнинг рўмоли қани?

Йўқни кўриб, пўқ-да, десангиз,
Тўқни кўриб, тўқ-да, десангиз,
Қорани ҳам оқ-да, десангиз,
Алпомишнинг белбоғи қани?
Барчинойнинг рўмоли қани?

Кумушбиби ҳаёсин излаб,
Отабеклар юрибди йиглаб,
Аҳад Қажом қолмоқда сўраб,
Алпомишнинг белбоғи қани?
Барчинойнинг рўмоли қани?

СИЗСИЗ АҲАД ХОР БЎЛМАДИ

Ялтирагани кўзмунчоқлар дур бўлмади,
Не-не қизлар изимизга зор бўлмади,
Учраганинг бошидан зар сочавердик,
Ўзимизга омал қуши ёр бўлмади.

Не дилларни не дилларга уламалик,
Ўзимизга ҳеч нимани сўрамадик,
Қиш чоғида гунча очиб гулламадик,
Изгиринда ёққан бало қор бўлмади.

Муҳаббатнинг нималигин билмасдингиз,
Сийратиммас, суратимни севардингиз,
Ўзгасига вафодор ҳам бўлмадингиз,
Сизга севги хатолари ор бўлмади.

Сизсиз асло дунё менга тор бўлмади,
Сочларингиз тушларимда дор бўлмади,
Сизга эмас, муҳаббатга ачинаман,
Сизсиз Аҳад хор бўлмади, хор бўлмади.

2009

МУҲАББАТНИНГ СЎНГИ – ЎЛИМ...

Севги ўгли, висол тотли,
Ишқ манзили, мукофотли.
Тентаккинам, кераккинам,
Сиз деб ёнар, юраккинам.

Бахтим қани, қалбим қани,
Қор остида, қадрим мани.
Билманг майли, сезманг майли,
Мен розиман, севманг майли.

Аҳад Қажом, сенга маълум,
Муҳаббатнинг сўнги – ўлим...

ДАРДИМНИ СЎРАМАНГ

Дардимни сўраманг, дардим кўп менинг,
Севги дунёсида бахтим йўқ менинг,
Дўстларим, суйганим қалбим тушунмас,
Ошиқлари ичра қалрим йўқ менинг.

Дақиқа санайман, соат санайман,
Аламларим қават-қават санайман,
Кимнингдир бағрида сен бўса тутсанг,
Мен эса юракда нафрат санайман.

Унга бошқа айтар сўзим йўқ менинг,
Алданиб кўр бўлдим, кўзим йўқ менинг,
Ҳеч кимга, ҳеч кимга ишоналмайман,
Ёлғизликда бошқа дўстим йўқ менинг.

Севаман, севгидан бошқа йўлим йўқ,
Севаман, севгидан бошқа сўзим йўқ,
Айрилиқ қалбимни куйдирса ҳамки,
Севаман, севгида ёлғон ўлим йўқ.

Азизим, аслида дардим йўқ менинг,
Севги дунёсида бахтим кўн менинг,
Севасанми, йўқми Аҳадга фарқсиз —
Ошиқлар ичида қалрим кўп мени.

2009

ХУДО СИЗГА БЕРСИН МЕНИНГ БАХТИМНИ

Йиғладим, бошимдан ўтли жудолик,
Сиз учун яна бир қилгум фидолик.
Розиман, сиз олинг менинг ҳаққимни,
Худо сизга берсин менинг бахтимни.

Ўлиб кетсин, дея қарғаманг, гулим,
Сизни йўқотганим мен учун ўлим...
На яшай оламан, на мен гўрдаман,
Қалбим сизда яшар, тирик мурдаман.

ДУНЁ

Ёлғизликдан кўп сиқиламан,
Сиқиламан ёлғизлигимдан.
Келишингни орзу қиламан,
Эзиламан сенсизлигимдан.

Бир бошимга сон мингта синов,
Юрагимда шубҳаю сўров.
Ҳолинг не, деб сўрамас биров,
Қийналаман ожизлигимдан.

Дардни берган даво ҳам берар,
Балки бир кун бахтим ҳам кулар.
Ўлсам, менга айт, ким куюнар,
Тун йиглайди маъюслигимдан.

Ёмон тушлар таъбири недир,
Менга ҳаёт китобин келтир.
Янаш оғир, юрагим оғрир,
Жим йиглайман ҳолсизлигимдан.

Дилимда дард қозиқдай гўё,
Ғам дарахти ўсиқдай гўё.
Тўрт томоним тўсиқдай гўё,
Нур излайман нурсизлигимдан.

Тап оламан гуноҳларим кўп,
Агар ўлсам, мени кечир, хўп.
Юрагимда ҳасратим тўп-тўп,
Сендан жуда олислигимдан.

Кўзларингга қараёлмайман,
Гулбағримда асраёлмайман.
Сенга дардим айтаолмайман,
Боролмайман юзеизлигимдан.

Дунё!
Ҳаёт бешинги тебрат,
Сендан асло хафамас Аҳал.
Сендан битта ўтпичим фақат,
Айирмагин **АЗИЗЛИГИМДАН!**

ДУСТЛАРИМГА ХОР БЎЛГАН КУНИМ...

Нетай, ўзим шоир бўлсам ҳам,
Битта сўзга зор бўлган куним.
Душманимнинг базмида ўйнаб,
Дўстларимга хор бўлган куним.

Сен қайларда юргандинг ёлғиз,
Ё бахтингни топдингми менсиз?
Осмонимдан учди бир юлдуз,
Бевафога ёр бўлган куним.

Ким эдим-у, энди ким бўлдим,
Севги дея, бағри хун бўлдим,
Битта гулим очилмай сўлдим,
Айрилиқдан хор бўлган куним.

Мендан баттар сен бебош чиқдинг,
Қаҳри қаттиқ бағритош чиқдинг,
Нишларингни кўксимга санчдинг,
Пойларингда янчилган куним...

Битта сўзга зор бўлган куним,
Дўстларимга хор бўлган куним...

2010

ДАРД БИРТАЛАЙ...

Васлинг дея, ўлсам ўлай.
Куя-куя, адо бўлай.
Нетай гулим, йўқдир йўлим.
Нима қилай, нима қилай...

Сен у боғда, мен бу боғда,
Дилим доғда, бахтинг тилай.
Туним алам, куним ситам,
Йиғлар қалам, дард бирталай...

БАҲОР

Баҳор,
Дарахтлар гулларга кўмилиб кетди,
Табиат ёмғирга чўмилиб кетди,
Ёшлар жуфт-жуфт бўлиб бўлиниб кетди,
Йўқсан.

Баҳор,
Ўзимча машҳурман, ҳамма нарсам бор,
Бахт ҳақда қўйлайман такрору такрор,
Кўзёшга аралаш соғинчу дийдор,
Йўқсан.

Баҳор,
Балки бу мен учун энг сўнги баҳор,
Дардим тополмайди бирор шифокор,
Ўзинг айт, доридан нима фойда бор,
Йўқсан.

Баҳор,
Ёзаман, дўхтирлар ёзма, деса ҳам,
Ижод деб ақлдан озма, деса ҳам,
Тушун, ахир, бундай яшаёлмайман,
Йўқсан.

Баҳор,
О, биламан умрим тугаб боряпти,
Тушимга ҳар куни мозор кирапти,
Ҳаммасини ташлаб кетгим келяпти,
Йўқсан.

Баҳор,
Мен кетсам, онамни хурсанд қилиб юр,
Ёмғирларинг сочиб, қабрим ювиб тур,
Мени ўз бағрига чорлаганда ер,
Йўқсан.

Баҳор,
Ота-онам ўйлаб, эзилар этим,
Кузнафас ҳислардан бўгилиб кетдим,
Ижодхонам менсиз қоларми етим,
Йўқсан.
Баҳор...

НЕГА ФАҚАТ БИЗНИ...

Ҳечам тушунмайман, нега одамлар,
Муҳаббатин сотиб қийматлашаркин.
Жоним, йўқми ахир биздан бошқалар,
Нега фақат бизни гийбатлашаркин.

Ҳали умидим кўп ёруғ оламдан,
Сизни деб ёш бошим чиқмайди ғамдан.
Нима иташаркин сиздан ё мандан,
Нега фақат бизни гийбатлашаркин.

Одамлар ёмонмас, одатлар ёмон,
Ҳар тўқисдан бир айб топишар осон.
Айт, гулим, қай инсон бўлар бенуқсон,
Нега фақат бизни гийбатлашаркин.

Фарзанди йўқмикин ахир уларнинг,
Ўйлашса бўларди тарбияларин.
Менинг-ку етади ўзимга дардим,
Нега фақат бизни гийбатлашаркин.

Узиб, яхшиликнинг қон ришталарин,
Қочиришиб савоб фаришталарин.
Кавлашиб, ҳарому хариш гапларин,
Нега фақат бизни гийбатлашаркин.

Аҳад Қаюм деган бир шоир чиқиб,
Юрибди-да, дерлар, ёлғон шеър тўқиб.
Мен ёзган қўшиққа ўйинга тушиб,
Нега фақат бизни гийбатлашаркин.

ТҮЙИНГ КУНИ СЕВИБ ҚОЛСАНГ БОШҚАНИ

Муҳаббат қасрига бир қадам қўймай,
Севиш-севилишдап тоимасанг маъни.
Турмуш қурмоқ бўлсанг, кимнидир суймай,
Тўйинг куни севиб қолсанг бошқани.

Бу на бир аросат, бу на бир роҳат,
Не қилган бўлардинг, дўстим, шу фурсат,
Қай бир йўлни танаб кетардинг бу пайт,
Тўйинг куни севиб қолсанг бошқани.

Ким ҳам тушунарди сени бундай кун,
Қалбинг ичра минглаб саволлар тугун,
Юрагинг йиғлайди ичпинда беун,
Тўйинг куни севиб қолсанг бошқани.

Шунча йил қасқда юргандинг, севги,
Нега сал аввалроқ келмадинг, севги,
Бир бор жонга раҳм қилмадинг, севги,
Тўйинг куни севиб қолсанг бошқани.

Азага айланар ўша куни тўй,
Кўнгилни ўрайди минг шубҳаю ўй,
Турмушинг таплайвер, муҳаббатни қўй,
Тўйинг куни севиб қолсанг бошқани...

2010

ГОҶО ЯХШИЛАР УМРИ ҚАБРДАН БОШЛАНГАЙДИР...

Гулни узсанг банлидан, сўлди дегани эмас,
Жон узилса, яшаб ҳам бўлди дегани эмас.
Гоҳо яхшилар умри, қабрдан бошлангайдир,
Гўрга кирди дегани, ўлиш дегани эмас.

МЕН КУТГАН АЁЛ

Сирдошим шамол,
Дилдошим хаёл.
Қайлардасан эй,
Мен кутган аёл.

Бахтин излаган,
Қадрин излаган.
Мардин излаган,
Эй соҳибжамол,
Мен кутган аёл.

Кимга алдандинг,
Йўқми ҳамлардинг.
Дунёнинг гамин,
Дилдан ўтқардинг.

Туиларинг савол,
Изладинг висол.
Учрашмадик ҳеч,
Мен кутган аёл.

Севги қалдирғоч,
Эшикларинг оч.
Ёлғончи ёрдан,
Қоч, азизим қоч...

Гул умри увол,
Қошлари ҳилол.
Мендан олисда,
Мен кутган аёл.

2010

ДЎСТИМГА НАСИҲАТ

Кўрқма агар тош кўрсанг,
Душманингни қўлида.
Эҳтиёт бўл, ишқилиб,
Тош бўлмасини кўненида.

СЕВГИ ЙЎҚ, ДЕБ СЕНГА КИМ АЙТДИ?

Ой нурига чўмилди оқшом,
Юлдузларнинг бўйин таратди.
Кўкка қараб интилмоқда жон,
Севги йўқ, деб сенга ким айтди?

Кипригимда сўнгги кўзёшим,
Дард ҳам мени соғиниб қайтди.
Ўнгидан келмоқда ҳар тушим,
Севги йўқ, деб сенга ким айтди?

Етмиш икки томирим уйғоқ,
Суяқларим, ҳатто титрайди.
Ишонмасанг кўзларимга боқ,
Севги йўқ, деб сенга ким айтди?

Ёлгончилар ёлгонин тўқиб,
Билганидан яна қолмайди.
Соф кўнглингга ким афсун ўқиб,
Севги йўқ, деб сенга ким айтди?

Ишқнинг битта зарраси келиб,
Дунёни ишқ уйғотган пайти.
Қалбингни ёлгонга тўлдириб,
Севги йўқ, деб сенга ким айтди?

Ой нурига чўмилди оқшом,
Юлдузларнинг бўйин таратди...

2010

БУХОРОДАН КЕТА ОЛДИМ-У...

Ватанфуруш эмасман гарчи,
Йўл занжирига уза олмадим.
Бухородан кета олдим-у,
Бухородан кеча олмадим.

УМРИНГ ЎТКАЗМА УВОЛ

Отанг насиҳатин ол,
Онанг насиҳатин ол.
Нопок йўлда адашиб,
Умринг ўтказма увол.

Нодон дўсту ёр билан,
Дилдаги ғубор билан.
Фаними бадкор билан,
Умринг ўтказма увол.

Қирқ йилда қирқ минг ҳунар,
Роҳат меҳнатдан бўлар.
Ҳалол барақа унар,
Умринг ўтказма увол.

Нодонларга алданма,
Ёлгонларга алданма.
Шайтонларга алданма,
Умринг ўтказма увол.

Тўрт-беш кунлик бу дунё,
Кимдир шоҳ, кимдир гадо.
Бори алдамчи савдо,
Умринг ўтказма увол.

Умринг ўтказма увол,
Аҳал насиҳати бу.
Ҳар кимга бахт бўлсин ёр,
Дилга инмасин қайгу.

Лабдан яшнасин кулгу,
Бу ҳаёт эмас мангу.
Ҳар кимга истагим шу,
Умринг ўтказма увол.

2010

ОТАМГА ХАТ

Сизни уйлаб тунлар уйгонгум,
Нимадандир қалбим безовта.
Тонггача ҳам келмайди уйқум,
Сиз кирсангиз тушимга, ота.

Ёдда тутиб ҳар бир сўзингиз,
Оқлаяпман берган тузингиз.
Ҳамроҳдирсиз бунга ўзингиз,
Яхши амал ишимда, ота.

Жилга эдим, дарёдек тошдим,
Гарчи анча довонлар ошдим.
Гоҳида дўст танлашда шошдим,
Йуқ эдингиз қошимда, ота.

Ғанимларим лойга ботирса,
Сунг ортимдан игво орттирса.
Дўст-душмаңдан сизга гапирсам,
Сўз сизгамайди ичимга, ота.

Ўзгартирди мени бу шаҳар,
Уйга қайтсам дейман ҳар саҳар.
Оёғимга илашган хатар,
Уриляпти тишимга, ота.

Омонатдек гўё созим ҳам,
Балким тилдан тушар сўзим ҳам.
Шундай утса ёзу кузим ҳам,
Боролмайман қишимга, ота.

Елкамдадек ота қўлингиз,
Мен тутган йўл сизнинг йўлингиз.
Муҳаббатин излар ўғлингиз,
Оқ тушса ҳам сочига, ота.

Йироқдирман бугун армондан,
Ҳайиқмайман энди ҳижрондан.
Ҳақ кутмадим гарчи даврондан,
Ўлганим йўқ очимдан, ота.

Гўё умрим бир бутун асар,
Алҳол якун топса ҳам агар.
Асал тотсам туюлар заҳар,
Оғу тушган ошимга, ота.

Дунё тубин титмоқ бўламан,
Қалб кўрфазин тутмоқ бўламан.
Қаёққадир кетмоқ бўламан,
Ярашмайди ёшимга, ота.

Тан бермоқлик керак қисматга,
Балки ўзи элтар роҳатга.
Аталган жой бордир Аҳадга,
Минг ташвиш бор бошимда, ота.

ДАРДИМДИР БАХТИМ МЕНИНГ...

Сўрашади дўстларим,
Сенда ҳам дард борми деб.
Кулади-ю кўзларим,
Йиглайди қалбим ўксиб.

Дунёнинг ташвишидан,
Ғам тўлади ичимга.
Армоним бўлган билан,
Айтолмайман ҳеч кимга.

Дард сўзини бахт билан,
Алмаштирдим луғатда.
Бахтимдир дардим менинг,
Дард ҳам бахтдир Аҳадга.

ОТАМНИНГ ДЎСТЛАРИ ОТАМДАЙ АЗИЗ

Отамга қўл берган ҳар битга инсон,
Дунёда энг яқин одамдай азиз.
Дўстга эшигимиз очиқ ҳар қачон,
Отамнинг дўстлари отамдай азиз.

Улар насихати суҳбати менга,
Диляшнар энг ёруғ оламдай азиз.
Анча малҳам бўлар кўмаги менга,
Отамнинг дўстлари отамдай азиз.

Бошимни силаган ҳар сахий кўнгил,
Менга авлиёдай, Ҳотамдай азиз.
Уларга қарасам тортаман енгил,
Отамнинг дўстлари отамдай азиз.

Улар бор, шу ярим кўнглим бутундир,
Қора кунларимда ҳамдамдай азиз.
Кўнглим айвонида улар устундир,
Отамнинг дўстлари отамдай азиз.

Уларнинг ортидан босган ҳар изим,
Отам босган ҳар бир қадамдай азиз.
Ўғлидай дуосин олайин ўзим,
Отамнинг дўстлари отамдай азиз.

Ҳар бир маъсума пок ўзбек аёли,
Менинг нуридийдам, онамдай азиз.
Мард ўзбек эркаги отам тимсоли,
Отамнинг дўстлари отамдай азиз.

Отамни бир йўқлаб эшик қоққанлар,
Онам, опам, синглим акамдай азиз.
Отамнинг чирогин келиб ёққанлар,
Отамнинг дўстлари отамдай азиз.

Отамнинг нафаси келар улардан,
Аҳад, дейман, бахт ҳам ноламдай азиз.
Улар деб кечворгум олтину зардан,
Отамнинг дўстлари отамдай азиз.

Отамга қўл берган ҳар битта инсон,
Дунёда энг яқин одамдай азиз.
Дўстга эшигимиз очик ҳар қачон,
Отамнинг дўстлари отамдай азиз.

ЯШАШНИ БИЛ

Давлат билан ўлчанмайди бахт,
Савлат билан ўлчанмайди бахт,
Омад билан ўлчанмайди бахт,
Бахтим йўқ, деб қилмагин армон,
Дўстим, умринг ўтмасин ёлгон.

Дилдан йиғлаб кула олсанг гар,
Кўзи очик юра олсанг гар,
Ўз кунингни кўра олсанг гар,
Бу дунёга қайтиб келмассан,
Яшашни бил, бахтсиз эмассан.

Кеча осмон қорайиб кетди,
Дунё менга торайиб кетди,
Сабр қилдим барчаси ўтди,
Йўқотмадим дилдан шахдимни,
Шукр яна топдим бахтимни.

Бахт дегани осмонда бўлмас,
Кўкда туриб кўзга кўринмас,
Излайверсанг, бир каминг тўлмас,
Аҳад шоир дилидаги дард,
Унинг учун, ахир, катта бахт!

2008

ҚАЧОНГАЧА БУНДАЙ ЯШАЙМИЗ?

Ҳаёт эртас, умр афсона,
Бунда яшар шоҳу девона,
Туғишганлар ёвдек бегона,
Юлдузи йўқ тундай яшаймиз,
Қачонгача бундай яшаймиз?

Ҳисобли дўст айрилмайди, деб,
Кун кўрамиз виждонни сотиб,
Мурдалардек гафлатга ботиб,
Юлдузи йўқ тундай яшаймиз,
Қачонгача бундай яшаймиз?

Ачинмаймиз ўз жонимизга,
Қарши бориб имонимизга,
Осмон йиглар ёлғонимизга,
Юлдузи йўқ тундай яшаймиз,
Қачонгача бундай яшаймиз?

Ишончини ҳам гаровга қўйиб,
Мунофиқлик либосин кийиб,
Савоб ишдан қўлларни тийиб,
Юлдузи йўқ тундай яшаймиз,
Қачонгача бундай яшаймиз?

Аҳад, йигла, кўксингни тигла,
Ибодатга қалбингни боғла,
Гуноҳларинг тўкилар шунда,
Юлдузи йўқ тундай яшаймиз,
Қачонгача бундай яшаймиз?

БЕШ ҚҰЛИНГНИ ОҒЗИНГГА ТИҚМА

Дунё тордир ўзи одамга,
Уни яна сен баттар сиқма.
Дил кўзи-ла боққин оламга,
Беш қўлингни оғзингга тиқма.

Нафас олгин тоза ҳаводан,
Ҳар туйшукка бурнингни тиқма.
Ҳайрат олгин еру самодан,
Беш қўлингни оғзингга тиқма.

Дунё экан ўзи тўрт кушлик,
Яшамоқлик сири унутма.
Ҳаммада бор бу тирикчилик,
Беш қўлингни оғзингга тиқма.

Болам, дейсан, жигарим, дейсан,
Гўё эртанг гамини ейсан.
Бўлди, етар, ёлғонни қўй сан,
Беш қўлингни оғзингга тиқма.

Бурда нон ҳам келсин ҳалолдан,
Ҳаром билан оғзинг қонатма.
Кўрқ, азизим, нафси уволдан,
Беш қўлингни оғзингга тиқма.

Не қилсанг ҳам шу кунинг ўтар,
Худони бил, ганимдан кўрқма.
Билмайсан-ку эрта не кутар,
Беш қўлингни оғзингга тиқма.

Бугунни қўй, бил охиратни,
Қулоғингга ол насиҳатни.
Тингла, дўстим, шоир Аҳадни,
Беш қўлингни оғзингга тиқма.

2008

ҚАНОАТ ҚИЛ

Бахт калити эрур сабр,
 Қаноат қил, қаноат қил.
 Орттирма жонингга жабр,
 Қаноат қил, қаноат қил.
 Бурда нон деб, бўлма густоҳ,
 Ўз нафсинг қилмасин гумроҳ.
 Мол-дунё деб, чекма оҳ-воҳ,
 Қаноат қил, қаноат қил.

Вафо қилмас олтин-кумуш,
 Йўқчиликдан бўлма хомуш.
 Дарду ғаминг эт фаромуш,
 Қаноат қил, қаноат қил.
 Шукрона бўлсин ҳамламинг,
 Узоқ ёнгай умр шаминг.
 Ҳеч ким кўрмас кўзда наминг,
 Қаноат қил, қаноат қил.

Орқа олдиндан бўл огоҳ,
 Балки йўлингда кутар чоҳ.
 Ўзинг асра, де ё Оллоҳ,
 Қаноат қил, қаноат қил.
 Инжа руҳинг танда қафас,
 Омонатдир ҳар бир нафас.
 Бу ўтган дам қайтиб келмас,
 Қаноат қил, қаноат қил.

Дилдан ҳасадни горат қил,
 Яратганга итоат қил.
 Ҳалол меҳнатни тоат бил,
 Қаноат қил, қаноат қил.
 Эй Аҳад, азал сирларин,
 Синоат бил, синоат бил.
 Сабр тўлдиранг бир каминг,
 Қаноат қил, қаноат қил.

Бахт калити эрур сабр,
 Қаноат қил, қаноат қил.
 Орттирма жонингга жабр,
 Қаноат қил, қаноат қил.

ЯНГИ ҲАЁТ КОШОНАСИ ҚУТЛУҒ КЕЛСИН!

Дуо қилинг, ҳар яхшининг бахти кулсин,
Эшигидан яқинлари йўқлаб турсин.
Сурур тўлсин кўзларида,
Шукр бўлсин сўзларида.
Худо берган толе уйин асрай билсин,
Бахт қасрининг остонаси қутлуғ келсин,
Янги ҳаёт кошонаси қутлуғ келсин!

Қоқилмасин ўзи чопган майдонида,
Қора булут бўлмасин ҳеч осмонида.
Ҳеч ким йўлин тўсолмасин,
Шиддатини кесолмасин.
Камида тоғ шаҳди бўлсин имконида,
Толеида ёнган чироқ тўлиқ, келсин,
Янги ҳаёт кошонаси қутлуғ келсин!

Умри талош бўлмасин ҳеч саробларга,
Дил бермасин асли ёлгон хитобларга.
Сабр енгсин қайгуларин,
Тоза тутсин туйгуларин.
Қалби кўчсин қадри асрий китобларга,
Эл олдида пешонаси ёруғ бўлсин,
Янги ҳаёт кошонаси қутлуғ келсин!

Яхшиларнинг кўзларида бўлмасин нам,
Ўтмасинким бу дунёдан ҳеч бири кам.
Шундай фараҳ онларида,
Жон бўлайлик жонларида.
Эласалар гоҳо Аҳад шоирни ҳам,
Оқибатли дўстнинг ўрни улуг бўлсин,
Янги ҳаёт кошонаси қутлуғ келсин!

ЎЗИМДАН ЎТГАНИ...

Дардимни билдирмай сизга куламан,
Аммо ич-ичимдан кўксим тиламан.
Сизни ҳарчанд авраб, далда берсам-да,
Ўзимдан ўтганин ўзим биламан.

Ҳаммага жилмайиб кўча ё кўйда,
Табассум улашиб байрам ё тўйда.
Гоҳ ёлғиз қамалиб йиғлайман уйда,
Ўзимдан ўтганин ўзим биламан.

Сенга нима етмас, дея сўрайсиз,
Кўзларимга бунча мунгли қарайсиз.
Энди йиғламайман, леб берсам ҳам сўз,
Ўзимдан ўтганин ўзим биламан.

Не қилай, кўксимни тешади армон,
Висол армон бўлса, муҳаббат ёлғон.
Ҳар оқшом кўксимга қулайди осмон,
Ўзимдан ўтганин ўзим биламан.

Ахир, сизни алдаб нима қиламан,
Ёлғизликда нима бўлсам бўламан.
Сизни авраш учун ёлғонлар тўқиб,
Ўзимдан ўтганин ўзим биламан.

ЖУДА ОЛИСДАСАН...

Жуда олисдасан, етмайди қўлим,
Жуда яқиндасан, мисоли ўлим.
Сен мени бир умр ёлғиз қолдириб,
Ташлаб ҳам кетмайсан, сезади кўнглим.

ТҮЙИБ КЕТДИМ

Багри тошлар дунёсидан,
Тўйиб кетдим, тўйиб кетдим.
Ёмонларнинг жафосидан,
Куйиб кетдим, куйиб кетдим.

Ҳар нафасим оғриқ бўлди,
Қаҳринг бунча қаттиқ бўлди.
Дардларимнинг дарёсида,
Тўлиб кетдим, тўлиб кетдим.

Кимга айтай дардларимни,
Излаб топган бахтларимни.
Армонларнинг савдосига,
Қўйиб кетдим, қўйиб кетдим.

Ёлғизман энди ҳаммадан,
Қўрқаман, айт, мен нимадан.
Юрагимдан балоларни,
Олиб кетдим, олиб кетдим.

Аҳад яшамай одамдек,
Бир ёниб ўчдииг-ку шамдек.
Хатоларнинг жазосига,
Қолиб кетдим, қолиб кетдим.

2009

ХУДО УРСИН, ДЕБ ҚАРҒАМАНГ

Шикаст еб подон дастидан,
Ўйлаб ғамгин ғуссаларни.
Худо урсин, деб қарғаманг,
Худо урган кимсаларни.

ШУКР ОЛЛОҲИМ

Имон деган давлат бердинг,
Шукр Оллоҳим, шукр Оллоҳ.
Ижод деган савлат бердинг,
Шукр Оллоҳим, шукр Оллоҳ.

Бошим силаб бандам, дединг,
Мудом ризқим бутун қилдинг.
Ҳалолимдан неъмат бердинг,
Шукр Оллоҳим, шукр Оллоҳ.

Ибодатим қабул бўлди,
Бугун яна бахтим кулди.
Юрагимга журъат бердинг,
Шукр Оллоҳим, шукр Оллоҳ.

Муҳаббатнинг азобини,
Ишқнинг аччиқ шаробини.
Севги деган қисмат бердинг,
Шукр Оллоҳим, шукр Оллоҳ.

Сўйлаяпман эл дардини,
Кўтарсам дейман қадрини.
Бунга ўзинг фурсат бердинг,
Шукр Оллоҳим, шукр Оллоҳ.

Аҳад деган номнинг олиб,
Яшаяпман маъно териб.
Шундай яхши одат бердинг,
Шукр Оллоҳим, шукр Оллоҳ.

2009

БУГУН, БАЛКИ...

Камми-кўпми яшадим, эй дўст,
Кўп ишларга балки улгурдим.
Ҳар кун тонгда ўйлайман ҳануз,
Бугун, балки охириги куним.

Эртага ҳам режам кўп гарчи,
Армонларим кўпи бирламчи.
Ажал ногоҳ тортади қамчи,
Бугун, балки охириги куним.

Сўзим эшит сирдошим соат,
Ёниб-ўчар онмиз омонат.
Балки эрта бўлар қиёмат,
Бугун, балки охириги куним.

Дуо қилинг мени, онажон,
Юраккинам оғрир чалажон.
Кетсам, рози бўлинг, дадажон,
Бугун, балки охириги куним.

Хафа бўлма мендан, дўстгинам,
Сени билмай ранжитган бўлсам.
Ортимдан тош отмагин, ўлсам,
Бугун, балки охириги куним.

Ижодим деб, бахтимдан кечдим,
Қанча йиллар заҳрини ичдим.
Бир шам каби ёндим-у ўчдим,
Бугун, балки охириги куним.

Бугун, балки охириги куним,
Соғинаман сингилларимни.
Бир меҳрибон акадай бўлиб,
Ололмадим кўнгилларини.

Тошдан баттар экансан, кўнглим,
Нима десанг, барига кўндим.
Севги дединг, севдим ўйламай,
Ишқ дардига энди тушундим...

Қалбим ичра минг битта тилак,
Умр оқар, тилимда эртак.
Бупчаларам ҳовлиқдинг, юрак,
Бугун, балки охириги куним.

СИЗНИ ЖУДА ЯХШИ КЎРАМАН...

Хаёлимда сиз билан бирга,
Тушимда ҳам излаб юраман.
Хаётимдан кетдингиз нега,
Сизни жуда яхши кўраман...

Кўзёшларим ёғар лабимга,
Ишонмасиз балки гапимга.
Сиз кераксиз телба қалбимга,
Сизни жуда яхши кўраман...

Талпинганда мингларча мухлис,
Кўзларимда ёнади бир ҳис.
Фақат сизни севганман ёлғиз,
Сизни жуда яхши кўраман...

Юлдузлар сочилди сочимга,
Афсуслар ёгилди бошимга.
Тегаверинг, майли, гашимга,
Сизни жуда яхши кўраман...

Дейсиз: Аҳад, муҳаббат нима,
Ишқ бу денгиз, муҳаббат кема.
Кимлар учун бошланар севги,
Ечилганда энг сўнгги тугма.
Бошқа кимга ҳазил қиламан,
Сизни жуда яхши кўраман...

Битта сирни очайми секин,
Мен севдимми, қайтмайман лекин.
Ўзингизга айтмайман лекин,
Сизни жуда яхши кўраман...

ҚАЛБИМ СИЗДА ЯШАР...

Йигладим, бошимдан ўтди жудолик,
Сиз учун яна бир қилгум фидолик.
Розиман, сиз олинг менинг ҳаққимни,
Худо сизга берсин менинг бахтимни.

Ўлиб кетсин, дея қаргаманг, гулим,
Сизни йўқотганим мен учун ўлим...
На яшай оламан, на мен гўрдаман,
Қалбим сизда яшар, тирик мурдаман.

ИСМИМНИ ТАКРОРЛА...

Мен учун табассум қилсин шу лабинг,
Мен учун баҳордай очилсин қалбинг.
Ҳар бир нафасингнинг маъноси бўлай,
Севгилим, мен учун урсин юрагинг.

Исимни такрорла, ҳатто тушингда,
Доим, ўзим бўлай ақлу ҳушингда.
Дунёларни излаб қалбингдан топдим,
Эли сен ҳам мени бир бор тушун-да.

АСЛИДА...

Кимларнинг наздида биз ҳали гўдак,
Сафсата кетидан қувиб юрибмиз.
Шундайларга бир гап айтишим керак,
Биз чўққини аниқ кўриб турибмиз.

Уларнинг фикрича, пасту баландни,
Идрок этмоқдикка етмас фаҳмимиз.
Кимнингдир ортидан йўл топганларга,
Аслида бизнинг ҳам келар раҳмимиз.

АЛДАНГАН ҚИЗ

*Энди айт-чи, кимга кераксан,
Гул умрини увол қилган қиз.
Минг ғийбатчи тилда эрмаксан,
Ёшлигини завол қилган қиз.*

У йиғлади артдим ёшини,
Савол берсам, эгли бошини.
Кўтаролмас ҳасрат тошини,
Алданган қиз.

Авжи баҳор очилмаган гул,
У бир дилдор, сочилмаган дил.
Ёлғиз қолса, не қилсин, ахир,
Алданган қиз.

Севди бахтли бўламан дея,
Алданишин кутмагани-я.
Йиғлар энди у куя-куя,
Алданган қиз.

Дайди шамол эрмакларб ўтар,
У-чи бедор кимнидир кутар.
Ёстиқлари тошданам баттар,
Алданган қиз.

Бахти самода ёнмаган юлдуз,
Қалби нафрат тўла бир денгиз.
Гул умрини сўлдирди эссиз,
Алданган қиз.

Алданган қиз хазонга ўхшар,
Ҳаётдан ҳеч умидсиз яшар.
Ёлғизликдан эзилиб қақшар,
Алданган қиз.

Тингланг, дўстлар. Аҳад дардини,
Йиглаб ёзган ҳар бир сатрини.
Сен Худога сол номардларни,
Алданган қиз.

(ҲАЗИЛ ШЕЪР)

Мен ошиқман гўр,
Бу пешонам шўр.
Бевафо қизлар,
Ҳаммаси бир гўр.
 Дилингни олар,
 Гулингни олар.
 Сездирмай ҳамма,
 Пулингни олар.
Кўзи гўзал деб,
Сўзи гўзал деб.
Севаман, девдим,
Берди-ку фириб.
 Ёлгон ўқ бўлар,
 Вафо йўқ бўлар.
 Қирқ бир туяга,
 Макри юк бўлар...
Секин ташлар тўр,
Дўстим огоҳ бўл.
Бевафо қизлар,
Ҳаммаси бир гўр.
 Ҳаммаси бир хил,
 Нағмаси ҳар хил.
 Қомати бошқа,
 Омади бошқа...
Агарда севсам.
Айтиб севмасман.
Минг қасам ичдим,
Қайтиб севмасман.
 Уйлансанг, дўстим,
 Шарт эмас севги.
 Аёллар ишқни,
 Туншунмас чулки.
Гўнгнинг бўлиб ер,
Қилгай сени хўр.
Бевафо қизлар,
Ҳаммаси бир гўр.

БАХТЛИ ҚИЛ, ТИПЧГИНА ЁТАЙ ҚАБРИМДА!

Қўлларимни узма бўйинингдан, жоним,
Қўйворсанг, ўламан қўйинингда, жоним,
Бир тугмача жой бер кўнглингдан, жоним,
Шу меҳр этади бутун умримга,
Бахтли қил, типчгина ётай қабримда.

Иккала қўлларим очиб кетмасин,
Омад остонамдан қочиб кетмасин,
Армонлар қонимни ичиб кетмасин,
Исмингни ўйиб ёз куйган бағримга,
Бахтли қил, типчгина ётай қабримда.

Юрак огрийверар исптмам ошиб,
Қон тўла кўзимдан кўзёшим тошиб,
Дўстларим соғалар кўксимни тешиб,
Сен қўшилиб куйма менинг жабримга,
Бахтли қил, типчгина ётай қабримда.

Мени тушунмайди анов ифлослар,
Турқи хотинчалиш оркаклибослар,
Тушимда мазордан келар овозлар,
Қўрқмагин, йиғлама менинг тапимга,
Бахтли қил, типчгина ётай қабримда.

Сен дейсан, кўй Аҳад кўн ҳам сиқилма,
Дардларинг ўтида энди ёқилма,
Истагим, менидан сўнг қол сан, йиқилма,
Ўлим, даво бўлмай ҳамма дардимга,
Бахтли қил, типчгина ётай қабримда.

Қўлларимни узма бўйинингдан, жоним...

СЕНИ СЕВАМАН, ДЕНГ...

Биламан, меники бўла олмайсиз,
Биламан, қалбингиз ўзга билан банд.
Азизим, мени ҳам бир марта ўйланг,
Сени севаман, денг бир марта фақат.

Дардларим ўргимчак тўридай чигал,
Ортиқ чидолмайман қолмади тоқат.
Бир марта мендан ҳам олингиз хабар,
Сени севаман, денг бир марта фақат.

Оҳ, ахир ўн беш йил мен сизни кутдим,
Ҳар сония ҳар лақиқа йилга тенг соат.
Унутгум, бутушлай кейин унутгум,
Сени севаман, денг бир марта фақат.

Юрак энг сўнгги бир сасни кутмоқда,
Сўнг майли, ўлсам ҳам жон олсин роҳат.
Битта сўзни кутиб умрим ўтмоқда,
Сени севаман, денг бир марта фақат.

Билмайсиз-да менга кимлар зорлигин,
Ёлғон осмонлардан ахтарасиз бахт.
Бир бор ўйлолмайсиз менинг борлигим,
Сени севаман, денг бир марта фақат.

Эртага дунёнинг нуҳратин йигиб,
Бир ширин бахт топмай ўлмасин Аҳад.
Бир марта қалбингиз оҳларин уқиб,
Сени севаман, денг бир марта фақат.

Биламан, меники бўла олмайсиз,
Биламан, қалбингиз ўзга билан банд.
Азизим, мени ҳам бир марта ўйланг,
Сени севаман, денг бир марта фақат.

ДУСТЛАР БОРКИ...

Дўстлар борки, пулингга дўстдир,
Дўстлар борки, дилингга дўстдир.
Дўстлар борки, душмандан баттар,
Дўстлар борки, умринг гуллатар.

Дўстлар борки, ит ундан яхши,
Дўстлар борки, кўнгилнинг нақши.
Дўстлар борки, сохтасаломдир,
Дўстлар борки, соҳибвиждондир.

Дўстлар борки, дўст легинг келмас,
Дўстлар борки, ёлғиз қолдирмас.
Дўстлар борки, заволинг истар,
Дўстлар борки, камолинг истар.

Дўстлар борки, ҳасаддан тўймас,
Дўстлар борки, мансабдан тўймас.
Дўстлар борки, хиёнатгача,
Дўстлар борки, қиёматгача.

Дўстлар борки, рақобат қилар,
Дўстлар борки, саховат тилар.
Дўстлар борки, дил ва тил бошқа,
Дўстлар борки, кўтарар бошга.

Дўстлар борки, шунчалар ифлос,
Дўстлар борки, фаришгақиёс.
Дўстлар борки, йиқилсанг, байрам,
Дўстлар борки, ҳамма таъриф кам.

Дўстлар борки, одаммас, ҳайвон,
Дўстлар борки, тонмайсан нуқсон.
Дўстлар борки, Аҳад синсин, дер,
Дўстлар борки, гуллаб унсин, дер...

Дўстлар борки, бх шундай дўстлар,
Бири дард бири бахт кўзлар...

АЁЛНИНГ ТАШВИШИ ЭМАС БУ...

Сал эҳтиёт бўлинг, эркаклар,
Ўзингизни ўйламай нуқул.
Рўзгор тортмоқ билсангиз агар,
Аёлнинг ташвиши эмас бу.

Бир бошига минг битта савдо,
Оилам деб билмайди уйқу.
Унга дардни кўрмайлик раво,
Аёлнинг ташвиши эмас бу.

Кимлар ўзин овутиб қўяр,
Не қилайлик ҳозир замон шу.
Хотин эрлик либосин кияр,
Дейди бизнинг ташвишимиз бу.

Мардикорга ҳам чиқартирдик,
Елкасига тоғ юклаттирдик,
Баъзан тобутни кўтарттирдик,
Бизнинг ташвишимиз эди у.

Шундай кетса агар бир куни,
Қулаб тушар дунё устунни,
Аҳад сизга айтади шуни,
Қараб турса ҳам бўлмайди-ку...

Сал эҳтиёт, бўлинг эркаклар,
Ўзингизни ўйламай нуқул.
Рўзгор тортмоқ, билсангиз агар,
Аёлнинг ташвиши эмас бу.

СЕНИ РОСТДАН СЕВИБ ҚОЛГАНДИМ...

Сен кетдинг-у, дунё ўзгарди,
Муҳаббатга айланди дардим.
Жондан ўтди меҳрини қадри,
Сени ростдан севиб қолгандим...

Дил истамас сендан бошқани,
Тугатолмай бу томошани.
Жонга малҳам хўш, айт-чи, қани,
Сени ростдан севиб қолгандим...

Мен шунчаки бир кўнгил қўйиб,
Бир лаҳзага тафтинга тўйиб.
Дилда ишқим ёлгонга йўйиб,
Сени ростдан севиб қолгандим...

Йўқсан, энди хаёллар сарсон,
Бошгинамда саволлар сарсон.
Чақмоқ чертиб, йнглайди осмон,
Сени ростдан севиб қолгандим...

Сени ростдан севиб қолгандим,
Мен яшабман алдаб ўзимни.
Нигоҳингдан бўса олгандим,
Кўзларингга қадаб кўзимни.

Чашмадек соф қалбингга зорман,
Олисласан, қадрингга зорман.
Муҳаббатинг, меҳрингга зорман,
Сени ростдан севиб қолгандим...

НЕГА СЕНДАН ДАРАК ЙЎҚ...

Унутилган йўқчилик,
Ҳаётим жуда ёруғ.
Атрофимда кўнчилик,
Аммо сендан дарак йўқ.
Етар обрў эътибор,
Ҳамма менинг интизор.
Шукр, ҳамма нарсам бор,
Аммо сендан дарак йўқ.

Эрталабдан кечгача,
Яшайман дилни санча.
Улгайдим бугун анча,
Аммо сендан дарак йўқ.
Таълаб кетган дўстларим,
Узрини айтиб келди.
Ҳаётим яна гўзал,
Баҳорлар қайтиб келди.

Яшайман осмонда,
Бундан ширин эртақ йўқ.
Оҳ, кўмсайман онда,
Аммо сендан дарак йўқ.
Осмонларга тикилиб,
Қалбимни кўкла кўрдим.
Бир кун машҳур бўламан,
Юлдуз бўламан, дердим.

Тоғман тошлари синган,
Бағримда бир бўлак йўқ.
Гулман гунчаси сўнган,
Нега сендан дарак йўқ.
Атрофимда хур қизлар,
Тинмай севгидан сўзлар.
Кўзларим сени излар,
Аммо сендан дарак йўқ.

Шунча обрў шуҳратни,
Қара, омадкуш бахтни.
Сенсиз булар не керак,
Тушунгин-да Аҳдни.

Атрофимда минг-минглаб,
Мухлислар турар мақтаб,
Ҳар кун дил сўрар йиғлаб,
Аммо сендан дарак йўқ,
Юрак ёмон ҳам санчар,
Шифохона ватаним,
Ғамматодан ўралар,
Ўлганимда кафаним.
Ҳатто, йўқлади ажал,
Ҳамроҳим бўлди оғриқ,
Тузалмайман бу сафар,
Умид деган кўйлак йўқ...

2012

СЕВГИ

Севги шундай туйғуки,
Ўз ўтингда ёнасан,
Севги шундай орзуки,
Тушингга ишонасан.
Севги шундай уйқуки,
Лаҳзада уйғонасан,
Севги шундай ёғдуки,
Хаёлга парвонасан.
Севги шундай қулғуки,
Яйрайсан, қуволасан,
Севги шундай қайғуки,
Дунёдан бегонасан.
Севги шундай манғуки,
Оламга афеонасан,
Севги шундай қўрқувки,
Йўқотсанг, вайронасан.
Севги шундай оғуки,
Аҳад, ичсанг, қонасан,
Севги шундай чолғуки,
Висол куйин чаласан.

2008



БОШҚАСИГА УЙЛАНДИМ...

Юрак йиғлар, кўнгил нобуд,
Севги ўлди, йўқдир тобут.
Қайтиб келгин дейман қандай,
Қандай, ахир, дейман унут.
Бошқа қизни ўйладим,
Бошқасига уйландим...

Никоҳ, турмуш бўлак, деб,
Севиб яшаш бўлак, деб.
Оила бошқа дунё,
Ишқ дунёси бўлак, деб.
Бошқа қизни ўйладим,
Бошқасига уйландим.

Бир томон рўзгор гами,
Бир томонда ишқ йиғлар.
Бечора ошиқ юрак,
Тениг иккига бўлинар.
Бошқа қизни ўйладим,
Бошқасига уйландим.

Эҳ, Лайлига Мажнунлар,
Бугун йўқолиб кетди.
Қанча Тоҳир Зухролар,
Сувларда оқиб кетди.
Бошқа қизни ўйладим,
Бошқасига уйландим.

Дунё дердим бедаво,
Ўзим чиқдим бевафо.
Ҳеч биридап кечолмай,
Аҳал ҳам бўлди адо...

СИЗГА ЎХШАГАН ҚИЗ КИМНИ СЕВАДИ?!

Сизни ҳар бир эркак севиши мумкин,
Сизни ҳар бир аёл ҳурмат қилади.
Кимлар сизга лойиқ бўлиши мумкин,
Сизга ўхшаган қиз кимни севади?

Билганингиз китоб, билганингиз уй,
Тарбия кинодан устун келади.
Сизни қизиқтирмас, **СЕВГИ,**
КУЁВ,
ТЎЙ,

Сизга ўхшаган қиз кимни севади?

Бошқа бир қизларда бўлса бу чирой,
Ўзини дунёдан устун қўяди.

Қаранг, сизга ҳавас қилар, ҳатто ой,
Сизга ўхшаган қиз кимни севади?

Ўн беш йилдан бери сизни севаман,
Бошқа йигит бўлса, жинни бўлади.
Агар кўнмасангиз нима қиламан,
Сизга ўхшаган қиз кимни севади?

Ўн беш йилдан бери фақат бир хил туш,
Ўн беш йилдан бери қалбим ёнади.

Айтинг, бундан ортиқ мумкинми кутиш.

Сизга ўхшаган қиз кимни севади?

Бошқаларга ўхшаб кийининг сиз ҳам,
Пардоз-андоз қилинг, бўянинг сиз ҳам.
Шунчалар ҳам сипо бўларми одам,
Сизга ўхшаган қиз кимни севади?

Тўғри, мен жудаям хаёлпарастман,

Мағрур, мақтанчоқман, шеъримга мастман.

Аммо ичи қора ифлос эмасман,

Сизга ўхшаган қиз кимни севади?

Нима берар исм, Аҳад Қаюм ким,
Сиз учун ҳар қандай шуҳратдан кечдим.
Мени севмасангиз, ахир, мен ҳеч ким,
Сизга ўхшаган қиз кимни севади?!

УЙҚУМ КЕЛМАЯПТИ

Уйқум келмаяпти, типчим йўқолган,
Чарчаган, ҳориган, безовта руҳим.
Ташвишлар юракка иш қуриволган,
Кўксимни йиртгудек ўтли андуҳим.
 Ҳа, эсимда аниқ анча йил олдин,
 Айрилиқнинг мушгли оқшоми эди.
 Ақлимнинг олдига келиб юрагим,
 Энди адашмайман, деб ваъда берди.
Шунча йил ўтибди мана оралдан,
Хўш, юрак сўзида тура олдим.
Бемаъни ўйлардан бир зумга чалғиб,
Йўлин ҳақиқатга бура олдим?...
 Йўқ, ундай қилмади бемаъни юрак,
 Ақлнинг сўзига кирмади номард.
 Менга деди: — Аҳад севишинг керак,
 Ўша қизга бориб, севаман, деб айт.
Менам қолишмайман тентак юракдан,
Ярим тун...
Мен унга кўнгироқ қилдим.
Унга айтдим: — Балки ўзинг билмассан,
Сени беш йил аввал севганман, дедим.
 Ишқий сатрларим сенга аталган,
 Муҳаббат ҳақдаги барча шеърларим...
 Бир неча дақиқа ичида хуллас,
 Айтиб улгурибман барча сирларим.
У қиз ҳам жимгина мени эшитиб,
Аҳад, сен ҳалиям гўдаксан, деди.
Тўғриси, мен унга ҳазиллашмовдим,
Айтган гапларимнинг бари рост эди...
 Шу-шу кўришмадик биз анча йиллар,
 Менга омад кулди, у бўлди ҳеч ким.
 Қайтиб келиб деди: адашдим, кечир,
 Бегим деманг, дедим энди **БЕГОЙИМ!!!**
Эҳ юрак... Юракжон... Девона юрак...
Ақлнинг олдида уятда қолдинг.
Севиб бало борми актрисани,

Узингни ортиқча ташвишга солдинг.
 Уйқум келмаяпти, тинчим йўқолган,
 Юрак билан Ақл савдоси аро.
 Нима дейсиз, шу тўрт кунлик дунёда,
 Яшагим келмайди севгимдан айро.
 Қанийди ўхшаса кино ва ҳаёт,
 Қанийди ўхшаса образ ва инсон.
 Ҳам актёр бўлиб, ҳам одам бўлиб,
 Бахтли қилармидим сизни, онажон...
 Менинг дардим фақат машҳурлик эмас,
 Омад эгаларин ҳамкасб ошноси,
 Она халқим мени ўғлим деса, бас,
 Мен чин фарзандидек артай кўзёшин.
 Гўёки бир ёмон тушдай бу ҳолат,
 Қанийди сесканиб уйғониб кетсам.
 Афсуски, бу ҳаёт, ҳа, аниқ ҳаёт,
 О, қанийди дўстлар, қайта туғилсам.
 Умуман кўрмасдим ҳинд фильмларин,
 Юракни қилмасдим ғамларга бозор.
 Ҳаётда ўз ролим яхши ўйнардим,
 Танисмай ўтардим ким у режиссёр...
 Бу жудаям ёмон, бу жуда ёмон,
 Миллионлаб мухлисинг меҳр кутганда.
 Ёпингдаги одам дардинг билмаса,
 Йиглайсан, азоблар жондан ўтганда.
 Жуда кўп адашдим ҳаёт йўлида,
 Балки дўст танлашда адашгандирман.
 Тонггача кўзёшим юзимни ювар,
 Лабларим кулса-да юракдан кулмам...
 Ўлим эшик қоқар, кучаяр оғриқ,
 Менга раҳм қилгин, жон шифохона.
 Овқатнинг ўрнига дори ютганда,
 Жонданам тўйдирди бу жафохона.
 Уйқум келмаяпти... уни кутяпман,
 Ҳеч кимни бунча кўп кутмаган эдим.
 Оқшом сен ёритгин зулматгоҳ қалбим,
 Наҳотки, дунёдан уйғоқ ўтяпман...

2010

БИР ЮРАҚДА ИККИТА СЕВГИ...

Гулёшимнинг авжи баҳори,
Бир ҳис чақар, дилнинг озори,
Чин муҳаббат билмам қай бири,
Бир юракда бахт билан қайғу,
Бир юракда иккита севги...

Биттасидан қочиб бўлмайди,
Ҳижрон заҳрин ичиб бўлмайди,
Ҳеч биридан кечиб бўлмайди,
Дил аросат, иккита туйғу,
Бир юракда иккита севги...

Икковиям бахтимсиз, дейди,
Фақат менинг ғамимни сйди,
Ўйлайвериб юрак ҳам тўйди,
Ахир, бундай яшаб бўлмас-ку,
Бир юракда иккита севги...

Ахир, кечиб кетаман қандай,
Уйланаман деб қўйганман-да,
Сал босиқроқ бўлмай ўшанда,
Муҳаббатга қарабман енгил,
Бир юракда иккита севги...

Хаёлларим тўзилиб кетди,
Аҳад ўйлаб, эзилиб кетди,
Режаларим бузилиб кетди,
Тенг иккига бўлиндим чунки,
Бир юракда иккита севги...

ИККИНЧИ МУҲАББАТ...

Илк севги-ҳаяжон, илк муҳаббатдан,
Етолмай васлига юрагим куйган,
Яна севаман деб ҳеч ўйламовдим,
Иккинчи муҳаббат бошқача экан.

Яна дилда бошлаб севги базмини,
Энди кўргандайман дунё аслини,
Ё уқиб бўлдимми ишқнинг дарсини,
Иккинчи муҳаббат бошқача экан.

Қайтиб севмайман деб қасам ичгандим,
Бевафо макридан зўрға қочгандим,
Ёлгончи ёрлардан буткул кечгандим,
Иккинчи муҳаббат бошқача экан.

Биринчи муҳаббат ёмғирга ўхшар,
Юрагингни ғашлар кўзингни ёшлар,
Янги ишқ заромад, бахтгилам тўшар,
Иккинчи муҳаббат бошқача экан.

Наҳотки, ушалди гушларим ўнги,
Наҳотки, топилди ёқамнинг енги,
Ниҳоят топилди қалбимнинг тенги,
Эҳ, сиз нима десангиз денг-у,
Иккинчи муҳаббат бошқача экан.

Ошиқ Аҳад Қаюм ёниб айтаро,
Энди бўлмагай ҳеч дил мотамсаро,
Энди айирмагин жуфтимдан, Худо,
Иккинчи муҳаббат бошқача экан.

Биринчи севгимдан оҳ, куйиб қолдим,
Ёмон қувилгандим ишқ саройидан,
Яна севаман, деб ҳеч ўйламовдим,
Иккинчи муҳаббат бошқача экан.

Илк севги-ҳаяжон, илк муҳаббатдан,
Етолмай васлига юрагим куйган...

ЙИГЛАМА ДИЛ, У КЕЛМАЙДИ...

Севги нима, у қалдирғоч,
Фасли баҳор ишқ гуллайди.
Кетдинг кўзда қолдириб ёш,
Йиглама дил, у келмайди...

Юзим хазон, кўзим хазон,
Бир муҳаббат топилмайди.
Осмон бўйинг этма арзон,
Йиглама дил, у келмайди...

Нима қилай, нима қилай,
Дардларимни, оҳ, билмайди.
Келмаса куй, унутгин, ҳай,
Йиглама дил, у келмайди...

Наҳор келди, баҳор келди,
Ишқ ёмғири тўкилмайди.
Бахт ўрнига озор келди,
Йиглама дил, у келмайди...

У келмайди, йиглама дил,
Ошиқ қаддинг букилмайди.
Юз йил кутгил, минг йил кутгил,
Йиглама дил, у келмайди...

Ҳижрон зулмат бу юракда,
Висол шами ёқилмайди.
Девонаман жонсарақда,
Йиглама дил, у келмайди...

Аҳад наҳот бахт китобин,
Сарлавҳаси ёзилмайди.
Тингла, эй жон, шу хитобим,
Йиглама дил, у келмайди...

Садқайи кўзёшинг кетсин,
Баҳорда қор кутилмайди.
Унут уни, ўлиб кетсин,
Йиглама дил, у келмайди...

Севги нима, у қалдирғоч,
Фасли баҳор ишқ гуллайди.
Кетдинг кўзда қолдириб ёш,
Йиглама дил, у келмайди...

ТОПОЛМАДИМ

Учратмадим танҳойимни,
Ёлғизимни тополмадим.
Зеболардан зебойимни,
Тенгсизимни тополмадим.

Ҳижрон ёқар дил тафтимни,
Тулдирмоқда ишқ кафтимни.
Тополмадим ўз жуфтимни,
Юлдузимни тополмадим.

Пешонамга ёзилган ёр,
Қайда кутар мени бедор.
Туним зулмат, сочимда қор,
Кундузимни тополмадим.

Бир бор севиб, севилмасанг,
Кўнгил ойнанг губори чанг.
Юрак, бунча йиғламасанг,
Дилсўзимни тополмадим.

Қай йўлларда адашди ишқ,
Қай дилларда ярашди ишқ.
Сени менга талашди ишқ,
Мен ўзимни тополмадим.

Йиғлар ошиқ Аҳад ёлғиз,
Умри ўтиб борар ёрсиз.
Сўлғин бир япроқман ҳолсиз,
Илдизимни тополмадим.



АЙРИЛИҚ ҚОНУНМИ ИШҚ КИТОБИДА...

Умидлар зор йиғлар ишқ, нобуд – ўлди,
Қолдим, орзуларим қабристониди.
Хўрланган юрагим нафратга тўлди,
Айрилиқ қонунми ишқ китобида.

Қалбим осмонида чақмоқлар чақар,
Оғу тутдинг лабинг гул шаробида.
Кўзёшим қонларга айланиб оқар,
Айрилиқ қонунми ишқ китобида.

Кўзларингда севгим изҳори мактуб,
Ваъдалар чўкади дил зардобиди.
Яшай оласанми мени унутиб,
Айрилиқ қонунми ишқ китобида.

Бағримда илдизлаб кетган суратинг,
Нур эдинг соясиз, қалбим боғиди.
Жонимдан қимматроқ ҳижрон сўрадинг,
Айрилиқ қонунми ишқ китобида.

Ёлғон, макр, ҳийла, барин яшириб,
Келгандинг фаришта тўр ниқобида.
Хотиралар йиғлар менга қўшилиб,
Айрилиқ қонунми ишқ китобида.

Кел, бир бор бузайлик ўша қонунни,
Жудо эт Аҳадни дард азобидан.
Мендан олиб кет бу қотил қайгуни,
Айрилиқ қонунми ишқ китобида.

БИЗЛАРГА НИМА ҚИПТИ...

Униси бундай дебти,
Буниси ундай дебти.
Ҳаммадан бахтлимиз-ку,
Бизларга нима қипти?!

Алламбало миш-мишлар,
Дўстларимга чақмишлар.
Душманамга боқмишлар,
Бизларга нима қипти?!

Бировдан орқадамас,
Бировдан олдидамас.
Дил тўла орзу-ҳавас,
Бизларга нима қипти?!

Елкамиз шақиллатиб,
Пошнамиз тақиллатиб.
Юрмасак лақиллатиб,
Бизларга нима қипти?!

Кимдир қимға шивирлар,
Ғийбат ёлғон ғивирлар.
Билмам қайдан тўқирлар,
Бизларга нима қипти?!

Фалончи юрар эмиш,
Тугончи кўрар эмиш.
Қирқта ёлғон қирққамиш,
Бизларга нима қипти?!

Кўпирмачи бургтирма,
Ортдан иғво орттирма.
Кўп бошимни қотирма,
Бизларга нима қипти?!

Ёлғон яшиқ нағмасин,
Йиғиштириб ҳаммасин.
Дилтешигин ямасин,
Бизларга нима қипти?!

Дилденгизда ифлос сўз,
Аҳадга кема қипти.
Бахтлимиз, тегмасин кўз,
Бизларга нима қипти?!

СЕВИБ ҚОЛГИМ КЕЛЯПТИ...

Ёнар ичимда недир,
Менга нима бўляпти?
Шу кунларда кимнидир,
Севиб қолгим келяпти.

Ғашвицларим шунча кўп,
Зериктирди мени кўп.
Қалбимни бир бор сезиб,
Севиб қолгим келяпти.

Очиб кўпгил хатимни,
Синайми омадимни.
Тоғиб бир мос жуфтимни,
Севиб қолгим келяпти.

Тинчлик бермас армон ҳам,
Эзар тўртга томондан.
Шу кунларда ёмон ҳам,
Севиб қолгим келяпти.

Шунчаки ҳавасгамас,
Ишқ майидан бўлсам маст.
Ҳаммасидан тўйдим, бас,
Севиб қолгим келяпти.

Севгилимга дил ёргим,
Ҳар кун ёнига боргим.
Бир унга содиқ қолгим,
Севиб қолгим келяпти.

Ёнар ичимда недир,
Менга нима бўляпти?
Шу кунларда кимнидир,
Севиб қолгим келяпти.

ҚАЧОН КҮРИШАМИЗ...

Сени жуда соғиниб кетдим,
Сени сўраб йиғлайди кўнглим,
Соғинчларнинг заҳрин ичяпман,
Қачон кўришамиз севгилим.

Осмондаги икки қуш мисол,
Ўнгига айланган туш мисол,
Тезроқ келса биз кутган висол,
Қачон кўришамиз севгилим.

Ўзим излаб боргим келяпти,
Сени ёмон кўргим келяпти,
Маҳкам кучиб олгим келяпти,
Қачон кўришамиз, севгилим.

Кучоғингда бир бор қулмайин,
Бахт куйини бир бор чалмайин,
Мен ақлдан озиб қолмайин,
Қачон кўришамиз, севгилим.

Бу ҳолим телбага андоза,
Кўзларингни соғиндим роса,
Синиб қолмай бу сабр коса,
Қачон кўришамиз, севгилим.

Тушун, ахир, сенсизлик ўлим,
Сен томонга бошлар ҳар йўлим,
Бирор ишга бормади кўлим,
Қачон кўришамиз, севгилим.

Сенсан Аҳад дилин қонуни,
Ҳаётимнинг ўзинг мазмуни,
Аввалгига ўхшаб ҳар куни,
Қачон кўришамиз, севгилим.

Шартми сенга келгин, деб айтиш,
Соғинчларнинг заҳрини ютиш,
Жуда жонга тегди бу кутиш,
Қачон кўришамиз, севгилим.

Сени жуда соғиниб кетдим,
Сени сўраб йиғлайди кўнглим,
Ҳеч бўлмаса, бир кўнгироқ қил,
Қачон кўришамиз, севгилим.

МЕН КАБИ ДЕВОНА ЙЎҚ

Гўзалликда кўзгуда,
Сен каби афсона йўқ.
Телбаликда севгида,
Мен каби девона йўқ.
Йўллар ўтаётирлар,
Диллар ўтаётирлар.
Йиллар ўтаётирлар,
Сен каби афсона йўқ,
Мен каби девона йўқ.

Йўқдур сендек жонона,
Олам ичра бир дона.
Дурлар ичра дурдона,
Сен каби афсона йўқ,
Мен каби девона йўқ.
Аҳад бу қандай савдо,
Наҳот бахтдан жон жудо.
Марҳамат қил, эй Худо,
Сен каби афсона йўқ,
Мен каби девона йўқ.

Гўзалликда кўзгуда,
Сен каби афсона йўқ.
Телбаликда севгида,
Мен каби девона йўқ.

КУЛИШНИ ИСТАСАНГ...

Кулишни истасанг, бахт кўп дунёда,
Йиғлашни истасанг, дард кўп дунёда.
Фариблик либосин кийсанг, кўчада,
Дўстман деб қўл чўзган мард йўқ, дунёда.

Дунёдан яхшилик излаган жон кўп,
Юракка тош солсанг, кўринар ғам кўп.
Дилингни кенгроқ оч, гуду гулшан кўп,
Бир меҳр излаган қалб кўп, дунёда...

2009

ОҲ ЮРАК, ЮРАКЖОН...

Ҳар қадамда севги, ҳар қадамда рашк,
Ҳар нафасда кўзёш, ҳар нафасда ишқ,
Ёнимда йўқдирсан, келгин, кўнглим гаш,
Оҳ, юрак, юракжон, бечора юрак,
Севмаганни севмай, унутиш керак.

Оловда кул бўлди кўнгил хатлағим,
Ҳижронга йўл бўлди енгил дардларим,
Сап-сарик қуз бўлди яшил баргларим,
Эҳ, юрак, юракжон, овора юрак,
Севмагандан севмай қутулиш керак.

Гулгунча очилмас куртак бўлмаса,
Тугунлар ечилмас тилак бўлмаса,
Кўнгил бериб бўлмас юрак бўлмаса,
Вой... Юрак!
Юракжон...
Садпора юрак,
Севмаганни севмай, унутиш керак.

Бир томон йигирма биринчи аср,
Пойдеворсиз ҳужра, томи йўқ қаср,
Нима дейсан:
– Севги!!!
У, йўқ-ку ахир,
Қўй, юрак, юракжон,
Начора юрак,
Севмагандан севмай қутулиш керак.

Жонни тамом қилдим севги, севги деб,
Эй Аҳад бўлди-да, куяверма кўп,
Энди буёғига, сўзим эшит хўп,
Кел, юрак, юракжон, девона юрак,
Севмаганни севмай, ёндириш керак!!!

Ҳар қадамда севги, ҳар қадамда рашк...

СЕНСИЗЛИҚДА ДЕВОНА БУ ДИЛ...

Дилим — сахро, очилмади гул,
Исминг айтиб, қалтирайди тил,
Мажруҳ тагда типирчилар жон,
Сенсизликда девона бу дил...

Соғинчлар, хазонлар уюми,
Шубҳалар, ёлғизлик кийими,
Бошимда хавотир қуюни,
Сенсизликда девона бу дил...

Юрак — совуқ, титрар музхона,
Мен сени ҳаммадан қизғона,
Дардларингга бўлай остона,
Сенсизликда девона бу дил...

Хор бўлдим, жабрлар ўчоги,
Бешафқат, ҳижроннинг пичоғи,
Қайдадир, бахтларнинг кучоғи,
Сенсизликда девона бу дил...

Камситмайин гар авайласа,
Атиргулдек очилар майса,
Ичимдаги вулқондек ларза,
Сенсизликда девона бу дил...

Күзёшим яшнатиб боғларни,
Ювармикин, дилда доғларни,
Қандай ютай, тоғдай оҳларни,
Сенсизликда девона бу дил...

Дилим — сахро, очилмади гул,
Қарагайзорда ем бўлди булбул,
Кўзларимга сиғмайди дунё,
Сенсизликда девона бу дил...

КАМБАҒАЛ БОШИНИ ҚАЕРГА УРСИН?

Бой борини сочар, тўю тадбирда,
Ҳалолдан ундими, қандини урсин,
Қашшоқчилик ўлим, йўққа огирда,
Камбағал бошини қаерга урсин?

Пул пулни қувади, дард эса гамни,
Йўқчилик сездирар рўзғорда камни,
Ўлиб кетса, билмай ҳаётдан тамни,
Камбағал бошини қаерга урсин?

Деворга урса, бош девор ҳам қулар,
Қулаган жойининг пулин ким тўлар,
Нафас олиш ҳам пул, олмаса ўлар,
Камбағал бошини қаерга урсин?

Меҳнатдан роҳатдир, балодан офат,
Юракка санчилган қиличдир миннат,
Қарз занжирин қандай узаркин бу пайт,
Камбағал бошини қаерга урсин?

Замон, замон деманг, замона порлоқ,
Чет элдан Ватанга лой сочар аҳмоқ,
Сен одам бўлмайсан, деса бир кўрқоқ,
Камбағал бошини қаерга урсин?

Дунёни титратган йирик шаҳарда,
Баҳс кетар ялтироқ бўйинбоғларда,
Омад улашмаса бирор гузарда,
Камбағал бошини қаерга урсин?

Битта қизи бева, бири ногирон,
Ўғли-чи бекорчи, мажруҳ нотавон,
Бу дардга бормикан табибда дармон,
Камбағал бошини қаерга урсин?

Ота-она йиллаб ўстириб фарзанд,
Қалбнимас қорнини тўйдирса фақат,
Сўнг **ДИЛ**чайнар, ҳаёт дер оҳ, бешафқат,
Камбағал бошини қаерга урсин?

Эй Аҳад, дардманнинг раҳми Худо-да,
Банда оч қолмасин еру самода,
Қарздор бўлиб қолса, ҳатто **ГАД**Одан,
Камбағал бошини қаерга урсин?

Бой борини сочар, тўю ҳашамда,
Оҳ, қашшоқнинг бу куни курсин,
Енгил бўлмаса ҳеч елкаси гамдан,
КАМБАҒАЛ бошини қаерга урсин!

СОАТ ТИНМАЙ ЧИҚИЛЛАР

Соат тинмай чиқиллар,
Юрак тинмай дукиллар.
Уйғотмоқда вақт мени,
Уйғотмоқда Ҳақ мени.

Қулогим шангий бошлар,
Ақлим ҳам гангий бошлар.
Босар нохуш ваҳима,
Роҳатга – дард жарима.

Ичим армонга тўлди,
Кўзларим қонга тўлди.
Кутмай қўйдим ўлимни,
Ундан ювдим қўлимни...

Соатнинг ўз занги бор,
Юракнинг ўз бонги бор.
Иккови галма-галдан,
Ўчин олади мандан...

МАБОДО...

Мабодо мен рассом бўлсайдим агар,
Шундай бир антиқа сурат чизардим:
Тасвирда дарахтлар пишҳон сўзлашар,
Кушларнинг нафасин унда сезардим.

Ҳайкалтарош уста бўлсайдим агар,
Шундай бир ҳурлиқо сиймо ўярдим,
Мафтун бўлмасин деб ошиқ телбавор,
Ёнига жуфтини ясаб қўярдим.

Ёинки бастакор ҳофиз бўлсам ҳам,
Оламда ягона яратардим куй,
Ором олар эди тинчлаган одам.
Иядизлар кўшилиб қилармиди туй...

О, дўстлар, мабодо бўлсайдим табиб,
Беморлар дардига топардим даво,
Бугун дунё кезиб, излаб-ахтариб,
Жонимга атардим энг тапсиқ ҳаво.

Афсус, энди буниш иложи йўқдир,
Табиат қилибди меҳла моҳирлик,
Майли, нима дердим, бу ҳукми тақдир,
Менга насиб бўлди касби шоирлик.

Айтмангким, шоирда юмуш йўқми деб,
Бунда ҳам мен сизга қилурман ваъда,
Шундай шетр битайки, сиз уни ўқиб,
Ҳаётга талпининг, дўстлар, янада...

КЕРАК ЭКАН ҚОРА ҲАМ ДЕМАК

Мен аслида пима тондим шу,
Икки сатр ноламдан бошқа,
Юрагимга из солган қайғу,
Дил ўртаган аламдан бошқа.

Дўст сўзини таҳлил этмоққа,
Фанимларим бердилар кўмак.
Оқни оқ деб аниқ айтмоққа,
Керак экан қора ҳам демак.

"Афсус, қадам босганман эгри",
Бундай ҳислар кўҳна ва қадим.
Билмадим қай аъмолим тўғри,
Хатоларим кечроқ англадим.

Баъзан дейман: мен кимман ўзи,
Яшамоқдан борми мақсадим?
Заҳмат тотсам, вақт ўзи қози,
Уни ажримчи деб атадим.

Кузатсам гар зимдан муҳитни,
Айбим аниқ кўринар шу он.
Мезонталаш фаросат лидни,
Танқид этмоқ ҳаммадан осон.

Етар, юрак чиранмоқни қўй,
Ким тингларди ахир додингни.
Эрк ҳақида сурғунингча ўй,
Жоним, асра бор бисотингни.

Тушунгинда одамни сен ҳам,
Танлаб бўлмас қараб кўз қошга.
Айт, не қилай йўқлаб келса гам,
Дўст топмасам қаламдан бошқа...

СОҒИНЧ БИЗНИ СОҒИНИБ ҚОЛАР

Кўзимизда севги учқуни,
Нигоҳингдан дил бўса олар.
Дард ўрнига бахт келган куни,
Соғинч бизни соғиниб қолар.

Яшаб висол эртақларида,
Муҳаббатнинг этакларида.
Очилсак ишқ куртақларида,
Соғинч бизни соғиниб қолар.

Энди булар топишволди деб,
Бир-бирига ёпишволди деб.
Наҳот мени унутворди деб,
Соғинч бизни соғиниб қолар.

Бир пайтлари кўксимда ухлаб,
Яшар эди дардларим тинглаб.
Энди эшик ортида йиглаб,
Соғинч бизни соғиниб қолар.

Аҳад дейди сенга керакман,
Соғинчмасман, ахир, юракман.
Бошқа дўст тополмай ҳалакман,
Соғинч бизни соғиниб қолар.

Кўзимизда севги учқуни,
Нигоҳингдан дил бўса олар.
Дард ўрнига бахт келган куни,
Соғинч бизни соғиниб қолар.



У МЕНИНГ ҚАБРИМ ЭДИ...

Пойингизда хор бўлган,
Бағрингизда тор бўлган,
Меҳрингизга зор бўлган,
У менинг қалбим эди.

Арзонларга сотдингиз,
Бозорларда тортдингиз,
Яна тошлар отдингиз,
У менинг қадрим эди.

Ёлгонларга алмашган,
Севаман деб алдашган,
Сизни танлаб адашган,
У менинг бахтим эди.

Фалакларга сачради,
Ёмонлардан чарчади,
Мудом сизга учради,
У менинг дардим эди.

Юрак қонимдан тушган,
Кейин дилларни қучган,
Қўлларимдан сув ичган,
У менинг сатрим эди.

Ошиқ Аҳад кўз илган,
Аввал ҳам кўп қазилган,
Муҳаббат деб ёзилган,
У менинг қабрим эди.

Пойингизда хор бўлган,
Бағрингизда тор бўлган,
Меҳрингизга зор бўлган,
У менинг қалбим эди.

ҚИЗГАЛДОҚҚА АЙЛАНСАЙДИМ...

Қизгалдоққа айлансайдим, қизгалдоққа,
Ёқармидим балким сендек қизалоққа,
Маҳкам кучиб, маҳкам кучиб асрар эдинг,
Мени ташлаб кетмас эдинг ҳеч қаёққа.

Қани энди қўлларингда узук бўлсам,
Пешонангда ялтираган ёзиқ бўлсам,
Ҳеч бўлмаса, айлансайдим бармогинга,
Кулганингда лабларингни тўсиб турсам.

Мендан кўра бахтлироқдир лаб бўёгинг,
Ҳар кун, ҳар кун сочинг силар ул тарофинг,
Мендан кўра кўпроқ меҳринг кўзгу олган,
Мендан кўра меҳринг олган тош тирногинг.

Хаёлинга айлансайдим, хаёлинга,
Ўшал онда етар эдим висолинга,
Севаман деб юз бор айтинг Аҳадга деб,
Минг бор буйруқ берар эдим томоғинга.

Армон экан, бу ҳам битга армон экан,
Суйганинга етолмасанг, ёмон экан...

ДУШМАН ДЕБ БИЛГАНИМ ДЎСТ БЎЛИБ ЧИҚДИ...

Олтин деб олганим мис бўлиб чиқди,
Баҳор деб борганим куз бўлиб чиқди,
Эккан ниҳолларим хас бўлиб чиқди,
Фалакнинг тескари боққанин қаранг,
Душман деб билганим дўст бўлиб чиқди.

Дўстимсан деганим ўғрикўз чиқди,
Фирибгар деганим тўғрисўз чиқди,
Мардлигин мақтаган беномус чиқди,
Битга қиз юз бурди кеча севгимдан,
Бугун рўнарамдан қирқта қиз чиқди.

ДУСТИМ ҲАМ СЕН, РАҚИБИМ ҲАМ СЕН...

Дардим ҳам сен, табибим ҳам сен,
Агёрим ҳам, ҳабибим ҳам сен,
Қисматимда битган тақдирим,
Дўстим ҳам сен, рақибим ҳам сен.

Яхшим ўзинг, ёмоним ўзинг,
Орзум ўзинг, армоним ўзинг,
Ўзингдурсан тўртта томоним,
Ростим ўзинг, ёлгоним ўзинг.

Сени ўйлаб аросатдаман,
Ўз-ўзимга рақобатдаман,
На уйқу, на ором билайин,
На шаҳду, на маҳоратдаман.

Тенгим ҳам сен, тенгсизим ҳам сен,
Шукрим ҳам сен, афсусим ҳам сен,
Йўқлик дейми, сени борликми,
Саҳром ҳам сен, денгизим ҳам сен.

Дардим ҳам сен, табибим ҳам сен,
Агёрим ҳам, ҳабибим ҳам сен,
Қисматимда битган тақдирим,
Дўстим ҳам сен, рақибим ҳам сен.

АЛАМ БЎЛДИ

Кўзларимда дардли кунлар нам бўлди,
Ҳаётимда бахтли кунлар кам бўлди,
Ярим йўлда сотиб кетди дўстларим,
Севганимдан айрилдим алам бўлди.

Дунё, шукр, оилам бор таянчим,
Яхши, ёмон кунларимда суянчим,
Тугилдимки, кўрганим алам бўлди,
Дарёларга оқиб кетди ишончим.

ДЕВОНАМАН...

Сенинг ишқингда жонсарак,
Девонаман, девонаман.
Васлингга етолмай ҳалак,
Гирёнаман, гирёнаман.

Нозларингнинг адойиман,
Жамолингнинг шайдойиман.
Эл ичра бир савдойиман,
Афсонаман, афсонаман.

Дилимни боғлаб дилингга,
Айландим ошиқ қулингга.
Оҳларим тўкиб йўлингга,
Вайронаман, вайронаман.

Азобларинг туйиб-туйиб,
Ҳижронингда куйиб-куйиб.
Не кўрдим, айт суйиб-суйиб,
Ҳайронаман, ҳайронаман.

Ашкимни тўкиб ёнаман,
Нечун сендан бегонаман.
Хаёлингга парвонаман,
Тўлғонаман, тўлғонаман.

Аҳад сени кутар, ёрим,
Келгин жоним, интизорим.
Сен учун куйлайди торим,
Ишонаман, ишонаман.

Кўзларим йўлингга, эй малак,
Девонаман, девонаман.

АДО ҚИЛДИНГ

Ишқингдан сармаст жонимни,
Адо қилдинг, адо қилдинг.
Куйдириб хонумонимни,
Гадо қилдинг, гадо қилдинг.

Қай кун дилга келиб офат,
Кетди тоқат, йўқ фароғат.
Хаёли васлингдек одат,
Ато қилдинг, ато қилдинг.

Жамолингни этсам орзу,
Нечун жонга солдинг оғу.
Билсанг, эй кўзлари оху,
Хато қилдинг, хато қилдинг.

Хато қилдинг, йўл тутарга,
Минг қош қоқиб ганимларга.
Чин севгингни айт кимларга,
Фидо қилдинг, фидо қилдинг.

Айтсам, ҳасратим узундир,
Шундан куйларим маҳзундир.
Парво ҳам этмай нечундир,
Видо қилдинг, видо қилдинг.

Насибаи тақдир экан,
Кимгадир гул, кимга тикан.
Ки оҳимга жабр билан,
Нидо қилдинг, нидо қилдинг.

Нетай, кўнгил йиғлар бу дам,
Васли умид алам, алам.
Шундан ошиқ Аҳадни ҳам,
Жудо қилдинг, жудо қилдинг.

Ишқингдан сармаст жонимни,
Адо қилдинг, адо қилдинг.
Куйдириб хонумонимни,
Гадо қилдинг, гадо қилдинг.

БЕВАФОДУР...

Ёт кўйида ётар дилхуш,
Бевафодур, бевафодур.
Шохдан-шоҳга сакраган қуш,
Бедаводур, бедаводур.

Дон сочсанг бас, куйлар санга,
Дон бўлмаса ташла танга.
Ўйнайверар чилдирмангга,
Бенаводур, бенаводур.

Минг қош қоқиб кўз сузади,
Авраш чорасин тузади.
Макри, шайтондан ўзади,
Беадодур, беадодур.

Танламас у бирор бир ёр,
Ҳар тусга кирмоққа тайёр.
Буқаламун унга бекор,
БеХудодур, беХудодур.

Нопоклик кўн аъмолида,
Тўзгир замон шамолида.
Аммо ўзин хаёлида,
Бебаҳодур, бебаҳодур...

Билгани шу фониий сафо,
Орттирар жонига жафо.
Не деб сўрсанг аҳду вафо,
Бесаодур, бесаодур.

Дарс бўлсин шу ҳаммамизга,
Дили ҳушёр ўтил-қизга.
Бундай ишни Аҳад сизга,
Бераводур, бераводур.

ДИЛИМ...

Дилим – дарё, ундан фақат сен оқасан,
Дилим – юлдуз, унга фақат сен боқасан.
Дилим – узук, уни фақат сен тақасан,
Дилим – бемор, дардин фақат сен тонасан.

Дилим – тушдир уни ўзинг уйготасан,
Дилим – уфқдир кўншдек келиб ботасан,
Дилим – нурдир сен янала ёритасан,
Дилим – ҳурдир, унинг жуфти фариштасан.

Дилим – тоғдир, юксакларга қаратасан,
Дилим – булут, ёмғирларнинг юртидасан,
Дилим – гулдир, гулгунчанинг кафтидасан,
Дилим – чўлдир, муҳаббатнинг тафтидасан.

Дилим – ошиқ, шому саҳар тилидасан,
Дилим – шоир, ҳар бир ёзган сатридасан,
Дилим – денгиз, уммонларнинг қатридасан,
Дилим – баҳор, сен кўкламнинг бағридасан.

Дилим – дарё, ундан фақат сен оқасан,
Дилим – юлдуз, унга фақат сен боқасан.

АЁЛГА НЕ КЕРАК?..

Аёлга не керак меҳрдан бошқа,
Севгидан бошқа не керак аёлга.
Аёлнинг меҳридан жон кирар тошга,
Аёл ўтказди измин шамолга.

Бир чимдим эътибор, битта табассум,
Ҳар қандай хушомал гуллардан афзал.
Имкон тона олсанг агарда дўстим,
Аёлнинг кўнглига қара энг аввал.

АЙТОЛМАДИМ

Севишга севдим-у дўстлар, севаман деб айтолмадим,
Сен учун жонимни ҳам бераман, деб айтолмадим.

Айтолмадим ошиқлигим, муҳаббатга лойиқлигим,
Ёниб буткул кул бўлдим-у, куйман, деб айтолмадим.

Кўрсам тилим айланмасди, юрагим тез уриб тинмади,
Тушларимда сени ҳар кун кўраман, деб айтолмадим.

Тушунинг ўн беш ёшимда, бу савдо тушди бошимга,
Ҳаётимни сенсиз қандай қураман, деб айтолмадим.

Ёнида соғиниб туриб, олисда оғриниб туриб,
Мени ташлаб кетсанг, бир зум ўламан, деб айтолмадим.

Қайтолмадим йўлимдан ҳам, ушлолмадим қўлидан ҳам,
Менда кўнглинг борлигини биламан, деб айтолмадим.

Яширдим дилда рашкимни, пинҳона тутдим ишқимни,
Фақат бир сенинг севгингни кутаман, деб айтолмадим.

Кетиб қолдим олисларга, бир сўз демай ул дилбарга,
Мени кутсанг, албатта мен келаман, деб айтолмадим.

Сотилма совчиларингга, алданма ошиқларингга,
Уларнинг ёлғончилигин сезаман, деб айтолмадим.

Севишини билар эдим, нега бирор сўз демадим,
Ёнингда мен бутун умр қоламан, деб айтолмадим.

Ёнар Аҳад, куяр Аҳад, пушаймони қават-қават,
Дардларингни айтгин, гулим, оламан, деб айтолмадим.

Севишга севдим-у дўстлар, севаман деб айтолмадим,
Сен учун жонимни ҳам бераман, деб айтолмадиинииним.

СЕВГИ ИЗҲОРИ!

(монолог)

Бугун мафтункорсан ҳар доимгидан,
Бу мафтункор кўзлар, мафтункор чехранг.
Жоним, бетакрорсан ҳар доимгидан,
Бори гўзаллигинг бетакрор билсанг.

Сени кўрса агар мабодо Мажнун,
Лайлини бутунлай унутар эди.
Сени учратганда Фарҳод ҳам дилхун,
Ширинни эсламай, сени кутарди.

Отабек Кумушнинг ҳажрида ёнмай,
Юсуф Зулайҳони эсламас эди.
Алпомиш Барчиной томонга бормай,
Сендан ўзгасини изламас эди.

Гўзаллик сиймосини ахтарган заҳот,
Ёнингга шошарди бўлганда Пушкин.
Ўзбек қизга қаранг наҳот, деб наҳот,
Қайтиб кетмас эди буюк Есенин!

Мабодо Давинчи ҳаёт бўлганда,
Қайтиб чизар эди Монализани.
Тарифинг эшитса шўрлик Ромео,
Ўйламай қўярди Жульеттасини!

Сени излай-излай ўтиб кетдилар,
Эссиз, бугун йўқ-да Навоий, Бобур!
Бир умр дунёни забт этса ҳамки,
Сенга алмашарди шубҳасиз Темур.

Ёдинг-ла яшарди Машрабу, Чўлпон,
Сен ёки тушмисан, ёки қандай дард.
Юракни очмоқлик пайтидир шу он,
Менга насиб бўлди наҳот шундай бахт.

Сўзларимни тингла, ҳали гапим бор,
Айт, мендай ошиқдан истайсан нени!
Сенсиз яшолмайман бўлгин менга ёр,
Дунёлардан оргиқ севаман сени!

Бугун мафтункорсан ҳар доимгидан,
Бу мафтункор кўзлар, мафтункор чеҳранг.
Жоним, бетакрорсан ҳар доимгидан,
Бори гўзаллигинг бетакрор, билсанг.

2009

ТАЛПИНИБ БИР-БИРИН ИСТАР КҮНГЛИМИЗ...

Талпиниб бир-бирин истар кўнглимиз,
Севгилим, дунёга етар севгимиз.
Кел, дунёни бўлишайлик иккимиз,
Муҳаббатнинг аччиқ дардлари менга,
Ҳамма гўзаллиги бахтлари сенга.

Кел, эртага сочилмасдан хокимиз,
Қалбимизни тушунайлик токи биз.
Юрагимни бўлишайлик иккимиз,
Жароҳатга тўла қайғуси менга,
Туйгулари сенга, кулғуси сенга.

Бу дунёга тушмасидан юкимиз,
Бу дунёни тарк этармиз балки биз.
Ҳаётимни бўлишайлик иккимиз,
Булутлар ўраган тунлари менга,
Офтобга ранг сочган тонглари сенга.

Аҳад дейман, қўлимизда эркимиз,
Ҳақсизмизми севмоқликка ёки биз.
Бу тақдирни бўлишайлик иккимиз,
Ҳаёт қанча шодлик атаса сенга,
Ол ҳаммаси сенга, сен эса менга.

2009

ҚАЙТАДАН ТАНИШАМИЗ...

Ҳар куни кўришамиз,
Уришиб, ярашамиз.
Агар жуда бўлмаса,
Қайтадан танишамиз.

Унутдим исмингизни,
Қайтарай расмингизни.
Беринг манзилингизни,
Қайтадан танишамиз.

Рақамингиз айтворинг,
Гуноҳимдан ўтворинг.
Ҳаммасин унутворинг,
Қайтадан танишамиз.

Тентакмиз, телбароқмиз,
Озгина эзмароқмиз.
Бир-биримизга мосмиз,
Қайтадан танишамиз.

Жим.

Бўлди. Гапирма,
Менга бундай бақирма.
Кўй, акангни чақирма,
Қайтадан танишамиз.

Ҳеч кимнинг қолмас кўнгли,
Дўстликнинг осон йўли.
Яхшиликнинг ўнг қўли,
Қайтадан танишамиз.

Севги – бу, муҳаббат – бу,
Кўнгли – бу, синашамиз.
Ҳечам зарари йўқ-ку,
Қайтадан танишамиз.

Жилоблаб асабларни,
Тўкмаймиз ғазабларни.
Билмаймиз азобларни,
Қайтадан танишамиз.

Кимлар кўриб, куйдилар,
Бахтимиз бор, билдилар.
Мени Аҳад лейдилар,
Қайтадан танишамиз.

ОТА-ОНА ДУОСИ

Аллоҳ еткизса гар кам бўлмагайсан,
Тузи ҳалол қасбу қордан қолмасанг.
Йўқса, бутун умр гамда яшайсан,
Ота-онанг дуосини олмасанг.

Ҳар доим дуо ол, мадад бўлгайдир,
Рисқинг бутун бўлиб бахтинг кулгайдир.
Доим нимадандир кўнгил тўлмайдир,
Ота-онанг дуосини олмасанг.

Шукр қил кам бўлса гар бисотингда,
Нимадир қолдирмоқ бўлгин ортингда.
Эгарсиз қолгайсан саман отингда,
Ота-онанг дуосини олмасанг.

Ахир билолмайсан эртанг не бўлар,
Дардмандлар тузалиб, соғ юрган ўлар.
Ҳаётинг гунчаси очилмай сўлар,
Ота-онанг дуосини олмасанг.

Пайт бермай камаринг боғла, эй дўстим,
Яхши иш бошласанг ҳамроҳман ўзим.
Ўткинчи гавғолар гопмагай тўзим,
Ота-онанг дуосини олмасанг.

Аҳаднинг сўзидан шубҳага борма,
Сал оғирроқ ботса, кўнглингда олма.
Олисан бахт излаб бекорга толма,
Ота-онанг дуосини олмасанг.



ОНАМ МЕНИ КУТА-КУТА ЗЕРИККАН...

Оллоҳим умр бер ота-онамга,
Сабр бер гоҳида тушганда ғамга.
Шундоғам мен учун қанча дард ютди —
Нопоклик юқмасин дея боламга.

Эртага баҳорнинг авжи сўнса ҳам,
Дарёларнинг эрка мавжи сўнса ҳам.
Остонаси олтин қаср керакмас —
Отам омон бўлсин, соғ бўлсин онам.

Қадримни қаричлаб ўлчаб юрмадим,
Бахтимни бозордан излаб юрмадим.
Оғзимдаги ошни илиб кетганда,
Дўстларим олчоқ, деб сўзлаб юрмадим.

Менга керак эмас бировнинг рисқи,
Бут бўлсин ҳар кимнинг насиба қасби.
Отамнинг кўзига бир бор тик боқсам,
Онам оқшомлари чўчиб турмасми?

Тўгриси, чарчадим ортиқча юкдаг,
Дўстгамас ишимга ошиқ шерикдан.
Ҳар кун Бухорога чақирар отам,
Онам мени кута-кута зериккан...

2009

ҚАРАНГА-А-А...

Тулки боласига насиҳат бериб,
Одамлар ҳақида уқтирар эди.
Эпласанг, тулкидек айёрлик қилгин,
Одамлардек тулки бўлмагин, деди.

ОНА

Дунёдан кечдим, мана,
Ёлғизман бугун яна,
Қўлим ишга бормайди,
Сизни соғиндим, она.

Ёмон тушлар кўраман,
Ёлғон тушлар кўраман,
Бирдан санчиб тураман,
Сизни соғиндим, она.

Ҳар шому саҳарларда,
Юрганда хатарларда,
Мусофир шаҳарларда,
Сизни соғиндим, она.

Дўстларим овутади,
Дилимни ёритади,
Дардимни аритади,
Сизни соғиндим, она.

Сўзлар мени алдади,
Кўзлар мени алдади,
Қизлар мени алдади,
Сизни соғиндим, она.

Дейман Аҳад, қайт энди,
Бухорога айт энди,
Буёғи қисмат энди,
Сизни соғиндим, она.

ИККИ ЎТ ИЧИДА ЯШАШДАН ТЎЙДИМ

Ўзгалар ҳаётин обод қилай деб,
Наҳот ўз умримни мен барбод қилдим.
Юракни сичқондек хотиралар еб,
Ўртада кўнгилини бемурод қилдим.

Хўш, айт-чи, нимани мен исбот қилдим,
Турмуш сценарийси ютворди мени.
Наҳотки, эртакни ҳаёт деб билдим,
Хўш, унда ўзимнинг ҳаётим қани?

Тилларинг учида яширдинг нени,
Менга асраганинг бўсамасми ёр?
Кўзингдаги дардни англадим энди,
Қалбим даштларида тўлди куммозор.

Мени ким тушунди Оллоҳдан бўлак,
Оллоҳдан бўлак ким менга қўл чўзди.
Ўзим учун ҳам мен яшашим керак,
Ким менинг ҳалитдан гўримни қазди.

Бобом тушларимга кирар, хўмрайиб,
Отанга ёрдам бер, у ёлғиз дейди.
Мен эса гуноҳқор унга мунғайиб,
Икки ўт ичида яшашдан тўйдим.

Калаванинг учин йўқотиб қўйдим,
Консерва банкага ўхшайди миям.
Уни смай туриб ачитиб қўйдим,
Энди академик бўламан мен ҳам.

Чунки мансабгалаб фанатлар мисол,
Бўлмаган гаплардан қоғоз тўлдирдим.
Тирсагим остида йиглайди стол,
Минглаб ручкаларни бекор синдирдим...

2009

ЎЗИМГА НАСИҲАТ

Авом ўткинчидир, мухлис бевафо,
 Пақайтирма илҳом ўтини, Аҳад.
 Ижодни ўлдирар кераксиз мақтов,
 Қамчила камтарлик отини, Аҳад.

Аҳад, сен унутма, ҳали ирмоқсан,
 Тарих оқимида битта тармоқсан,
 Ёшликнинг ўтида бугун қайноқсан,
 Унутма Яссавий байтини, Аҳад.

Кимлардир қўл бериб бошингни силар,
 Ўзин доно билиб қадаминг санар,
 Эртага пайт билиб оёқдан чалар,
 Яқинлатма нокас зотини, Аҳад,

Ҳали йўл олдинда, манзил олдинда,
 Ҳали чин олдинда, ҳазил олдинда,
 Маҳмадона бўлма фозил олдида,
 Кутгин сўйламоқнинг пайтини Аҳад.

Ўтган хатоларни ўйлама ҳадеб,
 Эртанги қадаминг бос энди билиб,
 Бир бола қирқ йилда йигит бўлар деб,
 Ўтказма ҳаётнинг тотини, Аҳад.

Меҳнатдан устунмас, пул ҳам тилло ҳам,
 Бахтнинг энг баланди келар сабрдан,
 Уйғониш ҳам мумкин, ҳатто қабрдан,
 Эл билса яхшининг қадрини, Аҳад.

Етарлича бўлди ҳаёт дарслари,
 Гарчи юрагингда севги дарслари,
 Қайтарсанг яхшилар берган қарзларин,
 Топиб икки дунё бахтини, Аҳад...



БУ ҲАЁТ БИЗ УЧУН НИМА, ОДАМЛАР...

Бу ҳаёт биз учун нима, одамлар,
Синовми, жумбоқми ёки бир ўйин?
Билмоққа қанчалар интилсанг агар,
Яшамоқ шунчалар туюлар қийин.

Бу дунё биз учун нима, одамлар,
Зўрлар бўлиб олган қураш майдонми?
Ноҳақ отасидан ранжир ўғиллар,
Оналар қизига қараб ҳайронми?

Бу нафас биз учун нима, одамлар,
Демак, биз борлиқнинг бир бўлагимиз.
Бизга не самардир ганимат дамлар,
Осмонни ёритсин тилакларимиз.

Бу юрак биз учун нима, одамлар,
Ҳар лаҳза бўлингай минг бир бўлакка.
Унинг хонишини тингласак агар,
Руҳимиз учади қушдек фалакка.

Бу ёшлик биз учун нима, одамлар,
Ким ҳам боса олгай юрак тафтини.
Юзимизга ажин тушса ҳам агар,
Яна согинамиз унинг атрини.

Муҳаббат биз учун нима, одамлар,
Минг йиллаб қутамиз висол онини.
Буни ишқ ўтида куйганлар билар,
Севгидан яратмиш инсон жонини.

Гўзаллик биз учун нима, одамлар;
Ким ҳам айта олгай ошиқлик сирин.
Гоҳо сароб мисол турар жилвагар,
Шунча кўп англайсан тушунган саринг.

Бу умр биз учун нима, одамлар,
Бу йиллар, бу кунлар, соат, минутлар.,
Қанча ёқиб қанча ўчирдик шамлар,
Кимлар бизни эслар, кимлар унутар...

Бу кўнгил биз учун нима, одамлар,
Не учун чалинар дил торларимиз.
Кимнидир кўзига туширгай намлар,
Билмайин етгирган озорларимиз.

Бу йўллар биз учун нима, одамлар,
Олга юрсанг ортга қайтиш ҳам бордир.
Унга қараганда ўйланг ҳар сафар,
Бу ҳаёт йўллари жуда ҳам тордир.

Бу тақдир биз учун нима, одамлар,
Худо ёруғ қилсин пеншонангизни.
Ўксинманг устма-уст тушса ҳам ғамлар,
Доимо пок тугинг имонингизни.

Тириклик биз учун нима, одамлар,
Азиз сақламоқми дўстлар номини.
Яхшилик йўлида боғласак камар,
Ўшанда сезгаймиз ҳаёт тотини.

Бу шеърим сиз учун нима, одамлар,
Балким бир шунчаки кўнгил эрмаги.
Шу ерда сўзимни қилсам мухтасар,
Аҳаднинг бир тушдек ширин эртаги...

2008

ЙЎЛИНГ БЎЛСИН

Биров кетидан юрма,
Ўзингнинг йўлинг бўлсин.
Сен пулнинг қудн бўлма,
Пул сенинг қўлинг бўлсин.

2009

КЎНГЛИМ

Беун огрипасан сезмайди биров,
Бир чора излабон охир мен кўндим.
Ахир билолмайсан ким дўсту ким ёв,
Кўй энди ўксима, ўксима кўнглим.

Мен учун бегубор, софлигингча қол,
Жабрдидам менинг, бечора мунглим.
Ҳасратларинг бўлса, менга айтақол,
Кўй энди ўксима, ўксима кўнглим.

Мен ёлғиз эмасман, ким айтди сенга,
Дард менга укадир, аламдир синглим.
Армон – вафодор дўст, ишонгин унга,
Кўй энди ўксима, ўксима кўнглим.

Сенга қараб юрак қийналиб кетди,
Бағрим ёниб борар тўзим бер, Тангрим.
Азобинг менинг ҳам жонимдан ўтди,
Кўй энди ўксима, ўксима кўнглим,

Кўзларимни юсам сени кўраман,
Наҳотки, бу сенсан тушми ё ўнгим?
Нечун йиғлаяцсан ҳолинг сўрасам,
Кўй энди ўксима, ўксима кўнглим.

Дунё ишларидан ранжима бунча,
Мен бор изтиробим ичимга кўмдим.
Сен ҳали мен учун энг нозик гунча,
Кўй энди ўксима, ўксима кўнглим.

БАЪЗИЛАР

Ошу нон берсанг агар,
Ошно бўлар баъзилар,
Нонингни еб, қонингга,
Ташна бўлар баъзилар.

Бир сўз демиш фозиллар,
Гуноҳларинг ёзилар,
Тузалмайди разиллар,
Бадкор бўлар баъзилар.

Кўзинг ёғин ялайди,
Кўйсанг, молинг талайди,
Ортингдан ўт қалайди,
Маккор бўлар баъзилар.

Сенинг номингни олиб,
Қорар гийбатга солиб,
Ўзи иснодга қолиб,
Расво бўлар баъзилар.

Душманга май тутқазар,
Жон дўстига гўр қазар,
Ҳаромдан қилмас ҳазар,
Шайтон бўлар баъзилар.

Зарари кўп нафидан,
Қочгин булар сафидан,
Ёмонлиги дастидан,
Фавфо бўлар баъзилар.

Эй Аҳад, сен алқаган,
Боғида қуш учмаган,
Икки дунё пишмаган,
Савдо бўлар баъзилар.

МАЙДА ТАШВИШЛАР...

Отамни қаритган ҳам шу дард эди,
Онамни ҳоритган ҳам шу дард эди,
Менинг ҳам охири жонимни еди,
Дунёдан бездирар майда ташвишлар.

Баъзан қаро этар элда номингни,
Тупроққа қоради азиз жонингни,
Одамдек ютмайсан бурда нонингни,
Ўзгоринг тўздирар майда ташвишлар.

Ёвдек кўрингандир қозон, товогинг,
Нафсингни қайирар тешик томогинг,
Ямаб бўлгунингча йиртиқ ямогинг,
Камингни сездирар майда ташвишлар.

Ўзни ўтга урдик йигитчилик деб,
Чўққа оёқ босдик тирикчилик деб,
На илож, кўнчилик, шерикчилик деб,
Йўлингдан оздирар майда ташвишлар.

Ўн гулидан бири очилмай туриб,
Гўёки илдизинг кетгандай қуриб,
Бир четдан жимгина индамай туриб,
Гўрингни қаздирар майда ташвишлар.

Минг зўрлар сафида бўлсин маконинг,
Ҳаммасин енгаман деган замонинг,
Эй Аҳад, Бухоро бўлса маконинг,
Дунёни кездирар майда ташвишлар.

ҚАДР ТОПМАСА

Тақдирдан норизо бўлмагин ҳеч ҳам,
Сен кутган маҳалда бахтинг чопмаса.
Ўз жонин минг ўтга ташлайди одам,
Агар ўз уйида қадр топмаса.

У пайтда ўйламас дунё ташвишин,
Турмуш савдолари ўзати тишин.
Ажратолмай қолар умрин ёз-қишин,
Инсон ўз уйида қадр топмаса.

Лаҳзалар ўтса-да, бир-бирин ўзиб,
Нажотсиз тентирар хаёли тўзиб.
Яшайди ҳаётдан умидин узиб,
Инсон ўз уйида қадр топмаса.

Кимсага айтолмай юрак дардини,
Чор атрофдан излар дўстнинг мардини.
Ўртанар, покюлмай кўнгил гардини,
Инсон ўз уйида қадр топмаса.

Бошга бир иш гушса, синов дейдилар,
Ким бардош беролмай бағрини тилар.
Ўзидан ўтганин ўзи ҳам билар,
Инсон ўз уйида қадр топмаса.

Яратган жонимиз қилганда ато,
Толеда не бўлса ёзибди, ҳатто.
Негадир дўст-ёрдан излайди хаҳо,
Инсон ўз уйида қадр топмаса.

ЯХШИЛИККА...

Сен эртани кутиб яшама,
Эрта сени кутиб яшасин.
Замон учун қадам ташлама,
Замон сенга назар ташласин.

Баланд дема чўққиларни сен,
Юрагингда олов чақнасин.
Кулочингни шундай очгин кенг,
Тута олгин жаҳон саҳнасин.

Ишонмагин чўпчакларга хўп,
Қонун қилма кўнгил нағмасин.
Йўл очмагин кўппакларга кўп,
Ялтоқлиги сенга юқмасин.

Бирор гаюр йўлингдан чиқиб,
Нега жимсан, сўйлагин, деса.
Овозини шундай ўчиргин,
Тилини кес қўлингдан келса.

Чунки баъзан битта нокас деб,
Азоб тортар бутун бошли эл.
Бундайларнинг тилини кесиб,
Яхшиликка боғлаш керак бел.

ДЎСТ

Бу дунёда ўтмайдиган дам борми, дўст,
Боқий ёниб ўчмайдиган шам борми, дўст.
Курашмасанг бу ҳаётда там борми, дўст,
Бахту омад бирор йўлда жам борми, дўст.
Ўксима, гар бисотингда кам борми, дўст,
Бола-чақа ташвишидек гам борми, дўст.

КИМГАДИР ГУЛ НАСИБ, КИМГАДИР ТИКАН!

Худонинг ишларин ўйламай кўйдим,
Юрагимни ортиқ қийнамай кўйдим,
Билмайин суйдим ман, билмайин куйдим,
Нетайин дўстларим тақдирим экан,
Кимгадир гул насиб, кимгадир тикан!

Саҳронинг ичидап гунча излабман,
Йўқ экан бекорга ёниб сўзлабман,
Муҳаббат бор дея шунча излабман,
Кимгадир саҳро ҳам бўлди-ку Ватан,
Кимгадир гул насиб, кимгадир тикан!

Пешонам шу жоним, пешонанг шудир,
Иккимизга висол бўлмади тақдир,
Гуноҳимиз нима бизларни ахир,
Тош чиқди олтин деб кавлаган жойдан,
Кимгадир гул насиб, кимгадир тикан!

Мен ўзимни ўнда ёқдим, қорақўз,
Ҳижрон дарёсида оқдим, қорақўз,
Ҳаёт деб саробга боқдим, қорақўз,
Тушлар таъбирини билибман қайдан,
Кимгадир гул насиб, кимгадир тикан!

2009

ЎТГАН АСРИМИЗДА...

Ўтган асримизда машҳур шоирлар,
Шеърлар ёзар эди насиҳат қилиб,
Йигирма биринчи асрда ёшлар —
Қоғоз қоралайди васият қилиб.

Дўстлар, буни бугун кўтармас дунё,
Ҳаёт ва ўлимнинг чорраҳасида,
Ўзимизга бир оз танбеҳ бермоқни —
Ўргансак бўларди янги асрда.

2009

НЕЧУН СЕВГАНИМГА ИШОНМАЙСАН, ЁР?

Ваъдалар занжининг осиб буйнингга,
Муҳаббатдан олов солдим қўйнингга,
Берухсат кирибман қўнғил уйингга,
Дил изҳор айласам такрор ва такрор,
Нечун севганимга ишонмайсан ёр?

Туну кун атрофинг шарпадек ўраб,
Пойингга бош эгдим қалбингга сўраб,
Умрим ўтса ҳамки йўлингга қараб,
Сен учун яшайман бир ғарибдек хор,
Нечун севганимга ишонмайсан, ёр?

Васлинг учун яна нима қилай, айт,
Оҳдарим етмаса, камлик қилса байт,
Жонимни тугайми ёки бундай иайт,
Фироқинг дастада юрагим бемор,
Нечун севганимга ишонмайсан, ёр?

Озоринг бағримга отилган ўқдир,
Калбим ҳам кафтимда титраган чўғдир,
Армоннинг тафтига бардошим йўқдир,
Оёғим зир титрар буйнимдадир дор,
Нечун севганимга ишонмайсан, ёр?

Лабимдан сачраса сўнги сўзларим,
Ишқ деб очик, кетса гирён кўзларим,
Аҳаддан ёдгордир қонли излари,
Энди ортга қайтмоқ унинг учун ор,
Нечун севганимга ишонмайсан, ёр?

НИЛУФАР

Икки кўзинг иккита тузоқ,
Мени овлаш учун шайланган,
Икки қошинг иккита қилич,
Қотилу жаллодга айланган.

Киприкларинг товус патидек,
Товланади мени кўрганда,
Тишларингдан кўзим қамашар,
Лабларингни тўсмай қулганда.

О, Нилуфар икки яногинг,
Жоним олар қасди дудогинг.
О, Нилуфар сочимни сила,
Ўлдирса ҳам майли бармогинг.

Мисли санъат шундай туришинг,
Мингта қизга армон юришинг,
Аҳад учун битта жилмайгин,
Дунёда йўқ сенинг кулишинг.

Севдиму, лек унутолмадим,
Йўллариингни мен кутолмадим,
Тушларимга ҳар кун кирсанг ҳам,
Севаман, деб айта олмадим.

2009

ШАҲД ЎСИБ БОРАВЕРАР

Аждодларнинг шиддатли,
Қадамлари зарбидан.
Шаҳд ўсиб бораверар,
Авлодларнинг қалбида.

ЭСЛАРМИКАНСАН?!

Кунлар, ойлар ўтиб, ўтганда йиллар,
Бир-бирин унутса юраклар диллар,
Эртага кўмилса биз юрган йўллар,
Ўшанда сен мени эслармикинсан,
Суйганим қайда деб излармикинсан.

Осмондан учса гар бир ёруғ юлдуз,
Юрагинг гаш тортса кечаю кундуз,
Кимсасиз тор уйда қолганда ёлғиз,
Ўшанда сен мени эслармикинсан,
Суйганим қайда деб излармикинсан.

Боланга эртақлар сўйлаётганда,
Бахтиёр чоғларинг ўйлаётганда,
Қалбингни нимадир қийнаётганда,
Ўшанда сен мени эслармикинсан,
Суйганим қайда деб излармикинсан.

Кимдир келиб сенга тасалли берса,
Охир паймонаси тўлибди, деса,
Эшитдингми, Аҳад ўлибди, деса,
Ўшанда сен мени эслармикинсан,
Суйганим қайда деб излармикинсан.

Кунлар, ойлар ўтиб, ўтганда йиллар,
Бир-бирин унутса юраклар диллар,
Эртага кўмилса биз юрган йўллар,
Ўшанда сен мени эслармикинсан,
Суйганим қайда деб излармикинсан.

ЭНГ БИРИНЧИ СЕВГИМ ЎЗИНГ...

Энг биринчи севгим ўзинг, бахтим ўзинг,
Энг биринчи ғуссам ўзинг, дардим ўзинг,
Энг биринчи меҳрим ўзинг, қадрим ўзинг,
Иккинчи бор яна кўнгил беролмадим,
Иккинчи бор ўзга ёрни севолмадим.

Сен учраган барча йўллар бугун ҳасрат,
Сен учраган ёруғ диллар бугун зулмат,
Қайтиб келмас экан, дўстлар, илк муҳаббат,
Иккинчи бор яна кўнгил беролмадим,
Иккинчи бор ўзга ёрни севолмадим.

Юзим ўша, кўзим ўша, сўзим бошқа,
Кўнглим ўша, йўдим ўша, изим бошқа,
Севгим ўша, қалбим ўша, ўзим бошқа,
Иккинчи бор яна кўнгил беролмадим,
Иккинчи бор ўзга ёрни севолмадим.

Гўзалларнинг хушюмади ёқмайди ҳеч,
Кўнглим сендан бошқасига боқмайди ҳеч,
Яшаш керак десам ҳамки уқмайди ҳеч,
Иккинчи бор яна кўнгил беролмадим,
Иккинчи бор ўзга ёрни севолмадим.

Ошиқ Аҳад сендан кўнгил узолмайди,
Ўзи қурган ишқ қасрини бузолмайди,
Яна қайтиб ишқ фаслини тузолмайди,
Иккинчи бор яна кўнгил беролмадим,
Иккинчи бор ўзга ёрни севолмадим.



ҚАЙТИШИНГ РОСТ-КУ...

Кимлар ишқимизни ёлғонга йўйди,
Айрилиқ жабрини осонга йўйди.
Бизни телбаларга чиқариб қўйди,
Ахир сенинг бир кун қайтишинг рост-ку,
Менга дил розларинг айтишинг рост-ку.

Йилларки қалбимда севгинг авайлаб,
Кўксимга тиг санчгум кўп бор атайлаб.
Юрагимда азиз исмингни асраб,
Бедорлик азобин ютганим рост-ку,
Фақат, фақат сени кутганим рост-ку.

Майли-да, ишонсанг ишонмасанг-да,
Мен учун ёнсанг-у ё ёнмасанг-да.
Аҳдингдан ўзгани деб тонмасанг-да,
Мени тушларингда қўрганинг рост-ку,
Йўлимда ингизор турганинг рост-ку.

Ўйлама, бутунлай мендан кечди деб,
Қасамларинг печун ёлғон ичди деб.
Дилдаги муҳаббат энди ўчди деб,
Ўз жонингни ўзинг қийпадинг, рост-ку,
Алдасанг, ўзингни алдадинг, рост-ку.

Қўявер, бўлмагин хаёлларингни,
Эртага асраб қўй саволларингни.
Бўлди, унут энди, заволлариингни,
Қисмат ҳам бир синаб қийнади, рост-ку,
Биз билан эрмакка ўйнади, рост-ку...

СОГИНАСАН...

Соғинасан, ҳали ёмон соғинасан,
 Қачонгача ёлгонларга сиғинасан,
 Нишонини тополмаган камон бўлиб,
 Найза каби мен томонга отиласан.

Кўникасан, менсизликка кўникасан,
 Суратимдан кўз узолмай тикиласан,
 Пушаймондан туллари қон ютиб-ютиб,
 Тушларингда исмим айтиб чақирасан.

Чўмиласан, армонларга чўмиласан,
 Гўдак каби юлдузларга термуласан,
 Гуноҳларинг азоб сочиб қайтганида,
 Саволларга кўмиласан, кўмиласан.

Булутларга ёлворасан, ёлворасан,
 Дардларингни шамолларда совурасан,
 Ҳовурини босолмаган тентаккинам,
 Соғинасан, ҳали ёмон соғинасан...

Ўз қалбингни билмам қандай ёритасан,
 Тонгни кутиб юрагингни чиритасан,
 Синган умид, қалаҳ каби қўлни йиртар,
 Оқшомлари бармоқ тишлаб қон ютасан...

Остонамда қул бўлай деб ялинасан,
 Сахро каби хаёлимни чаптитасан,
 Муҳаббатда бир синовни енголмадинг,
 Мағлуб бўлдинг бу ҳаётнинг жангидасан...

Сен эртага билмам қандай овунасан,
 Ёш жонингни қизиқ қонга қовурасан,
 Бир бор кўрсам бўлди эли Аҳадни деб,
 Соғинасан, ҳали ёмон соғинасан...

КЎНГЛИНГИЗГА ОЛМАНГ ХАТОЛАРИМНИ...

Қадрингиз билмаган ёмон ўзимман,
Рақжитган ношудман, нодон ўзимман,
Ўз ҳолига ўзи ҳайрон ўзимман,
Кўнглингизга олманг хатоларимни...

Кечиринг, мен телба савдойини сиз,
Майли, беринг жоним жазоимни сиз,
Бу дунёда кимман, айтинг, сизнингсиз,
Кўнглингизга олманг хатоларимни...

Сиз хафа бўлсангиз, кулай қандайман,
Сиз йиглаган куни мен ҳам хафаман,
Мен ҳам бандаман-да, фариштамасман,
Кўнглингизга олманг хатоларимни...

Биласиз-ку дарров ёниб ўчаман,
Баъзида кимгадир заҳрим сочаман,
Ахир сиздан тониб, қандай кечаман,
Кўнглингизга олманг хатоларимни...

Мен ҳам сизни сиздан камроқ севмасман,
Оддий ошиқ бўлсам, қози эмасман,
Мен деб йиғласангиз, рози эмасман,
Кўнглингизга олманг хатоларимни...

Ҳеч нарса ўзгармас, ичсам ҳам қасам,
Ўзим қийналяпман сизга қарасам,
Нима қилай, ахир, ўзгаролмасам,
Кўнглингизга олманг хатоларимни...

Бу охиригиз деб алдагим келмас,
Юрагим бир сиздан ўзгани демас,
Бирор бошқа йўлин қилинг-да, хуллас,
Кўнглингизга олманг хатоларимни...

БОРИМ ШУ...

Юрагингиз занжирлаб,
Қалбимга кирма, дейсиз,
Ранжитмадим атайлаб,
Борим шу, нима дейсиз.

Шартакиман, шаддодман,
Ёлғончиликдан ётман,
Хафа қилдим наҳот — ман,
Борим шу, нима дейсиз.

Айтай бир ҳақиқатни,
Хушламам, хиёнатни,
Билмайман хушомадни,
Борим шу, нима дейсиз.

Онам шундай ўргатган,
Минг хил товланма, деган,
Шўжлик отамдан ўтган,
Борим шу, нима дейсиз.

Қизларга қарасам бас,
Юракда бошланар рақс,
Бу енгилтаклик эмас,
Борим шу, нима дейсиз.

Не бўлар бир йилдан сўнг,
Кўнмасангиз, кўча кенг,
Қуюларман тўйдан сўнг,
Борим шу, нима дейсиз.

Аҳаднинг гамин еманг,
Уни хато тушуинманг,
Фақат, ўзгаринг, деманг,
Борим шу, нима дейсиз.

ҲАЗИЛ-ҲАЗИЛ БИЛАН...

Ҳазил-ҳазил билан кўришиб қолдик,
Ҳазил-ҳазил билан танишиб қолдик,
Мос чиқиб қолдик-да бир-биримизга,
Ҳазил-ҳазил билан севишиб қолдик.

Бўлди энди, жиддий бўламиз дедик,
Иккимиз ҳам буни эплай олмадик,
Яширмадик асло дил сиримизни,
Менимча, иккимиз хато қилмадик.

Ҳазил-ҳазил билан исмини билдим,
Ҳазил-ҳазил билан қўнғироқ қилдим,
Мени ҳам таништир онанг билан деб,
Ҳазил-ҳазил билан уйиға бордим.

Битта ҳазил гапим тўйга айланди,
Тақдирнинг ҳазили менга аталди,
Нима бўлганда ҳам бахтимни топдим,
Охири ҳазилим чинга айланди.

Ҳазил-ҳазил билан онамга айтдим,
Айтдим-у шу кундан балога қолдим,
Дўстларим, Аҳадни тўғри тушунинг,
Ҳазил-ҳазил билан уйланиб олдим.

2009

**ДУШМАНЛАРИМ
ХУРСАНД БЎЛСИН ДЕБ**

Душманларим хурсанд бўлсин деб,
Гоҳида йиқилиб тураман.
Жондўстларим ваъдасин синаб,
Мағрур бўйим эгиб тураман...

СИЗНИ СЕВАМАН

Дунёни қирқ марта дайдиб келаман,
Бир кун ёнингизга қайтиб келаман.
Сиз учун ҳар қандай азобни енгиб —
Нима бўлганда ҳам сизни севаман.

Ўйламанг, ёш ўтар фасли баҳорим,
Хуснимни йўқотсам, йўқотсам борим.
Мендан бошқасини танлайди ёрим —
Нима бўлганда ҳам сизни севаман.

Юракдан бутунлай юлиб ёлғонни,
Ёлғон хаёллар-ла қийнаманг жонни.
Азизим, кўнгилдан ҳайданг гумонни,
Нима бўлганда ҳам сизни севаман.

Тушларимга кирган юзни севаман,
Мен учун аталган сўзни севаман.
Менсиз яшолмаган қизни севаман,
Нима бўлганда ҳам сизни севаман.

Ўпиб ардоқлайман изларингизни,
Гулларга тўлдуртум кўзларингизни.
Аҳадга узатинг қўлларингизни,
Нима бўлганда ҳам сизни севаман.

2009

СЕВГИ ДЕБ...

Айрилигу ҳижрон нафратдан гўзал,
Бедорлик ишратдан, гафлатдан гўзал.
Севги деб ҳар лаҳза қон тупурсам ҳам,
Бу азоб минг битга роҳатдан гўзал.

2009

ЙИГИРМА ЙИЛ ЎТСА ҲАМ...

Сен эртамизни ўйлаб,
Ғам емагин, азизам.
Ҳозиргидек севгайман,
Йигирма йил ўтса ҳам...

Илк бор учатганимдек,
Ҳайрат билан қарайман.
Ўзгармаслигим аниқ,
Йигирма йил ўтса ҳам...

Ҳар кун севаман дейман,
Сенинг гамингни ейман.
Ҳеч қачон ранжитмайман,
Йигирма йил ўтса ҳам...

Ёзиб ҳам бергум тилхат,
Натариусдан печатлаб.
Қалбим – бу сертификат,
Йигирма йил ўтса ҳам...

Бузилганда қоматинг,
Кетганда ҳам омадинг.
Содиқ қолгай Аҳадинг,
Йигирма йил ўтса ҳам...

УЙҒОНИШДАН ҚЎРҚАМАН

Ҳар тонг кўз очмай туриб,
УЙҒОНИШдан қўрқаман.
Аввал туйғу кейин орзу,
Кейин қайғу.
Бунга сабаб, фақат севги,
Фақат севги...

СОЧЛАРИНГ САВДОСИ...

Сочларинг савдоси ўлдирар, Раъно,
Нозларинг гавғоси ўлдирар, Раъно,
Сухбатинг мавжида маст сузар руҳим,
Сўзларинг дарёси ўлдирар, Раъно.

Ўлдиреди мени қилич қоматинг,
Мендай ошиқларинг сенинг омадинг,
Сени деб гул терсам, нега олмадинг,
Шартларинг биноси ўлдирар, Раъно.

Гилослар лабингдан хижолатдадур,
Юлдузлар кўзингдан шикоятдадур,
Тану жон ортингдан итоатдадур,
Тушларим маъноси ўлдирар, Раъно.

Айтган бу сўзларим ёлгонми ё айт,
Ботир Зокировга учровдинг қай найт,
У-ку ўлиб кетди, менгами навбат,
Ошиқлик жазоси ўлдирар, Раъно.

Бармогинг учида жонимни олгин,
Кулгинг жарағида жонимни олгин,
Майли Азройилнинг ўрнига келгин,
Йўқса, дил садоси ўлдирар, Раъно,
Кўнгиллар видоси ўлдирар, Раъно.

Севгинг куймаганиш куйдирар, Раъно,
Шартларинг жонимдан тўйдирар, Раъно,
Бир боқиб оромим ўтирлаган гул,
Чиройинг суймаганиш суйдирар Раъно.

2009

СЕВИБ ҚОЛДИМ

Буни қандай,
Сезиб қолдим.
Сени жондай,
Севиб қолдим.

Ғамга тулиб,
Телба бўлиб,
Бир бор кўриб,
Севиб қолдим.

Ишқ – бу ханжар,
Жонга санчар,
Дилни янчар,
Севиб қолдим.

Пешонам шўр,
Йўлларим тўр,
Кўзларим кўр,
Севиб қолдим.

Қўлим титрар,
Тилим титрар,
Дилим титрар,
Севиб қолдим.

Севиб қолдим,
Сени қайлап,
Кўриб қолиб,
Суратингдан...

2009

ДАВРИ КЕЛСА...

Эшпакининг даври келса,
Оғниям тепиб ўтар,
Бу ҳам камлик қилгандай,
Ҳанрайвердан баттар...

ҚҰЙМАДИНГИЗ, ҚҰЙМАДИНГИЗ-ДА

Сизга қанча меҳрим берсам ҳам,
Тўймадингиз, тўймадингиз-да.
Энди фақат мен сизни дейман,
Қўймадингиз, қўймадингиз-да.

Муҳаббат излайсиз кўзимдан,
Қолманг дейсиз жоним ўзимдан.
Шарнадек кезасиз изимдан,
Қўймадингиз, қўймадингиз-да.

Хоҳланг йиғлаб, хоҳланг куламан,
Сиз истаган ошиқ бўламан.
Севиш керак бўлса, севаман,
Қўймадингиз, қўймадингиз-да.

Фарқи йўқдир, ҳазилми чинми,
Энди танлаб бўлдим мен сизни.
Олай энди бир кўнглингизни,
Қўймадингиз, қўймадингиз-да.

Бўлди, етар, хавотир олманг,
Қалбингизни шубҳага солманг.
Сизга рухсат ортимдан қолманг,
Қўймадингиз, қўймадингиз-да.

Кўкдан юлдуз узиб бераман,
Ғам деворин бузиб бераман.
Ҳатто, шеър ҳам ёзиб бераман,
Қўймадингиз, қўймадингиз-да.

Биласиз-ку менинг кимлигим,
Эҳтиросга дарров берилгум.
Севги деса, жуда бўш кўнглим,
Қўймадингиз, қўймадингиз-да.

БУХОРОЧА МУҲАББАТ

Бизнинг юртда ёшлар асли шўх бўлади,
Қизларининг кўзи тундек тим бўлади.
Бухорода севги шарти бошқачадир,
Бухороча муҳаббатни ким билади.

Уйланади йигит қизни кўрмай туриб,
Қиз ҳам кўнар қаллигини билмай туриб.
Ўз бахтига ишонади севмай туриб,
Бухороча муҳаббатни ким билади.

Сиз сўрарсиз қаламқошлар нархи қанча,
Азим шаҳар бўйи баланд анча-мунча.
Келинни сиз кўролмайсиз тўй ўтгунча,
Бухороча муҳаббатни ким билади.

Оилалар бир-бирини билса, бўлди,
Тўйдан кейин бирга бахтли бўлса, бўлди,
Ўн-ўн беш йил ўтиб, кейин севса, бўлди,
Бухороча муҳаббатни ким билади.

Ким билади Шофирқонча одатларни,
Ғиждувонча улфатларни, овқатларни.
Тўй кечаси синашади омадларин,
Бухороча муҳаббатни ким билади...

НЕГА ЙИҒЛАЙСИЗ, ОНА...

Мен бахтлиман,
Нега йиғлайсиз, она!
Дардниям ҳаммага бермайди Худо.
Бахтим — шу дардим-да, дардим — бахтим-да,
Бутун юрт ортимдан қиянги дуо.

Юрт илдамламоқда чўққилар сари,
Карвон қалам ташлар олдинга қараб.
Мени деб шу Ватан дардидан ариб —
Бир қалам олдинда юрса не ажаб.

АЙТДИМ ҚҶЙДИМ-ДА

Рашку аразларингдан,
Нетай тўйдим-да.
Хафа бўлмагин мандан,
Айтдим қўйдим-да.

Сен чиқарсанг жаҳлимни,
Йўқотаман ақлимни,
Ростга йўйма гапимни,
Айтдим қўйдим-да.

Дарров тушун кўнглимни,
Богламайин йўлимни,
Биласан-ку феълимни,
Айтдим қўйдим-да.

Бу менга одат эмас,
Бу сенга тоқат эмас,
Асло ҳақорат эмас,
Айтдим қўйдим-да.

Ахир, севганим рост-ку,
Ахир, бу менга хос-ку,
Биринчи мартамас-ку,
Айтдим қўйдим-да.

СЕВГИ ГЎЗАЛ ТУЙҒУ...

Севги гўзал гуйғу, чиройли туйғу,
Уни сенга бердим, уни асра сен.
Севги гўзал уйқу, чиройли қайғу,
Уйғотдим, бахтли у, ол. авайла сен.

Муҳаббат қадрини билган ошиқлар,
Бир кун бахтин тошгай, у гўзал жуфтлик.
Уларга аталгай минглаб кўшиқлар,
Юраклари асло бўлмагай дардлик.

СЕВСАНГ-СЕВМАСАНГ

Билсанг-билмасанг,
Келсанг-келмасанг,
Менга барибир,
Севсанг-севмасанг.

Сўра кўзгудан,
Сўйлар бир сирдан.
Лабда бўёгинг,
Мани қонимдан...

Ичсанг-ичмасанг,
Кучсанг-кучмасанг,
Менга барибир,
Кетсанг-кетмасанг...

Яна айтаман сенга,
Бунчалар гумон нега,
Севгилим ишон менга.
Кутсанг-кутмасанг.

Жонингга-жон бўламан,
Сен деб йиғлаб-куламан,
Дардларингни оламан,
Билсанг-билмасанг.

Бузмай эски қасамни,
Ўйлаб ҳар бир қадамни,
Бажараман ваъдамни,
Келсанг-келмасанг.

Йўлларимни кут мани,
Қўлларимдан тут мани,
Гуноҳимдан ўт мани,
Айтсанг-айтмасанг.

Армонларни бошлатмай,
Юрагингни гашлатмай,
Кўзларингни ёшлатмай,
Қайтсанг-қайтмасанг.

Айтсанг-айтмасанг,
Қайтсанг-қайтмасанг,
Менга барибир,
Кутсанг-кутмасанг.

Сўра кўзгудан, сўйлар бир сирдан...

МЕНИ ИЗЛАГИН

Камалакнинг айвонларидан,
Юрагимнинг осмонларидан.
Ошиқларнинг маконларидан,
Мени излагин...

Тополмасанг у ердан ҳам,
Ғам емагин, фариштагинам.
Манзилимни сўраб ўзимдан,
Мени излагин...

Ишонмайин ёлгонларга сен,
Ўрин берма гумонларга сен.
Ёлғиз бориб вайронларга сен,
Мени излагин...

Биттагина йилг этган учқун,
Алангага айланар бир кун.
Ёлғон дунё этмаса мафтун,
Мени излагин...

Демасман, пул тиллони изла,
Ғавго ковлаб, балони изла.
Ҳаётингга маънони изла,
Мени излагин...

БОҒБОН КЎПАЙДИ

(Э. Воҳидовга)

Орзуни кўп қилдим, армон кўпайди,
Маслаҳат ош қилдим, нолон кўпайди.
Ер очдим, сув келди, кейин боғ бўлди,
Мевага кирганда боғбон кўпайди.

ГУЛИРАЪНО

Нигоҳларинг дунё, дунё,
Қарашинг бир маъно, маъно.
Сўзларинг кўп доно, доно,
Гулираъно, Гулираъно.

Ишқингда мен ўзим адо,
Жамолнингга этдинг шайдо.
Йўлларингга бўлдим пайдо,
Гулираъно, Гулираъно.

Дардимга бўл ўзинг даво,
Сочгин боғим ичра зиё.
Сенсан гуллар ичра танҳо
Гулираъно, Гулираъно.

Сен гул, мен булбулигўё,
Ҳаётимга бўлгин маъно.
Қалбимга ўзингсан подшо,
Гулираъно, Гулираъно.

БИЛДИМ...

Билдим, бу курашда ҳеч ким ютмайди,
Буни йўл ярмида тушундим, она.
Ўйиннинг бошидан жонимни тикдим,
Билмам, мендан нима истарлар яна.

Ҳаётнинг ранглари кўринмай қолди,
Ит ва отнинг изи қўшилиб кетган,
Ўз-ўзимни излаб чарчадим, толдим,
Дунё – ҳақиқатнинг бошига етган...
Қизик!

Ўйиннинг бошидан боримни тикдим...

НИМАДИР ЕТМАЯПТИ

Умид сенга ишониб,
Кунларим ўтмаяпти.
Яшай десам қувониб,
Нимадир етмаяпти.

Муҳаббатми, омадми,
Ҳақиқатми, ҳикматми.
Ўз қонимдан шарбатми,
Нимадир етмаяпти.

Вақт мени кутмаяпти,
Тонгларим отмаяпти.
Ўзинг қутқар, эй Оллоҳ,
Нимадир етмаяпти.

Арслондек ўкираман,
Ҳаммани чақираман.
Дунёни санқираман,
Нимадир етмаяпти.

Ҳислар мени эпполмас,
Бир нуқтага тўпполмас.
Тарих жавоб тополмас,
Нимадир етмаяпти.

ЁЗЯПМАН

Ёзьяпман,
Ёзьяпман, ёзьяпман!
Севги деб ақдан озьяпман.
Биргина висолга етай деб,
Ошиқлар китобин тузьяпман.

Ёзьяпман!
Бузьяпман, тузьяпман.
Гоҳ дарё, гоҳ саҳро кезьяпман.
Излаганим қачондир топгум,
Ишонинг, сезьяпман, сезьяпман...



ЎЗИНГА ЎХШАГАН СИНГЛИНГ ЙЎҚМИКИН

На илож, ўзгани танлабсан бугун,
Менда ҳам озгина кўнглинг йўқмикин.
Менга учрамадинг аввалроқ нечун,
Ўзинга ўхшаган синглинг йўқмикин.

Не дердим, бахтли бўл, аҳдли бўл, дейман,
Яна дилда бир оз севгинг йўқмикин.
Тўйингга боролмай, жонни қийнайман,
Ўзинга ўхшаган синглинг йўқмикин.

Менга ўхшагани ягона дейсан,
Мендек ошигингга раҳминг йўқмикин.
Кўксим осмонида юлдузсан, ойсан,
Ўзинга ўхшаган синглинг йўқмикин.

Айтмасман уни қўй, мен билан бўл деб,
Юракни алдашнинг йўли йўқмикин.
Ўшани севардим сени унутиб,
Ўзинга ўхшаган синглинг йўқмикин.

Эртакка ишонмас эди-ку Аҳад,
Уни овутгали сеҳринг йўқмикин.
Кўнгилда биргина орзуим фақат,
Ўзинга ўхшаган синглинг йўқмикин.

ОЙЛАР

Декабрь,
Январь, Февраль...
Баҳорни соғиндим, баҳорни.
Март, Апрель,
Май ҳидидай гўзал —
Ёмғирни соғиндим, ёмғирни...

Сентябрь, сарғайди сочим,
Ойлар, мендан олмоқда ўчин.
Бирор фасл хушламас нетай —
Мен баҳорни севганим учун...

ОҚ ЛИБОСДА УЧИБ КЕТДИНГ ОҚҚУШДЕК

Айрилиқ ҳеч ором бермайди жонга,
Ширин тушни бугун йўйдим ёлгонга.
Ўз жуфтини топиб сархуш осмонга,
Оқ либосда учиб кетдинг оққушдек.

Кечаги бахтимни эслайман тушдек,
Хотиралар дилга санчилар нишдек.
Мен тупроққа, сен осмонга бўлишдик,
Оқ либосда учиб кетдинг оққушдек.

Фалакларнинг кўнғироғин чалдириб,
Суйганингнинг кучогини тўлдириб.
Мен ғарибни шундай ёлғиз қолдириб,
Оқ либосда учиб кетдинг оққушдек.

Кўкнинг етти дарвозаси очилди,
Никоҳ учун минглаб қасам ичилди.
Тил учида менга кафан бичилди,
Оқ либосда учиб кетдинг оққушдек.

2009

СЕНГА УЙЛАНОЛМАЙМАН...

Сенга уйланомайман...
Кутганим билан,
Севганим билан,
Соғинганим билан.

Сенсиз яшолмайман...
Йилда бир кўрмасам ҳам,
Йўлларингда турмасам ҳам,
Ҳолинг не деб сўрмасам ҳам.
Сени унутолмайман...

Сендан гўзаллар кўп бўлса-да,
Йўлларимда зор турса-да,
Мен учун минг қайгурса-да.
Сендан нимадир кутиб, сени кутмайман...

НАСИБАМ

Ой тўлган оқшомда ойдек тўлмайин,
Ўзганинг багрида сўлдинг, Насибам.
Пешонамда ёзган бахтим бўлмайин,
Бошқага насиба бўлдинг, Насибам.

Афсус, ёлгонларга кетдинг, чингамас,
Нечун йўлни чапга бурдинг, ўнггамас.
Менга кўнгил бериб, жоним, менгамас,
Бошқага насиба бўлдинг, Насибам.

Ўзим исёнқорман, ўзим исёнман,
Қалдирғочлари тарк этган айвонман.
Ҳамон тушунолмай лолу ҳайронман,
Бошқага насиба бўлдинг, Насибам.

Насибам, юракка ошно бўлди гам,
Насибам, сени деб кўзларимда нам.
Насибам, ўшандан менинг нимама кам,
Бошқага насиба бўлдинг, Насибам.

Ёмон тушларимни этиб кетдинг, рост,
Арзонга номусин сотганларга хос.
Ўзингга ё мени билмадингми мос,
Бошқага насиба бўлдинг, Насибам.

Ой тўлган оқшомда ойдек тўлмайин,
Ўзганинг багрида сўлдинг, Насибам.
Пешонамда ёзган бахтим бўлмайин,
Бошқага насиба бўлдинг, Насибам...

ТИЛЛО УЗУК

Тилло узук, гапир энди тилло узук,
Бузилдими тақдир энди тилло узук,
Гувоҳ бўлдинг бугун ёлгон никоҳга сен,
Тўй ўтдими, ахир энди, тилло узук.

Тилло узук, ўзи менга аталгандинг,
Қўлларимга сиртмоқ бўлиб қадалгандинг,
Бошқа қўлда қандай қилиб бахт топасан,
Алам қилмайдими энди алданганинг.

Тилло узук, гапир энди, тилло узук,
Тешилдику бағир энди, тилло узук,
Ўша қизга севгимизни эслатиб тур,
Кўришмаймиз хайр энди, тилло узук.

Хаёл бўлди, бахтим мани хаёл бўлди,
Савол бўлди, бутун умрим савол бўлди,
Кечагина ўз бағримда кулган у қиз,
Энди ўзга қучогида аёл бўлди.

Тилло узук, гапир энди, тилло узук,
Иккимизга оғир энди, тилло узук,
Ким учраса, бахтли бўл, деб қўл қисардим,
Бахтсиз қолдим охир энди, тилло узук.

Ёниб турган кўзчаларинг ёқутданми,
Марваридми ёки кумуш ё дурданми,
Мен ўчимни кимдан олай айтгин энди,
Севгиданми ёки сендан, тақдирданми?

Тилло узук, гапир энди, гапир энди,
Нега жимсан, сўзломасанг жим тур энди,
Бориб айтгил, ўша юзсиз беномусга,
Бахтин топсин Аҳадга барибир энди.

ЎЛГАН СЕВГИМИЗНИ ҚАЙГА КЎМАМАН...

Кўзимда нима айб, мен кутган бўлсам,
Тилимда нима айб, мен айтган бўлсам,
Юракни қийнама, унинг айби йўқ,
Дилимда нима айб, мен севган бўлсам?!

Кечир, гуноҳ бўлса сени кутганим,
Севаман деб қайта-қайта айтганим,
Кечир, тушларингга кирганим учун,
Кечир, гуноҳ бўлса, сени севганим.

Бўйинингдан занжирдек очилиб кетдим,
Тунроққа маржондек сочилиб кетдим,
Пойингга тиз чўкдим гуноҳим не деб,
Боқмадинг, пойингда янчилиб кетдим.

Ёмгининг тўқомай булут хўрсинар,
Қоялар бағридан бургут хўрсинар,
Ўлган севгимизни қайга кўмаман,
Юракка тор келиб тобут хўрсинар.

Кўзларим ҳар йўлдан сени пойлайди,
Хаёлим тилимда исминг чайнайди,
Бир лаҳза жаҳлидан тушолмас юрак,
Қирқ бир даражада қоним қайнайди.

Аҳад девонасан, Аҳад телбасан,
Тунроққа, нима айб, уни тепасан,
Ҳаммасинг тушуниб ўзи келади,
Бахтинг керак бўлса, бир оз кутасан.

Кўзимда нима айб, мен кутган бўлсам,
Тилимда нима айб, мен айтган бўлсам,
Юракни қийнама, унинг айби йўқ,
Қалбимда нима айб, мен севган бўлсам?!

2009

ГАП БУЁҚДА ЭКАН-ДА

Кутмаган эдим сандан,
Қўнглинг йўқмиди манда.
Ўзгасин севаркансан,
Гап буёқда экан-да.

Индамай писиб юриб,
Гуёки қалбинг бериб.
Кетдинг-ку юзинг буриб,
Гап буёқда экан-да.

Шунақа ҳам содами-ей,
Ҳеч нарса сезмабман-эй.
Ёмон чиқдинг-ку сен-эй,
Гап буёқда экан-да.

Аҳду паймонлар қани,
Қўзлагандинг нимани.
Қўрқитиб қўйдинг мани,
Гап буёқда экан-да.

Иккита йигитни бирдан,
Балиқдек иллинг тўрдан.
Қойил қолдирдинг, зўрсан,
Гап буёқда экан-да.

Қовушмай гапинг гапга,
Чалингандек бир дардга.
Ўтибсан хиёнатга,
Гап буёқда эканда.

ШАББОДА

Шаббода майин эсса,
Уни шамол демайман.
Севгим бир келиб кетса,
Уни висол демайман.

Дилга бахт йўлламаса,
Бир яшнаб гулламаса.
Орзуга ўрамаса,
Уни баҳор демайман.

Дунё гамин смайман,
Севмаганни севмайман.
Чорламаса келмайман,
Ишқни хаёл демайман.

Дилга дардинг юклама,
Керак пайтда ухлама.
Биламан, ноз реклама,
Сени маккор демайман.

Демайман, йўқ демайман,
Мен томон боқ демайман.
Дилга ўт ёқ демайман,
Менга бўл зор демайман.

Учса ҳам самолётлар,
Бўшаса аэропортлар.
Кемасиз қолса портлар,
Сенам йўқол демайман.

Кечиргин мен телбани,
Таблетка деб тугмани.
Тугма дейман тангани,
Бу бир мисол демайман.

Шеърдан тўлган дискетам,
Оёқда ипсиз кетсам.
Бўм-бўш бўлса ҳам киссам,
Аҳад ночор демайман.

БИЗГА ҲАЛИ БОР ЭКАН...

Бой куёвга бой келин,
Бир-бирига зор экан.
Орзу қилдиму лекин,
Бизга ҳали бор экан.

Юрдим ижод йўлида,
Гоҳи гулзор гоҳ тикан.
Шоҳ Машрабга етишга,
Бизга ҳали бор экан.

Навниҳолман ингичка,
Мени қўлла, эй Ватан.
Сенга **УСТУН** бўлишга,
Менга ҳали бор экан.

Ҳавас барибир яхши,
Ҳасад ўлдирад экан.
Огир машҳурлик тоши,
Менга ҳали бор экан.

Ҳамма ёгинг бут бўлиб,
Даврон сурсанг, зўр экан.
Тиришсам-да интилиб,
Менга ҳали бор экан.

Бой куёвга бой келин,
Бир-бирига зор экан.
Орзу қилдиму лекин,
Бизга ҳали бор экан...

ИЖАРАДА

Шундоқ ён хонамда яшайди бир қиз,
На йиғлар, на кулар дилин очмайди.
Ўйлайман, гул умри ўтяпти эссиз,
Тўртинчи қаватда чироқ ўчмайди...

Ўқишни тугатди уч ой муқаддам,
На ишлар, на бирон ёққа кўчмайди.
Уни қийнамоқда билмадим не ғам,
Тўртинчи қаватда чироқ ўчмайди...

Эртага қишлоққа қайтаман афсус,
Сўнг яна ўйлайман кетиш қочмайди.
Мен бедор, у бедор иккимиз ёлғиз,
Тўртинчи қаватда чироқ ўчмайди...

Деразадан кузнинг нафаси келар,
Дайди хаёлларим қайга учмайди.
Ёнига бораман не бўлса бўлар,
Тўртинчи қаватда чироқ ўчмайди...

Нима, нари борса уйланаманда,
Йигит сўз бердими қасам ичмайди.
Фақат мени дейди у, биламанда,
Бўлмаса бу ердан нега кўчмайди...

Эртага августнинг охири куни,
Хўжайинга ҳеч ким эшик очмайди.
Қандай тўлаймиз-а ижара пулни,
Тўртинчи қаватда чироқ ўчмайди...

Ростдан севаманми **ГУЛИ**ни ёки,
Мен излаган қизга жуда ўхшайди.
У агар мен билан бўлмасдан токи,
Тўртинчи қаватда чироқ ўчмайди...

БУНИ СЕВГИ ДЕЙДИЛАР...

Кимлар севиб қуйдилар,
Ишонмай ҳам қуйдилар,
Бу ҳаётмас, бу тушмас —
Буни сеvgи дейдилар.

Чарсиллайди қадамлар,
Ўтда ёнар қаламлар,
Тушунинг эй одамлар,
Буни сеvgи дейдилар.

Қорнингизни туйдирмас,
Зардан либос кийдирмас,
Жонни олар билдирмас,
Буни сеvgи дейдилар.

Ўлимдан ҳам қутқарган,
Бўйнингдан дор ўтқарган,
Чидаганга чиқарган —
Буни сеvgи дейдилар.

Кимлар жондан туйдилар,
Билиб-билмай суйдилар,
Ҳамон ошиқдир Аҳад —
Буни сеvgи дейдилар.

Қимлар севиб қуйдилар,
Ишонмай ҳам қуйдилар,
Бу ҳаётмас, бу тушмас —
Буни сеvgи дейдилар...

ЮЛДУЗНИ СОҒИНДИМ...

Тунлари дард айтсам армонга,
Юрагим хушламас кундузни.
Яшагим келяпти осмонда,
Юлдузни соғиндим, юлдузни.

Настаринлар очмоқда гунча,
Қизил олма пишиб етгунча.
Соғинтириб яшайди бунча,
Юлдузни соғиндим, юлдузни.

Дил торимнинг ҳамрози эди,
Оҳларимнинг овози эди.
Руҳим қилич, фалакка етди,
Юлдузни соғиндим, юлдузни.

Юлдузликка қилиб даъволар,
Осмон узра сочиб ғавғолар.
Боридан ҳам бўлди жудолар,
Юлдузни соғиндим, юлдузни.

Ишқсиз эшак, дардсиз кесакдир,
Худо севган банда юксакдир.
Бахт бермаса пул ҳам хашакдир,
Юлдузни соғиндим, юлдузни.

Нима бўлди дўстлар оқшомга,
Қаро булут тўлди осмонга.
Аҳад ёзмас қараб замонга,
Юлдузни соғиндим, юлдузни.

ДАРВЕҶОНА

Дили йўқнинг пули бор,
Пули йўқнинг дили бор,
Бу дунёда дўстларим,
Ҳар кимнинг ўз йўли бор.

Ошиққа май керакдир,
Ҳофизга най керакдир,
Майли, ярим бўлса ҳам,
Осмонга ой керакдир.

Дононинг нақли бордир,
Оқилнинг ақли бордир,
Бесабаб отмайдилар,
Тошнинг ҳам нархи бордир.

Ёзда ҳам қорни кўрдим,
Масжидда дорни кўрдим,
Совуқ деманг тоғларни,
Ичида горни кўрдим.

Бозорни шайтон қурди,
Мозорни имон қурди,
Ўз қабрини қазганни,
Айтиш, дўстлар, ким кўрди.

Дили йўқнинг пули бор,
Пули йўқнинг дили бор,
Бу дунёда дўстларим,
Ҳар кимнинг ўз йўли бор.



СОГИНИБ ҚАЙТДИМ

Мен келдим, турибман остонангда жим,
Юрагим эскирган мактубдек гижим.
Фаслий ҳасратларга тўлгандир ичим,
Севгилим, севгингни соғиниб қайтдим,
Ёнингга оғриниб, оғриниб қайтдим.

Келдим, ўша эски суратим билан,
Умидим уйғотган журъатим билан.
Хазонлар айтмоқда пойимда ўлан,
Умримдан топмайин ҳеч ривож қайтдим,
Пушаймондан ўзга йўқ илож қайтдим.

Ўйлардим, муҳаббат бир ўйин, холос,
Севги борлигига ишонмасдим, рост.
Ногаҳон чақмоқдек келди бир овоз,
Яна ишқ майидан ичир деб қайтдим,
Азизим, сўнгги бор кечир деб қайтдим.

Бас, тамом, айтгали сўзим қолмади,
Сенга қарамоққа кўзим қолмади.
Яна келмоқликка юзим қолмади,
Ишонгин, ёнингга сўнгги бор қайтдим,
Вафодан ўзимга сўраб дор қайтдим...

Мен келдим, турибман остонангда жим,
Юрагим эскирган мактубдек гижим.
Фаслий ҳасратларга тўлгандир ичим,
Севгилим, севгингни соғиниб қайтдим,
Ёнингга оғриниб, оғриниб қайтдим.

ХАТОЛАР СУРАТИН ҚУЧГАН АЗОБЛАР
(туркум)

I

1. Исмсиз сукутнинг ваҳимаси кўп,
Енгилтак беванинг тушидек...
2. Пушаймонни қаҳридан эмас,
Орзуларни заҳридан қочинг...
3. Армонни етим қолдиргандим,
ДАРДга айланиб
бурнимни қонатди...
4. Мен бугун кўп нарсага тушундим.
Энди ҳеч қачон кўрсичқондан
таъна қилмайман...
5. Мен ўзимни ўзим таъқиб қилишни,
бошлаган куним дунёга келганман...
• Менга бошқа душманнинг кераги йўқ.
6. Шундай оғир аҳволда ҳам
тарозининг палласига
тош ташлаб чарчамаяпман...

ХАТОЛАР СУРАТИН ҚУЧГАН АЗОБЛАР

(туркум)

II 2

1. Айрилиқ. Дард. Унутилиш...
Севги. Соғинч. Кутиш-кутилиш...
Ақл. Юрак. Кўнгил. Куйилиш...
Мен **БОШҚА** нарсадан азоб чекапман.

2. Кўзларимни очсам ҳам, юрсам ҳам,
Худди киприklarимдек
ВИЖДОН соқчилик қилади...

3. Имоннинг дўстлигига ҳам ишонмай кўйдим...
Ўзим эсламасам мени эсламайдиам.
Шу борада баъзан шайтонга қойил қолгим келади.

4. Мени тушунмадингиз-а,
Битта камбағал билан битта бой —
Бутун юртнинг аҳволини билдириши мумкин, ахир...

5. Фақат ном қолдириб, нон топиш учун
 шоир бўлгандан кўра, далага чиқиб
 ер ҳайдасанг, кимгадир фойданг тегади...
Маңа, менинг азобим, сизни суратингиз...

6. Қанотларим осмонни кўзлаб турган бир пайтда
Оёғим ердан ажралмаяпти...
Икковиниям айтганини қилишни
Иложи бор, Аҳад Қаям...
Ўйлаяпсанми?..



ХАТОЛАР СУРАТИН ҚУЧГАН АЗОБЛАР

(туркум)

III

1. Бир шаллақини деб сизни унутдим...
Ўзим эса ундан батгарроқ чиқдим,
Илтимос сиздан, кўзларимни ўғирлаб кетинг...

2. Бугун мени роса мақтадилар,
Илоннинг сутини ичириб...
Жуда ширин экан заҳар бўлса ҳам.

3. Энди эртакка ишёнмайман.
Чунки кеча оқшомда,
Тушимда қора руҳни кўрдим.

4. Ёмғирнинг ҳар бир томчиси,
Ёз бўлишига қарамай,
Бошимга тошдек уриляпти.

5. Одамнинг суяги
Ўзидан кўра ақллироқдир.
Кундан-кунга суякдек
оқариб кетяпман шуни ўйлаб...

6. Бугун Рауф Парфининг
шарпаси, қоғознинг устида
изғиб юрибди,
стим чумолидек...



МУНОЖОТ

Елкада юк кўпайдими, Художон,
Бу ташвишлар тугайдими, Художон,
Каламушлар даврон сурган дунёда,
Менинг куним ўтмайдими, Художон!

Тиззамгача ғийбатларга ботдим-эй,
Қай йўлларда жонни арзон сотдим-эй,
Ахлатхўрлар қаср қурган дунёда,
Менга ҳаво етмайдими, Художон!

Севгимдан айрилиб талвасадаман,
Ўзимга келолмай васвасадаман,
Шоиринг севги йўқ деган дунёда,
Жароҳатим битмайдими, Художон!

Кимлар эшик қоқар иши битгунча,
Минг йўлда қон ютдим бир йўл топгунча,
Гадой ҳам яшайлик деган дунёда,
Подшоларинг ухлайдими, Художон!

Бир куни одамдай яшаб олай деб,
Нима тондик дўстлар, ўзим бўлай деб,
Фирромларнинг бахти кулган дунёда,
Мардлар энди қайтмайдими, Художон!

Пенсиямга ўйиб ёзганинг – **ТАҚДИР**,
Аҳадман деб юрган, Аҳални кечир,
Худо йўқ деганлар сиққан дунёда,
Ярим жоним сиғмайдими, Художон!

БЕФАРЗАНД АЁЛ

Бўм-бўш бешик тебранасан бўм-бўш қўлда,
Бўм-бўш бешик чангга ботдинг ўттиз йилда,
Фарзанд кутиб бу аёлнинг сўлди умри —
Энди ўзинг чақалоқдек йиғлаб бер-да!

Сени кўрса кўзёшларин тўхтатади,
Гўё мурғак боласини ухлатади,
Ёлғизлигин билдирмагин бу аёлга —
Ҳар кун сенга юрагини бўшатади.

Бўм-бўш бешик ўзи нега бўшаб қолдинг,
Музейдаги буюмларга ўхшаб қолдинг,
Бу ҳовлида ёлғизликдан куйса аёл,
Ўзга уйда кераксиздек бўлиб қолдинг...

Невара тўй қилдим деса тенгдошлари,
Бўм-бўш ёстиқ ичар ҳар кун кўзёшларин,
Ўттиз йилки овутади ночор эди,
Балки ҳаёт синаётир бардошларин.

Бўм-бўш бешик, демак сен бўм-бўш эмассан,
Қаро кунда кўрилган бир туш эмассан,
Ҳар бешиги қирқта Алпомиш ўстирган —
Сен ўзбекдан улғудирсан ёш эмассан.

Бўм-бўш бешик тебранасан худди вақтдек,
Ёлғиз аёл учун сен бир ҳақиқатдек,
Бу дунёга донолигинг исботлаб қўй,
Токи дунё ардоқласин сени бахтдек.



ЎЗБЕГИМНИНГ ТҮЙИ...

Кезиб қанча миллат-элатни,
Кўриб қайтдим турли одатни,
Тополмадим жонга роҳатни,
Она юртнинг бўйи бошқача,
Ўзбегимнинг тўйи бошқача.

Кўзлардаги сурурга қаранг,
Даврадаги файз, нурга қаранг,
Тиллардаги шукрга қаранг,
Кимнинг хаёл-ўйи бошқача,
Ўзбегимнинг тўйи бошқача.

Дўстлар, қўлга қўлни боғлайди,
Хизмат учун белни боғлайди,
Яқин дийдор дилни чоғлайди,
Хушнуд ёшлар сўйи бошқача,
Ўзбегимнинг тўйи бошқача.

Сиз ҳам келиб яйрангиз бир дам,
Унутингиз, нима ташвиш-ғам,
Бўлолсангиз Аҳадга ҳамдам,
Унинг наво куйи бошқача,
Ўзбегимнинг тўйи бошқача.

ҚАДАҲ

Қадаҳ, о зарби қадаҳ!
Жаранги жонимдан утар.
Юракни тимдалаб кетар,
Фигоним фалакка етар.

Қадаҳ, о зарби қадаҳ
Бедаво дардим тузат.
Соқиё, майдан узат,
Ва мени зимдан кузат,
Турибман мисли дарахт...

Қадаҳ, о зарби қадаҳ!
Ёнингга бир кун қайтай.
Ҳасратим сенга айтай,
Бу йўлдан қандай ўтай,
Кулашим мумкин ҳар вақт.

Қадаҳ, о зарби қадаҳ!
Сенсан ошиқнинг шаъни.
Дунёдан йўқдир маъни,
Чорланг буён ҳаммани,
Бу кеч айёми фараҳ!

Турибман мисли дарахт,
Кулашим мумкин ҳар вақт...

2007

ТУГИЛГАН КҮН

Йилида бир марта нишонланса ҳам,
Қалбингда пинҳона ўқийди афсун.
Оламнинг қувончи гўё шунда жам,
Бир умр эсланар кун, туғилган кун.

Бу кунда улғайиб яна бир ёшга,
Бир зум хотиралар айланар бошга.
Ўксинманг кўриб оқ тушганин сочга,
Ёшликнинг эсланар кун, туғилган кун.

Кимлар учун бу кун байрамдек татир,
Юракларни чертиб қайта уйғотур.
Гўё бир маҳалда бахт тонги отур,
Шодликдан сўзланар кун, туғилган кун.

Яқинларинг келиб дилга ўт ёқса,
Кўнглиннга ўзгача оҳанглар оқса.
Қадри билингайдир олислан боқса,
Гоҳ кўмсаб изланар кун, туғилган кун.

Қанча яқин келса, шунча кўп кутиб,
Дарду ғамларни ҳам бир оз унутиб.
Дийдорнинг энг соҳир таъмидан тотиб,
Юракдан розланар кун, туғилган кун.

Атрофдан ёғилса совгаю табрик,
Аҳалдан бўлсин шу сизга эсдалик.
Ҳаётингиз ўтсин бир камсиз, бутун,
Яхшилик кўзланар кун, туғилган кун.



ТҶЙДАН КЕЙИН

Қўшиқ айтсанг ярашади куйдан кейин,
Доно одам ўй суради ўйдан кейин,
Ният қилар уйда бола туғилганда,
Ўзбек яна тўй бошлайди, тўйдан кейин.

Кўрсам дейди фарзандининг бахтларини,
Курсам дейди толедан тахтларини,
Ўзгартирмай минг йиллик одатларини,
Ўзбек яна тўй бошлайди, тўйдан кейин.

Бундай кунда қашимас ҳеч бошларини,
Ҳисобламас яхши кунда харжларини,
Санамайин тўкилган оқ сочларини,
Ўзбек яна тўй бошлайди, тўйдан кейин.

Сабр қилар оғир-енгил кунлар кўриб,
Пишиб кетган ҳар бир дардни енгавериб,
Ҳар қандайин ғам-ташвишни четга суриб,
Ўзбек тағин тўй бошлайди, тўйдан кейин.

Баъзилар бор шердан олиб филга берар,
Салом берсанг алигини пулга берар,
Унга қаранг тонганини элга берар,
Ўзбек яна тўй бошлайди, тўйдан кейин.

Кўнгил уйи обод бўлар сўзлар билан,
Яхши-ёмон кунда бўлинг дўстлар билан,
Қўл берсангиз Аҳад шоир сизлар билан,
Ўзбек яна тўй бошлайди, тўйдаё кейин.

МЕН КАБИ ЁЛҒИЗМИСАН

Қизмисан Ё, юлдузмисан Ё,
Тунмисан Ё, кундузмисан Ё?
Жоним ҳалак, ортингдан юриб,
Соймисан Ё, денгизмисан Ё?

Ё дилдорсан, Ё зулмкорсан,
Ёки маккор, Ё вафодорсан?
Ёки борсан, ёки хаёлсан,
Сўзмисан Ё, афеусмисан Ё?

Ё орзусан, Ё уйқусан Ё,
Ё кулгусан, Ё қайгусан Ё?
Ё севгисан, Ё жодусан Ё,
Шунчаларам олимисан Ё?

Ё жайронсан, ёки райҳонсан,
Ё висолсан, ёки ҳижронсан?
• Ўз ҳолига ўзи ҳайронсан,
Келмоқликка ожизмисан Ё?

Ёқутмисан, Ё дурмисан Ё,
Булутмисан, ёмгирмисан Ё?
Суқутмисан, тақдирмисан Ё,
Дилсизмисан, тилсизмисан Ё?

Саробмисан, Ё шаробмисан,
Моҳтобмисан, Ё азобмисан?
Зулматғоҳми, Ё офтобмисан,
Япроқмисан, илдизмисан Ё?

Соҳибжамол тимсолмисан Ё,
Жавоби йўқ саволмисан Ё?
Етиб бўлмас висолмисан Ё,
Ё мен каби ёлғизмисан Ё?..



АЙТИНГ-ЧИ, ЭРТАГА БИЗДАН НЕ ҚОЛАР?

Дунёга бир марта келади одам,
Бир марта яшайди, бир марта ўлар.
Дўстларим, бир савол сўрасам сиздан,
Айтинг-чи, эртага биздан не қолар?

Кимлардир бир умр мол-дунё йиғса,
Кимдир шон-шуҳрати билан мақтанар.
Ҳавойилик билан умримиз ўтса,
Айтинг-чи, эртага биздан не қолар?

Унутма, эй дўстим. унутма ганим,
Инсон бу дунёга бир марта келар.
Фурсатим ганимат, безовта кўнглим,
Айтинг-чи, эртага биздан не қолар?

Тарих бешафқатдир. дунё ваъдабоз,
Ёлгонлар қулингни кўкка совулар.
Тунлари юлдузга боқум беовоз,
Айтинг-чи, эртага биздан не қолар?

Севгилим, юрагим кўлингда бугун,
Мени қўйвор, дея сенга ёлворар.
Қалбимда очилмай ётар бир тугун,
Айтинг-чи, эртага биздан не қолар?

Тушларим айланиб борар ростига,
Баъзида ҳаёт ҳам тундек туюлар.
Биз дардлар орттирсак дардлар устига,
Айтинг-чи, эртага биздан не қолар?



ЯХШИ ОДАМ

Яхши одам, умрин бахтдан ёритгайдир,
Ёмон одам, ўз илдин қуритгайдир.
Яхши одам, дилдан дардинг аритгайдир,
Ёмон одам, гул умрини сўлитгайдир.

Яхши одам, яшар мудом ҳавас билан,
Ёмон одам, ёниб юрар ҳасадидан.
Яхши одам, дуо олса отасидан,
Ёмон одам, чиқмас шайтон тўдасидан.

Яхши одам, қаноатдан шукр қилар,
Ёмон одам, хиёнатдан фикр қилар.
Яхши одам, яратганга зикр қилар,
Ёмон одам, ҳийла топар, макр қилар...

Яхши одам, ризқин топар меҳнатидан,
Ёмон одам, бош кўтармас гийбатидан.
Яхши одам, элда дoston ҳурматидан,
Ёмон одам, боши чиқмас гурбатидан.

2010

АТРОФИМИЗДА

Атрофимизда жондўст акалар кўпаймоқда,
Опа, сингил, қадрдон укалар кўпаймоқда.
Биз дўстлик тарафдори, янги богда ниҳолмиз,
Бўйимиздан ҳасадда, тўнкалар кўпаймоқда.

Кўпаймоқда, отасин қабрига тош отганлар,
Хотинининг макрига ўз онасин сотганлар.
Биз ҳақиқат томонмиз, ҳақ томон кетяпмиз деб,
Биз гулзорга кетяпмиз деб, лой балчиққа ботганлар...

2010

ДЎСТЛАР НАСИХАТИ

Ким учраса, ўлим ҳақда,
Ёзма дейди.
Ижодни деб сен ақлдан,
Озма дейди.

Нима қилай, дўстижонлар,
Меҳрибонлар.
Бир сатр деб кунда минг бор,
Юрак қонар.

Фойда йўқдир анов дори,
Ниналардан.
Мен ёзмасам, қайта баттар,
Қийналаман.

Дўстим йўқлар, ҳовуч-ҳовуч,
Пул тутқазар.
Табиб топар, дардингдан дер,
Шул қутқазар.

Тушунсайди мани қалбим,
Амалдор дўст.
Ҳар кун иссиқ-совуғимдан,
Хабардор дўст.

Бедаво бир дард бу дунё,
Жафохона.
Безиллатиб қўйди мени,
Шифохона.

Нон ўрнига дори ютгум,
Алам билан.
Ўлсам керак кучоқлашиб,
Қалам билан...

Кетиб қолсам, отам яна,
Бир синмасми?
Онажоним мозор қатнаб,
Ўксинмасми?

Устозимсиз деган ўша,
Яқинларим.
Ўзларича адабиёт,
Вакиллари.

Бу шеърлари йиртиқ, ямоқ,

Ёқа дермиш.

У ҳеч нарса беролмайди,

Халққа дермиш.

Учрашганда омад ука,

Деб қўйишар.

Қайрилдимми гийбат билан,

Еб қўйишар...

Соғ бўлсанг ҳам кейин касал,

Бўласан-да.

Ажалингдан беш кун бурун,

Ўласан-да.

Сотиб ору номусини,

Ватанимни.

Душманларим кўрмаса бас,

Кафанимни.

Ярим жоним қиймаласа,

Ҳасадчилар.

Оллоҳ ўзинг балолардан

Мени қутқар.

Ижодкорлар ижодкорни

Қўллолмаса.

Фисқу фасод титиб юрса,

Кўролмаса.

Маърифатнинг ўқ илдизи,

Синганими?

Қиёматни беш кун бурун,

Келганими?

Меҳнатимни шу эл қадр,

Қилса, бўлди.

Эрта шу халқ менинг қадрим

Билса, бўлди.

Ўзим бўлай десак юртни,

Ким ўйлайди?

Биздан бошқа шу Ватан деб,

Ким йиғлайди?

Желинг энди, аҳли ижод,

Аҳли санъат.

Дунё ичра Ўзбекистон,

Бўлсин обод.

Битта юзда битта кўзу,

Қош бўлайлик.

Бир овозда, бир ёқадан,

Бош бўлайлик...

Дардларимиз бўлмасмиди,

Уюм-уюм.

Ўлим ҳақда ёзмасмиди,

Аҳад Қаюм.

Ким учраса, ўлим ҳақда,

Ёзма, дейди.

Ижодни деб сен ақлдан,

Озма, дейди.

ЗАРСАНДИҚ

Совчилардан сеплар келса ҳар сандиққа,
Мендан кечиб сотилдингми зар сандиққа.
Бор дунёни йигиб келиб бойнинг ўғли,
Бирозгина солмабди-да ор сандиққа.

Мингтасини кўравериб сендекларни,
Юборгандир тузоқ қилиб сандиқларни.
Йўқса кўриб қулоғингда чандиқларни,
Солгандир-ов ҳаётингга дор сандиққа.

Тўй овози қулоғимга чалинади,
Дўстим келиб тўйга юр, деб ялинади.
Муҳаббатим дунёга ҳам сиғмас дердинг,
Бутун дунё сиғибди-да тор сандиққа.

Муз қоплади бугун Аҳад вужудини,
Увол қилма севгимизнинг нобудини.
Сандиқ эмас олдинг менинг тобутимни,
Қабримдир У, ёғар энди қор сандиққа.

ЮРИБМИЗ-КУ МАНА, ЎЛГАНИМИЗ ЙЎҚ

Тақдирига кўниб кетди, дедилар,
Кўринмайди тиниб кетди, дедилар.
Даври ўтди, синиб кетди, дедилар,
Чидолмади, чириб кетди, дедилар.
Ё Оллоҳ деб биз кам бўлганимиз йўқ,
Юрибмиз-ку мана, ўлганимиз йўқ.

Ишон, дўстингман деб қўлимни қисиб,
Иши битгач, йўлим қўйдилар тўсиб.
Ҳасад қилди, мендан кетди деб ўсиб,
Кўролмай ордан шум режалар тузиб.
Тириклай кўймоқчун гўримни қазиб.
Гулладик, минг шукр сўлганимиз йўқ,
Юрибмиз-ку мана, ўлганимиз йўқ.

Не-не кунлар ўтмади бу бошимиздан,
Тош ҳам лол бизларнинг бардошимиздан.
Денгизлар тўлса-да кўзёшимиздан,
Ким исинди меҳр қуёшимиздан.
Ғийбатларга парво қилганимиз йўқ,
Юрибмиз-ку мана, ўлганимиз йўқ.

Бекорга овора бўлма, эй ғаним,
Майли гуллаб яшна сўлма, эй ғаним.
Аҳад ҳолидан ҳеч кулма, эй ғаним,
Майли, назарингга илма, эй ғаним.
Элнинг назаридан қолганимиз йўқ,
Юрибмиз-ку мана, ўлганимиз йўқ.

Тақдирига кўниб кетди, дедилар,
Кўринмайди тиниб кетди, дедилар.
Даври ўтди, синиб кетди, дедилар,
Чидолмади, чириб кетди, дедилар.
Ё Оллоҳ деб биз, кам бўлганимиз йўқ,
Юрибмиз-ку мана, ўлганимиз йўқ.

ҚИЁМАТДА ШОҲУ ГАДО ТЕНГ ЭКАН

Дунёни асрайлик, дўстлар, денг экан,
Бу дунё торга тор, кенга кенг экан.
Бор-йўғи тўрт кунлик ўгкинчи жонмиз,
Қиёматда шоҳу гадо тенг экан.

Ким мақтанар баланд мансаби билан,
Кимдир эса наслу насаби билан.
Ўйнашманг Олоҳнинг газаби билан,
Қиёматда шоҳу гадо тенг экан.

Яхшиликка боғла, дўстим, камаринг,
Олиб кетолмайсан илму амалинг.
Бу дунёдан қолсин қилган савобинг,
Қиёматда шоҳу гадо тенг экан.

Бойлигинг ҳеч ҳисоб қилинмас унда,
Биров учун жавоб берилмас унда.
Отанг ким эди, деб сўралмас унда,
Қиёматда шоҳу гадо тенг экан.

Онангнинг қорнидан то қабргача,
Йўллар босиб ўтдинг, дейдилар қанча.
Бекорга яшабсан, эй банда, нега,
Демасинлар нокас бўлмасанг бунча...

Биров қолиб кетмас биров касрига,
Нодон жавоб қилгай кибру нафсига.
Яратган олдида берган лафзига,
Қиёматда шоҳу гадо тенг экан.

Эй Аҳад, ҳар бир кун ўтар омонат,
Одамзод одамга экан омонат.
Дўстлар, омонатга қилманг хиёнат,
Қиёматда шоҳу гадо тенг экан.

БУГУН ДУНЁ БОШҚАЧА

Бугун дунё бошқача,
Ҳар доим шундай бўлган.
Ёмон узоқроқ яшаб,
Яхшилар аввал ўлган.

Гарчи бугун дунёда,
Ўзгаряпти фасллар.
Одамзодга яшашни,
Ўргатар баднасллар.

Дунёда ранг қолмади,
Йиглолмайди камалак.
Бошқа найранг қолмади...

Богда бир гул тополмай,
Учолмайди капалак.
Дунё ўзидан безор,
Айланишдан тўхтамас.

Ҳечам бир жойда туриб,
Ўзи ҳақда ўйламас.
Дунё фидо бўлмоқни,
Ўргатди одамларга.

Одам-чи, ўз устозин,
Келтириб қўйди жарга...

НЕГА ҲЙЛАМАЙ

Қўзим ёгин ялаб тўймаганлар бор,
Яримта жонимни ўйнаганлар бор,
Севаман, деб алдаб севамаганлар бор,
Далда берма, дўстим. қўй, ийглаб олай,
Бахтим қўйиб кетса, нега ўйламай.

Бошим силаб, бахтим тортиб олдилар,
Омадни олтинга сотиб олдилар,
Нечун улар бунчаликка бордилар,
Фойда йўқдир ўзни қанча алдамай,
Душманам базмида қарсак чалдимай.

Ўзни алдаб, ўзни йўқотиб қўйдим,
Ярим йўлда қўзни йўқотиб қўйдим,
Қайтай десам, изни йўқотиб қўйдим,
Йўқотдим боримни, мен қандоқ чидай,
Йўқлик дунёсидан мен қандоқ кетай.

Ёлгон мақтовларга учдим нега ман,
Ахир бир ёнмайин учдим нега ман,
Отам пандларидан қочдим нега ман,
Бахтим қўйиб кетса, нега ўйламай,
Далда берма, дўстим. қўй, ийглаб олай.

Қўзим ёгин ялаб тўймаганлар бор,
Яримта жонимни ўйнаганлар бор...



ЎЗ ЁҒИМГА ЎЗИМ ҚОВРИЛАЯПМАН

Ўз ёғимга ўзим қоврилаяпман,
Ўз қулимга ўзим соврилаяпман...
Омад остонангда қул бўлдим, оға,
Мен сўраган толе айт, сенда йўға.

Куз тилла хазонлар сочгин пойимга,
Ҳижрон кўшигин айт, тушай ўйинга.
Қаранг, кўзларимда юлдуз сўняпти
Шу кунларда менга нима бўляпти.

Рақибидушманман, ўзим ўзимга,
Тупроқлар сочмагин, эй дўст, изимга.
Ўз ёғимга ўзим қоврилаяпман,
Ўз қулимга ўзим соврилаяпман...

Яна хато қилдим, яна адашдим,
Пушаймонга тўлиб кетган дилдангим.
Ё Оллоҳ, кечиргин, кечиргин маъни,
Шайтонлар базмида рад этдим саъни.

Икки қўлим қондир, юрак гулханда.
Йўқдир, мандайин бир бечора бағда
Наҳотки,
Наҳотки, манинг айбим шу,
Ўзинг этлинг телба қисматга маҳкум.

ҲЕЧ КИМГА КУНИМ ҚОЛМАСИН

Чидаганман йўқчиликка ҳам ҳатто,
Майли, чўнтагимда нулим қолмасин,
Кераксиз мол-дунё истамам, аммо —
Оллоҳим, ҳеч кимга куним қолмасин.

Иши битгач, эшик ёпанлар қанча,
Сал эгилсам, тегиб ўтганлар қанча,
Ортимдан тошларин отганлар қанча,
Оллоҳим, ҳеч кимга куним қолмасин.

Йўлиқтирма карвонимни ёмонга,
Қоддирма умримни чангу тўзонга,
Ишим тушиб зориқмайин нодонга,
Оллоҳим, ҳеч кимга куним қолмасин.

Гоҳи илтимосдан юзим сарғайди,
"Ялиниш"лар "пора"га ҳам айланди,
Ичимда ўз кўнглим мани қарғайди,
Оллоҳим, ҳеч кимга куним қолмасин.

Ўз насиҳатимга амал қилмадим,
Қанча яхшиликлар ўтди, билмадим,
Бугун тавба қилиб, шуни сўрадим,
Оллоҳим, ҳеч кимга куним қолмасин.

Ҳалол меҳнатимни ибодат билдим,
Сенинг ибодатинга сал кечикдим,
Элнинг бир кунига ярарман девдим,
Оллоҳим, ҳеч кимга куним қолмасин.

Гарчи, қадрим билган қариндошим кўп,
Дўстларим йўлимда турарлар тўп-тўп,
Ўзингдек яқиним, меҳрибоним йўқ,
Оллоҳим, ҳеч кимга куним қолмасин.

Кимлардир нон бериб жонинг кўзлайди,
Ҳар бир қадамингдан кўзин узмайди,
Тирноқдан кир титиб хато излайди,
Оллоҳим, ҳеч кимга куним қолмасин.

Яхшилик қилганда жавоб кутмадим,
Садақа улашиб савоб кутмадим,
Фақат сени юрагимдан қўймадим,
Оллоҳим, ҳеч кимга куним қолмасин.

Кечир, гоҳо ҳаяжонли пайтларим,
Билиб-бимай ёздим хато байтларим,
Нима қилсам, барин сенга атадим,
Оллоҳим, ҳеч кимга куним қолмасин.

Оёқ – бор, ҳар томон елиб чопаман,
Соғ бўлсам, барчасин ўзим топаман,
Бобомнинг кўзларин бориб ёпаман,
Оллоҳим, ҳеч кимга куним қолмасин.

Бугун Аҳад тўлиб турганда сўзга,
Сендан бир марҳамат тилайди қарзга,
Биласан, паноҳим йўқ сендан ўзга;
Оллоҳим, ҳеч кимга куним қолмасин.
Илоҳим; ёмонга куним қолмасин!

ТИНЧ ҚҮЙИНГ

Шунчалик яхши бўлсангиз,
Ёмонларни тинч қўйинг,
Чинданам доно бўлсангиз,
Нодонларни тинч қўйинг.

Ердан юқори бўлсангиз,
Шунчалик баланд юрсангиз,
Тупроқдай хоксор бўлган,
Инсонларни тинч қўйинг.

Ишонмасангиз севгига,
Қўл чўза кўрманг орзуга,
Муҳаббатни рад этсангиз,
Армонларни тинч қўйинг.

Тўғри яшай олмасангиз,
Одамга ўхшолмасангиз,
Тулкидай тусланмайин,
Ҳайвонларни тинч қўйинг.

Виждонингиз бўлмаса ҳам,
Имонингиз бўлмаса ҳам,
Жонни дўзахда куйдирманг,
Шайтонларни тинч қўйинг.

Тушунмасангиз санъатга,
Адабиёт, шеъриятга,
Маърифат боғини тузган,
Боғбонларни тинч қўйинг.



БАРЧА АЙБ ЎЗИНГДА, ЭЙ ОЖИЗ БАНДА!

Гийбатни сўзлаган томоқда не айб,
Чоҳларни кўрмаган оёқда не айб,
Ёлғонни тинглаган кулоқда не айб,
Гуноҳ йўқ зарра ҳам шу иссиқ танда,
Барча айб ўзингда, эй ожиз банда!

Онанинг сўзларин гумонга йўйдинг,
Отанг насиҳатин ёлғонга йўйдинг,
Дўстингни душманга чиқариб қўйдинг,
Эртага йигларсан, эй сен лабханда,
Барча айб ўзингда, эй ожиз банда!

Қилган эҳсонингни ҳисоб қиласан,
Бойлик деб жонингга азоб қиласан,
Ибодат қилганинг ниқоб қиласан,
Нопок қадамларинг қилмайсан қанда,
Барча айб ўзингда, эй ожиз банда!

Вақт келар бу умр соатинг тугаб,
Ёлғон тақволару тоатинг тугаб,
Савлатинг тўкилиб, қоматинг тугаб,
Ажални кутасан йиглаб ҳар тунда,
Барча айб ўзингда, эй ожиз банда!

Бирда нодонсану, бирда расосан,
Бирда қоматинг тик, бирда асосан,
Эй Аҳад, қарзларинг қачон узасан,
Охираг деган уй йўқми ё санда,
Барча айб ўзингда, эй ожиз банда!

УМРИМИЗНИ ЭҲСОН ҚИЛАМИЗ...

Бор нарсанинг шукрини қилмай,
Йўқ нарсага армон қиламиз.
Ўтган куннинг қадрини билмай,
Бу юракни тамом қиламиз.

Аза бўлар фирром тўй тарқаб,
Яшамасак яхшиши алқаб.
Ўз айбимиз кимгадир тақаб,
Бировларни ёмон қиламиз.

Хато нигоҳ тушса биз томон,
Ўғри кўзнинг ханжари ёмон.
Бу душман деб кўрсатса шайтон,
Дўстимиздан гумон қиламиз.

Биламиз, ҳақиқат синмайди,
Кимлардир эгилиб тинмайди.
Муҳаббатсиз яшаб бўлмайди,
Нечун дилни вайрон қиламиз.

Эй дўст, эй дўст шарҳи насиҳат,
Айламоқлик Аҳадга одат.
Бир гапимни унутма фақат,
Умримизни эҳсон қиламиз,

Умримизни эҳсон қиламиз...

ҲАЛИ БИЗ ҲАММАГА КЕРАҚ БЎЛАМИЗ

Ҳали биз ҳаммага керак бўламиз,
Юраксизлар ичра юрак бўламиз.
Йўлсизларга оёқ, ожизга елка,
Шу Ватан ишонган билак бўламиз.

Қачондир ўз буйин ўлчаса дунё,
Ўзин ёлғонидан чарчаса дунё.
Риёкор либосин ташласа дунё,
Кўнгилдан бичилган кўйлак бўламиз.

Юзларини шилиб юпқа қилганлар,
Сўзимизга кулиб шубҳа қилганлар.
Ҳар куни шамолдан шўрва қилганлар,
Эртага уларга эртак бўламиз..

Кўзимизга ёшни мўлжаллаганлар,
Ёзимизда қишни мўлжаллаганлар.
Бошимизга тошни мўлжаллаганлар,
Уларнинг бошига калтак бўламиз.

Ёмғир қор остидан энтикканларга,
Майсанинг рангига кўз тикканларга.
Хазоннинг таъмидан зерикканларга,
Умидига тиргак, куртақ бўламиз...

Кўнгилда бичилган кўйлак бўламиз...

ЯХШИЛАР, АСРАЙЛИК ИМОННИ...

Умри қисқа дерлар ёлғоннинг,
Ёлғони кўп дерлар нодоннинг,
Ёмон деб ранжитманг ёмоннинг,
Яхшилик юзидир инсоннинг,
Яхшилар, асрайлик имонни...

Тил заҳри ўткирроқ пичоқдан,
Туз тотиб бир тандир ўчоқдан,
Тарқадик бир илдиш бошоқдан,
Қонимиздан ҳайдаб шайтонни,
Арзонга сотмайлик виждонни.

Ўтмайин гуноҳнинг баҳридан,
Кўрқамиз аёлнинг макридан,
Қочайлик кўнгилнинг заҳридан,
Ичимиздан чиққан душманни,
Юракдан қувайлик армонни.

Ошиқ Аҳад шуни сезадир,
Кимдир пинҳон гўринг қазадир,
Бугунги тўй эрта азадир,
Тўй қунида бермай имконни,
Дўстларим бичайлик кафанни...

2009

ГОҲИДА ДУШМАНИМ ДЎСТИМДАН МАРДДИР...

Ғамлар меникидир, дамлар меники,
Кўзёшлар меники, намлар меники.
Мен нима ҳам дердим, бахтга тўлиб юр,
Шу ярим дилимда камлар меники.

Кимларнингдир дарди, мен учун бахтдир,
Кимларнингдир бахти, мен учун дарддир.
Дўстим гоҳ йўлимга чоҳ қазар номард,
Гоҳида душманним, дўстимдан марддир...

АЙБИМ НИМАДА МЕНИНГ?

Юрагим зада менинг,
Ичим аламда менинг,
Йигларман ўксиб-ўксиб,
Айбим нимада менинг?

Армонга асос кўпдир,
Қалбимда қасос кўпдир,
Дардимга малҳам йўқдир,
Айбим нимада менинг?

Кўзим қарға чўқийди,
Ўргимчак тўр тўқийди,
Кимдир фолим ўқийди,
Айбим нимада менинг?

Кимга тегди зарарим,
Ҳар қадамда хатарим,
Кўпидан йўқ хабарим,
Айбим нимада менинг?

Тугилгандим тескари,
Тақдирим шу сингари,
Бўғар азоб снглари,
Айбим нимада менинг?

Гард йўқ кўнгил хатимда,
Аён бу ҳар байтимда,
Чаён ухлар кафтимда,
Айбим нимада менинг?

Қабрим — бир қиз қалбида,
Аҳад! Тинчлан, бўлди-да,
Севгим бебахт сўлди-да,
Айбим нимада менинг?

2009

ГУНОҲЛАРИМ ДАРЁ, ДАРЁ...

На бойлигу, на-да давлат,
На гўзаллик, на-да омад,
На-да кўнил, на муҳаббат,
Юрагимга сизмас дунё,
Гуноҳларим дарё, дарё...

Ҳаётдаги изим қани,
Юзим қани, сўзим қани,
Тупроқдаги тўзим қани,
Бегонаман сенга ҳатто,
Ҳар қадамда мингта хато.

Бевафодан бахтим излаб,
Ўзим сенлаб, уни сизлаб,
Муҳаббатдан бекор сўзлаб,
Юзим бўлди қаро, қаро,
Юраккинам яро, яро.

Кимга керак мани жоним,
Бармоғимдан оққан қоним,
Аҳадман, покдир виждоним,
Ўзинг асра Олло, Олло,
Ҳар нафасим минг бир тилло...

ЎЗИНГ МЕНГА РАҲМ ҚИЛ, ХУДО

Узоғимни яқин қил, Худо,
Савобларим сафин қил, Худо,
Тушунмаса кўнглимни ҳеч ким,
Ўзинг менга раҳм қил, Худо.

Шайтон тушиб агар ўртага,
Дўстларим ҳам кечса эртага,
Ғанимларим кулса жўртага,
Ўзинг менга раҳм қил, Худо.

Умримни савобдан тузай ман,
Яхшилардан қарзим узай ман,
Гуноҳларим ювмоққа шайман,
Ўзинг менга раҳм қил, Худо.

Адашсам гар яна мабодо,
Билмай қадам қўйсам гар хато,
Кечирмаса мени ҳеч кимса,
Ўзинг менга раҳм қил, Худо.

Пешонамни ёзган ўзингсан,
Ҳаётимни тузган ўзингсан,
Дилга ният тизган ўзингсан,
Ўзинг менга раҳм қил, Худо.

МЕНИНГ ЎЗ ЙЎЛИМ БОР...

Мен ирмоқ эмасман, дарё излатманг,
Мен шайтон эмасман, хато излатманг.
Мени аросатга ташламанг дўстлар,
Мен кофир эмасман, Худо излатманг.

Менга минг илмдан ўқитаверманг,
Миям қайрайвериб, чўқитаверманг.
Менинг ўз йўлим бор, қайтарманг ортга,
Зинҳор менга ортга қайт дея кўрманг...

ТУҒРИ ЙЎЛГА ТУШМОҚ ҚИЙИН

Тўғри йўлга тушмоқ қийин,
 Минг насиҳат олган билан.
 Ким иззат тополган, айтинг,
 Кўпни алдаб, ёлғон билан.
 Кимнинг умри текис ўтар,
 Тўқчиликда тўкис ўтар.
 Кимнинг жиловин дард тутар,
 Кимлар яшар армон билан.
 Ҳар ниётга сабр элтар,
 Олд сафларга қадр элтар.
 Уёгига қабр элтар,
 Ҳамроҳ бўлинг имон билан.
 Ҳақиқатга қаранг тикка,
 Сафарларда қолманг якка.
 Бел боғланг сиз яхшиликка,
 Дўст гутинманг ёмон билан.
 Йўқлаб турсак яқинларни,
 Ғанимат деб бу дамларни.
 Дилдан аритсак ғамларни,
 Инсон тирик инсон билан.
 Бир нас тушинг осмонлардан,
 Хаёл узинг бўстонлардан.
 Кечинг нархи арзонлардан,
 Яшанг тоза виждон билан.
 Топсангиз толе юлдузин,
 Изланг асл бахт илдин.
 Танисангиз инсон юзин,
 Ажратасиз шайтон билан.
 Аллоҳ ўзи қилсин баланд,
 Ёруғ бахтни қилиб каманд.
 Минг чиранманг юксақларга,
 Чиқолмайсиз нарвон билан.
 Дунёга ҳире қўйсангиз, бас,
 Таъқиб айлар балойи нафс.
 Қорин учун олиб нафас,
 Тиллашасиз ҳайвон билан...
 Хулласи калом, эй дўстлар,
 Аҳад бир манзилни кўзлар.
 Айтганларин билиб сўзлар,
 Ғаниролмас гумон билан.



ЁМОНГА ЯҚИН ЮРМА...

Ёмонга яқин юрма, ёмонлиги юқмасин,
Тулкисифат бадфеъли, ҳайвонлиги юқмасин.

Дилга кирар сирғалиб, сен ҳаммадан афзал деб,
Заҳар тутар асал деб, илонлиги юқмасин.

Фитналарин ишлатиб, турар кўзин ёшлатиб,
Тигин санчар нишлатиб, чаёнлиги юқмасин.

Ёв, гийбаттомоқлиги, гирт нокас аҳмоқлиги,
Юқмасин қўрқоқлиги, қуёнлиги юқмасин...

Эл бўлиб ҳар кўпшакка, ишонтирар чўпшакка,
Тешик топар чўнтакка, сичқонлиги юқмасин.

Олиб иблис тамғасин, бошлар ўғри нағмасин,
Булғаб дилинг чашмасин, шайтонлиги юқмасин.

Аҳад очди пандга сўз, сенга кўз тегмасин, дўст,
Сенга дарднинг устма-уст, вайронлиги юқмасин.

Ёмонга яқин юрма, ёмонлиги юқмасин,
Тулкисифат бадфеъли, ҳайвонлиги юқмасин.



ДУНЁНИНГ ИШЛАРИ

Ота қурган иморатин,
Ўғил бузганин кўринг.
Она боғлаган ипин,
Қизлар узганин кўринг.
Ким дўстман деб қўл бериб,
Сўнг душманга қўшилиб.
Ўз уйишда йиғилиб,
Мажлис тузганин кўринг.

Кўринг телба йўлларни,
Ғафлатгоҳ кўнгишларни.
Гулдай қиз сингишларни,
Кўча кезганин кўринг.
Қизда йўқ ор пардаси,
Эрда йўқ эрлик дарси.
Бу қисмат нафасин,
Аҳад сезганин кўринг.

Пул учун, тилло учун,
Ўткинчи ғавго учун.
Ака-ука бир-бирин,
Гўрин қазганин кўринг.
Бир устоздан олиб дарс,
- Ҳунаридан бўлиб маст.
Сўнг унга қилиб ғараз,
Йўлин тўсганин кўринг.

Ота қурган иморатин,
Ўғил бузганин кўринг.
Она боғлаган ишин,
Қизлар узганин кўринг.

ЁЛГИЗ АЁЛ...

(Зулайхо Бойхоновага)

Билмайин дил бериб, қалбин йўқотса,
Дўстлар арзон сотиб, қадрин йўқотса.
Ёнида ишонган мардин йўқотса,
Дардин ким эшитар ёрсиз аёлнинг,
Қалбин ким тушунар ёлғиз аёлнинг?

Багрини қон айлаб, алволасалар,
Ҳар қадамин пойлаб, гумонласалар.
Гийбатлаб, тухматлаб, ёмонласалар,
Нафратдан кўзёши денгиз аёлни,
Қалбин ким тушунар ёлғиз аёлнинг?

Яқинлари ёпиб диёнат йўлин,
Нафсим деб тутганда хиёнат қўлин.
Ўзига тор этиб, ҳатто ўз уйин,
Ҳаёт баттар эзиб ожиз аёлнинг,
Қалбин ким тушунар ёлғиз аёлнинг?

Ҳеч йўқ гуноҳига жазо этсалар,
Жигарпорасидан жудо этсалар.
Эрмаклаб нархини савдо этсалар,
Гул умрин хазонлаб азиз аёлнинг,
Қалбин ким тушунар ёлғиз аёлнинг?

Шайтоннинг юзида фаришта ниқоб,
Бахтин йўлин тўсиб этганда сароб.
Шум тақдир айласа азоб изгироб,
Эй, Аҳад, покиза, нафис аёлнинг,
Қалбин ким тушунар ёлғиз аёлнинг?!

ДУСТИМ, УМРИНГ ЎТМАСИН ЁЛҒОН

Давлат билан ўлчанмайди бахт,
Савлат билан ўлчанмайди бахт,
Омад билан ўлчанмайди бахт,
Бахтим йўқ деб қилмагин армон,
Дўстим, умринг ўтмасин ёлғон.

Дилдан йиғлаб кула олсанг гар,
Кўзи очиқ юра олсанг гар,
Ўз кунингни кўра олсанг гар,
Бу дунёга қайтиб келмассан,
Яшашни бил, бахтсиз эмассан.

Кеча осмон қорайиб кетди,
Дунё менга торайиб кетди,
Сабр қилдим барчаси ўтди,
Йўқотмадим дилдан шаҳдимни,
Шукр, яна топдим бахтимни.

Бахт дегани осмонда бўлмас,
Кўкда туриб кўзга кўринмас,
Излайверсанг бир каминг тўлмас,
Аҳад шоир дилидаги дард,
Унинг учун ахир катта бахт!

Давлат билан ўлчанмайди бахт,
Савлат билан ўлчанмайди бахт,
Омад билан ўлчанмайди бахт,
Бахтим йўқ деб қилмагин армон,
Дўстим, умринг ўтмасин ёлғон.

2008

ҚАЧОНГАЧА БУНДАЙ ЯШАЙМИЗ?

Ҳаёт эртак, умр афсона,
Бунда яшар шоҳу девона,
Туғишганлар ёвдек бегона,
Юлдузи йўқ тундай яшаймиз,
Қачонгача бундай яшаймиз?

Ҳисобли дўст айрилмайди деб,
Кун кўрамиз виждонни сотиб,
Мурдалардек гафлатга ботиб,
Юлдузи йўқ тундай яшаймиз,
Қачонгача бундай яшаймиз?

Ачинмаймиз ўз жонимизга,
Қарши бориб имонимизга,
Осмон йиғлар ёлгонимизга,
Юлдузи йўқ тундай яшаймиз,
Қачонгача бундай яшаймиз?

Ишончни ҳам гаровга қўйиб,
Мупофиқлик либосин кийиб,
Савоб ишдан қўлиарни тийиб,
Юлдузи йўқ тундай яшаймиз,
Қачонгача бундай яшаймиз?

Аҳад, йиғла, кўксингни тиела,
Ибодатга қалбингни боғла,
Гуноҳларинг тўкилар шуғла,
Юлдузи йўқ тундай яшаймиз,
Қачонгача бундай яшаймиз?

ЭЙ НАФС!

Дўстини дўстидан айирган сенсан,
Отани болага қайирган сенсан.
Оёғимни лойга тойирган сенсан,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

Ҳар лаҳза ортимдан таъқиб айлама,
Ақлимни ўзимга рақиб айлама.
Кўзимни шарпадек тўсиб бойлама,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

Йўлларига ташлаб не-не тўрларни,
Тириклай ўлдирдинг қанча зўрларни.
Тулкига тенг қилдинг арслон, шерларни,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

Бунчаларам ахир бўлмасанг айёр,
Олдингда ожиздур орқаю аёл.
Сенга қайта-қайта берурман савол,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

Лаъинга қариндош авлодмисан ё,
Башарнинг бошида жаллодмисан ё.
Билмадим боқийи бедодмисан ё,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

Сендан йироқ бўлсин ҳар кимнинг кўзи,
Беҳуда кесилмай насиба рўзи.
Аҳадни асрагай Аллоҳнинг ўзи,
Айт, нечун бунчалар тубансан, эй нафс?
Шайтонга дўст, менга душмансан, эй нафс.

ЮРАКНИ ҚАРИТМАНГ, АЗИЗЛАР!

Нафсу кибр комига ботмай,
Ғафлатларнинг домига ботмай.
Ёлгон дунё жомига ботмай,
Меҳрни аритманг, азизлар,
Юракни қаритманг, азизлар!

Ёш танламас асли муҳаббат,
Ширин дийдор васли муҳаббат.
Баҳорий ишқ фасли муҳаббат,
Меҳрни аритманг, азизлар,
Юракни қаритманг, азизлар!

Азизлар, ганимат бу ҳаёт,
Эртага бизлардан не нажот.
Ранжимасин келажак авлод,
Меҳрни аритманг, азизлар,
Юракни қаритманг, азизлар!

Булоқдек қайнаса илҳомим,
Сиз учун атаган илоҳим.
Кўкка етсин десангиз оҳим,
Меҳрни аритманг, азизлар,
Юракни қаритманг, азизлар!

Бош суқиб ўткинчи гавгога,
Ўхшаймиз пишмаган савдога.
Дунёни тўлдиринг навога,
Меҳрни аритманг, азизлар,
Юракни қаритманг, азизлар!

Кимки ҳақдан мадал истагай,
Эртасидан раҳмат истагай.
Шуни сизга Аҳад истагай,
Меҳрни аритманг, азизлар,
Юракни қаритманг, азизлар!

ҲЕЧ КИМ ТОПГАНИНИ ОЛИБ КЕТМАЙДИ

Фоний дунё ичра дунё излама,
Ўткинчи рӯёдан маъно излама,
Абадий қолмоқни бунда кўзлама,
Яхшилик қил, ерда қолиб кетмайди.
Ҳеч ким топганини олиб кетмайди.

Манманлик ортидан топмайсан иззат,
Боймисан ё фақир ҳимматинг кўрсат,
Билсанг, ҳаммамизга ганимат фурсат,
Ажал қамчи тортса, асло кутмайди,
Яхшилик қил, ерда қолиб кетмайди.

Умр ҳам, аслида, оқар дарёдир,
Ой-кунлар нафасдек ўтиб борадир,
Йилларинг жойидан кўчиб борадир,
Ҳеч ким топганини олиб кетмайди,
Яхшилик қил, ерда қолиб кетмайди.

Сафарда сезсанг гар йўлнинг хавфини,
Кенгайтир тобора дўстлар сафини,
Яхши амалингни билсанг нафини,
Яхшилик қил, ерда қолиб кетмайди,
Ҳеч ким топганини олиб кетмайди.

Фақат яхшиликка сарфла қаҳрингни,
Ёмонликка қарши ишлат заҳрингни,
Кўнгли кам учраса, бергил меҳрингни,
Яхшилик қил, ерда қолиб кетмайди,
Ҳеч ким топганини олиб кетмайди.

Яхшидан ёрдамнинг аяма, Аҳад.
Бу йўлда Оллоҳдан сўрагин мадад,
Савоб иш инсонга келтирар раҳмат,
Яхшилик қил, ерда қолиб кетмайди,
Ҳеч ким топганини олиб кетмайди.

НЕ ФОЙДА

Одамларни ёв қилса,
У тиллодан не фойда,
Ўзи амалсиз бўлса,
У муллодан не фойда.

Ўзига зиён қилса,
Тилига исён қилса,
Оёқни сарсон қилса,
У калладан не фойда.

Жонига келмас раҳми,
Ўзига юк тўқими,
Киридан кўп чиқими,
У савдодан не фойда.

Билиб туриб дардингни,
Кейин берса додингни,
Тортиб олса жонингни,
У шифодан не фойда.

Юракларга етмаса,
Кўнгилларни тутмаса,
Кимдир раҳмат демаса,
У наводан не фойда.

Тил бошқа-ю, дил бошқа,
Ишонган кўзу қошга,
Ўхшайди жонсиз тошга,
У вафодан не фойда.

УЧРАТАР

Бу ҳаёт кимни яхшига,
Кимни ёмонга учратар,
Кимнидир ширин висолга,
Кимни ҳижронга учратар.

Кимларгадир бахт беради
Яшаш учун шаҳд беради,
Бошқага кулфат беради,
Эзиб армонга учратар.

Беайб парвардигор билинг,
Дўстлар гуноҳидан ўтинг,
Доноларни ёдда тутинг,
Доим нодонга учратар.

Дуч келсангиз синовларга,
Айб тўнкаманг бировларга,
Ожизларни хатоларга,
Ташлаб шайтонга учратар.

Кимни феъли арслон бўлар,
Кимдир эса куён бўлар,
Хуллас, онгсиз ҳайвон бўлар,
Буни ўрмонга учратар.

Аҳад шоир ташбеҳи бу,
Ўйламанг ким танбеҳи бу,
Гар кимнинг нияти ёруг,
Уни инсонга учратар.

БОШИНГ ОЛИБ ҚАЙГА КЕТАСАН?

Туғишганинг дардинг билмаса,
Қариндошинг қадринг билмаса,
Севган ёринг қалбинг билмаса,
Нетасан айт, дўстим, нетасан,
Бошинг олиб қайга кетасан?

Етказолмай элга нолаинги,
Рози қилмай ота-онаинги,
Эпюломасанг рўзгор, болаинги,
Нетасан айт, дўстим, нетасан,
Бошинг олиб қайга кетасан?

Ўзингдан-да маънос кечада,
Бўлсанг элу юртга шарманда,
Ор қилсалар сендан кўчада,
Нетасан айт, дўстим, нетасан,
Бошинг олиб қайга кетасан?

Бундан ўзинг асра, эй Оллоҳ,
Ўзинг бизга бўлгайсан папоҳ,
Бир йўлда-ку савобу гуноҳ,
Нетасан айт, дўстим, нетасан,
Бошинг олиб қайга кетасан?

УМРИНГ УВОЛ, ҚАДРИНГ АРЗОНДИР

Йўқ нарсага умид ёмондир,
Ўз қўйнингдан чиққан илондир,
Сотқин аёл, мунофиқ дўстга,
Умринг увол, қадринг арзондир.

Кўзинг ёгин ялаб тўймаслар,
Ортингдан ўт қалаб тўймаслар,
Бир кун келиб чақмай қўймаслар,
Бахтинг завол, ютганинг қондир.

Ким йиқилса хурсанд бўлади,
Ўз отасини душман биледи,
Учрагани қаргаб юради,
Дарди ёлғон, мақри шайтондир.

Ўзин ўйлаб сотган дўстини,
Аниқ бир кун сотар ўзини,
Ўйсангиз ҳам икки кўзини,
Тавба қилмас бечора жондир.

Асра Оллоҳ Аҳадни ўзинг,
Насиб айла жашнатни ўзинг,
Яратиб бу хилқатни ўзинг,
Кечир, делинг, бу ҳам инсондир.



БИЗНИНГ ТЕАТР

(Баҳодир Йўлдошга)

Дўстлар, Шекспирнинг битта гапи бор,
Бу ҳаёт сахнадир — инсон актёр,
Лекин мени бир сир қийнайди ҳамон,
Режиссёр қаерда, қани режиссёр?

Кимдир бош ролда-ю, кимдир дублёр,
Кимдир пардоз қилса, кимдир суфлёр,
Муаллифсиз умр ўтмасин бекор,
Режиссёр қаерда, қани режиссёр?

Ўгил ота кўзин уймоққа тайёр,
Тириклайин гўрга қўймоққа тайёр,
Гадонинг ролини ўйнар амалдор,
Режиссёр қаерда, қани режиссёр?

Кампирлар қизлардек кийиниб олган,
Қизлар кампирлардек бўяниб олган,
Гримёр қилични кўтариб олган,
Қани режиссёр, қани режиссёр?

Тулкннинг ролини ўйнайди қози,
Тулки эса қози бўлмоққа рози,
Амалдорман дейди кечаги този,
Режиссёр қаерда, қани режиссёр?

Хотиннинг ролини эрлар ўйнаса,
Қўённинг ўрнига шерлар ўйнаса,
Мерганин сахнада кўрлар ўйнаса,
Режиссёр қаерда, қани режиссёр?

Эй Аҳад, сени ҳам моҳир қилдилар,
Ўзи сен ким эдинг, шоир қилдилар,
Режиссёр қаерда, қани режиссёр,
Режиссёрсиз иншти "қойил" қилдилар...

2009

ТАРБИЯ

Зокир, бобо нолир ўглидан:
– Бахтим дардга улатармиди?
Шофирқонда одам бўлмаган,
Тошкентларни гулатармиди?..

Бекорчилар камми шаҳарда,
"Ахборот"ни кўраман ҳар кун.
Уйни ташлаб кетиб қолмасин,
Ўзинг унга тушунтир, ўглим.

Бир чақага олмайди, қара,
Онасининг бирор гапини.
Эҳ... Аҳаджон, билмадим нега,
Билмайди бу одам қадрини.

Ё, эрқароқ ўстирдикми биз,
Силаб-сийпаб кўтардик бошга.
Бирор сўзин ерда қолдирмай,
Уйлантирдик ўн саккиз ёшда...

Икки қўлни муштлаб олганча,
Чол тушмагур тинмай жавради.
Унинг айтган ҳар битта сўзи,
Тонггача миямни кавлади.

Сўнг эртаси саҳар уйғониб,
Топдим бориб тажанг ўгилни.
Битта гапни қайтаравериб,
Тозаям айнитди кўнгилни.

Тушунтира кетдим сўнг унга:
Зокир, ўзинг яхши боласан.
Шу ерда тинчгина юр, ука,
Шаҳарларда нима қиласан?

Мана, менман битта "Тошкан"лик,
Омадимдан сўзлайди ҳамма.
Фойдаси йўқ, буни тийинлик,
Зокир...

Ука, калта уйлама.

Етим қилма икки болангни,
Қўлда тайёр хунаринг бор-ку.
Қишлоқда қилиб юр кирангни,
Мошинангни ўзи рўзгор-ку.

Ундан кўра ичишни ташла,
Хотинингни даволат, ука.
Ўгилчанг ҳам катта бўп қолди,
Суннат қилдир, шошилгин тўйга...

У эса тушунмас гапимни,
Чайналади пластинкадай.
Четга чиқса, худдики биров,
Кучоқ очиб кутиб тургандай.

Ўша куни шаҳарга қайтиб,
Шеърлар ёздим **"ВАТАН"** ҳақида.
Ва бечора Зокирни ўйлаб,
Йиглагим келади гоҳида...

Бировларга насиҳат бериб,
Юпатишдан осони йўқдир.
Кимгадир гул, кимгадир тикан,
Насиб этса на илож тақдир.

Юртимизда қанчалаб учрар,
Зокирлару, Шокир боболар.
Балки минг, балки миллионлаб,
Йўлимиздан учрайди булар.

Хуллас, биров туккан тугуни,
Сизга ечиб беролмас биров.
Тарбияни ёшлиқдан бермоқ,
Келажакка бўлолмай гаров.

БУХОРО ДЕБ...

(Садриддин Салим Бухорийга)

Жилға эдинг, сой бўлдинг,
Бориб,
Дарё бўлиб оқсанг арзийди,
Нақшбандий ёнида туриб,
– **БУХОРО** деб ўлсанг, арзийди.

Ҳамма сендек ёнса, қанийди,
Зарафшондек тўлсанг, қанийди,
Исминг абад қолса, қанийди,
– **БУХОРО** деб ўлсанг, арзийди.

Арзийди!
Етти пир хокини ўпиб,
Бухорийнинг кўзларини ёпиб,
Ҳар биридан бир ҳикмат топиб,
– **БУХОРО** деб ўлсанг, арзийди.

Зар қадрини заргар билгандай,
Асалари ўлса тингандай,
Сенсиз шаҳар ухлаб қолгандай,
– **БУХОРО** деб ўлсанг, арзийди.

Қабристонга ўхшар Бухоро,
Юраги хун бағри ҳам яро,
Сен бўлмасанг, у мотамсаро,
– **БУХОРО** деб ўлсанг, арзийди.

Борсам,
Хўжа Насриддин кулди,
Бухорийлар ҳали бор деди,
– Бухорога Бухоро келди,*
– **БУХОРО** деб ўлсанг, арзийди.

* Садриддин Салим сатри

БУХОРО

Бағрида сақлангай тарих ровони,
Элимнинг кўҳна бир қадим макони,
Дунёга овоза шавкату шони,
Асрлардан бергай нидо, Бухоро!
Жоним сенга бўлсин фидо, Бухоро!

Имкон бер, дилдаги сўзим айтайин,
Равнақ топ ҳар маҳал завол кўрмайин,
Нек бахт заминдасан яшна кун сайин,
Шодлигу қувончга тўлсин, Бухоро!
Ҳамиша иқболинг кулсин, Бухоро!

Қайда бўлмай, қалбим сенга ошиқар,
Меҳринг юрагимга зиёдек оқар.
Сенинг мадҳинг куйлаш дилга хуш ёқар,
Менга азиз ҳар бир гардинг, Бухоро!
Бергин майли, олай дардинг, Бухоро!

Сендан олис кетгач, қадринг билдим мен,
Сенга дилбанд бўлиб, нима қилдим мен,
Гоҳ эслаб согинсам бағрим тилдим мен,
Онамдек меҳрибон юзинг, Бухоро!
Отамдек мадакдор ўзинг, Бухоро!

Ҳар қарич тупрогинг сўйлар ривоят,
Олис ўтмишингдан қилгай ҳикоят,
Ҳар гардинг муқаддас билгайман гоят,
Кўкси тўла армон, гамгин Бухоро!
Ҳасратларинг бунча, рангин Бухоро!

Бағрида сақлангай тарих ровони,
Элимнинг кўҳна бир қадим макони,
Дунёга овоза шавкату шони,
Асрлардан бергай нидо, Бухоро!
Жоним сенга бўлсин фило, Бухоро!

ЯШАСА ТОВАБД, ВАТАН ЯШАСИН!

Топдим, зарҳикматлар оққан чашмасин,
Изланг, биздек юртга меҳри ташмасин,
Ҳар ўзбек шу эл деб нафас олсин-у,
Ҳар ўзбек шу эл деб қалам ташласин...
Яшнаса ҳам фақат, Ватан яшнасин,
Яшаса тоабд, Ватан яшасин!

Ҳар кимга яхшилик йўллаган диёр,
Меҳрнинг тафтидан гуллаган диёр,
Ҳар бир илдиридан япрогигача,
Ёруғ манзиларни тилаган диёр!
Яшнаса ҳам фақат, Ватан яшнасин,
Яшаса тоабд, Ватан яшасин!

Кекса ёш ўспирин, боласигача,
Юрт кездим деҳқоннинг даласигача,
Оналарнинг мунглиг аласигача,
Олтидан азиздир ҳар қарич тупроқ,
Ватан бор ҳофизнинг яласигача...
Яшнаса ҳам фақат, Ватан яшнасин,
Яшаса тоабд, Ватан яшасин!

Бизнинг бошқалардан бир камимиз йўқ,
Ўзимиз, кўзимиз, бу кўнглимиз тўқ,
Бизнинг эл олдида кўн хизматимиз,
Бизнинг эл олдида ниятимиз кўп,
Яшнаса ҳам фақат, Ватан яшнасин,
Яшаса тоабд, Ватан яшасин!

Ўзини таниган ўзбекка ўхшаб,
Келяпмиз аждоллар изидан яшаб,
Отам рози бўлса, Оллоҳ рози деб,
Жаннатни оналар пойига тўшаб...
Яшнаса ҳам фақат, Ватан яшнасин,
Яшаса тоабд, Ватан яшасин!

Бориб айтнинг ўша элфурушларга,
Ватанфурушларга, тилфурушларга,
Бобосин изини кўмган нокаста,
Ватанни бермаймиз йўлфурушларга.
Яшнаса ҳам фақат, Ватан яшнасин,
Яшаса тоабд, Ватан яшасин!

ВАТАН НИМА

Ватан нима, ватан — бу,
Жондай азиз бир туйғу,
Қайда бўлсанг ҳам кўнглинг —
Ватанда яшар манғу!

Ватан нима, ватан — бу,
Сен япроқсан, илдиэ у,
Сен осмонсан юлдуэ у,
Дарё бўлсанг, илдиэ у...

Ватан нима, ватан — бу,
Саждагоҳдай маскан бу,
Ҳар туйғудан баланд бу,
Жонингга жон дилбанд бу.

Бир бор ўйлаганмисан,
Қалбинг қийнаганмисан,
Дилдан сўраганмисан,
Ватан нима, **ВАТАН** — бу!

Онам кўзидаги дард,
Отам сўзидаги шарт,
Ватан нима, ватан — бу,
Болам дилидаги шахд!!!

Ватан нима, ватан — бу,
Жондай азиз бир туйғу,
Қайда бўлсанг ҳам кўнглинг —
Ватанда яшар манғу!

ДЕРЛАРКИ ОСТОНАДАН БОШЛАНАР ВАТАН

Дерларки, остонадан бошланар Ватан,
Жарангласа тулпорларнинг туёқлари.
Ватан не деб сўрасангиз, дўстлар, мендан,
Мендан аввал тилга кирар тупроқларим.

Остонаси тилло бўлсин эшигингни,
Чақалоқлар бўшатмасин бешигингни.
Гулни эксанг унса ҳамки гултувакда,
Илдизлари тошни тешиб қайга борар.

Минг асрни илдизлаган бу юракда,
Ҳар оқшомда дунё келиб дилин ёрар.
Эскиртирмас Алпоминнинг қўшигини,
Чақалоқлар бўшатмасин бешигингни.

Байроқлар ҳам тикилгандир бир матодан,
Маънолари жилоламни рангларини.
Юртни асраб офатлардан, бир балодан,
Кимлар сенга устун бўлди, англадингми?

Шуни ўйлаб бошингни бир қашидингми,
Чақалоқлар бўшатмасин бешигингни.
Етти ўлка кездирса ҳам тирикчилик,
Тиламчи ҳам Оллоҳ берган ризқини тонар.

Ўзбекмиз-да, қошда оқар ўзбекчилик,
Кимлигимиз унутмайлик, эй биродар.
Болаларинг талашанда қошигингни,
Чақалоқлар бўшатмасин бешигингни.



ВАТАНИМНИ СОГИНАМАН, ВАТАНИМНИ

Баҳор ҳиди тарк этмасин чаманимни,
Асра Оллоҳ, ҳар бир дуру маъданимни.
Қайда бўлмай икки кўзим орқададир,
Ватанимни соғинаман, Ватанимни.

Устозларим тилидаги гавҳарларим,
Минг файз ила қулган шому саҳарларим.
Мени кутган қишлоғиму, шаҳарларим,
Ватанимни соғинаман, Ватанимни.

Қайда бўлмай, қайда юрмай – меҳри тортар,
Болалигим ўтган жойлар сەҳри тортар.
Ота-бобом ётган жойлар мени чорлар,
Ватанимни соғинаман, Ватанимни.

Ярим кўнглим, бири ками тўлган билан,
Давлат, омад ҳамма нарсам бўлган билан.
Юролмайман дилдан мағрур, қадди м баланд,
Ватанимни соғинаман, Ватанимни.

Бегонадир, юзларию, кўзлари ҳам.
Юрагимга ётдир айтган маъно сўзлари ҳам.
Нима қилай, ўзбекмас-да ўзлари ҳам,
Ватанимни соғинаман, Ватанимни.

Нима дейсиз, ўз юртимга қойилман-да,
Она-ватан меҳрига мен мойилман-да.
Кўнгила билан ҳисоблашган шоирман-да,
Ватанимни соғинаман, Ватанимни.

Кимдир дейди: эсингни йиг, Аҳад Қаюм,
Дунё кезгин, йиғин бойлик, тилло, буюм.
Нима қилай, кўнмайди-да бунига кўнглим,
Ватанимни соғинаман, Ватанимни.

2010

СЎНГГИ ҚУНҒИРОҚ

Бизга зафар тила, хайр мактабим,
Янги сафар тила, хайр мактабим,
Омон бул болалик саёр мактабим,
Улғайдик яна бир ёшга, синфдош,
Энди йўлларимиз бошқа, синфдош.

Чалинди яна бир сўнги қунғироқ,
Эртага биз бундан кетгаймиз йироқ,
Азиз устозларни унутма бироқ,
Улғайдик яна бир ёшга, синфдош,
Энди йўлларимиз бошқа, синфдош.

Ўтиб кетди, болалик ҳам илк муҳаббат ҳам,
Йўлингни жим кузатгайман кўзларимда нам,
Дилим титрар синфдош қиз сени эсласам,
Ўшардик биз бир жуфт қушга синфдош,
Энди йўлларимиз бошқа, синфдош.

Бахт омад ёр бўлсин қайда бўлсак ҳам,
Шу диёрдан олис жойда бўлсак ҳам,
Қанча йигласак ҳам, қанча кулсак ҳам,
Улғайдик яна бир ёшга, синфдош,
Энди йўлларимиз бошқа, синфдош.

Билимлар мағзини чақиб, уқингиз,
Билмаганингизни топиб уқингиз,
Энг баланд чўққилар сизнинг чўққингиз,
Улғайдик яна бир ёшга, синфдош,
Энди йўлларимиз бошқа, синфдош.

Учраган тўсиқдан чўчиманг асло,
Ҳеч ким бузолмаган бўлса ҳам ҳатто,
Ёддан чиқармангиз дўстларни аммо,
Улғайдик яна бир ёшга, синфдош,
Энди йўлларимиз бошқа, синфдош.

АВВАЛО, ИНСОН БЎЛ...

Довругинг дунёга кетган бўлса ҳам,
Бўйинг осмонларга етган бўлса ҳам,
Миллионлар йўлинг кутган бўлса ҳам,
Манманлик кибрдан, камтар олам бўл,
Аввало, инсон бўл, аввал одам бўл!

Омад остонангда турганда гуллаб,
Лаззатнинг тамидан ҳидлагин уйлаб,
Ўзингдан насларни атайин қийнаб.
Жонини огритма, дармон, малҳам бўл,
Аввало, инсон бўл, аввал одам бўл!

Бир йилда буй чўзи чипордек терак,
Бир силаб синдирди шамоллар тентак,
Сабр қил, шошилмоқ нимага керак,
Ёруғ манзилларга элтар қадам бўл,
Аввало, инсон бўл, аввал одам бўл!

Нималар бўлмайди йигитчиликда,
Кўнчилик қозонда шерикчиликда,
Бозор – ҳалолхона тирикчилик-да,
Номардлик кетмайди, акам, отам бўл,
Аввало, инсон бўл, аввал одам бўл!

Бир куни унутмай берган лафзингни,
Қайтариб берарсан олган қарзингни,
Балки ўчирарсан дилдан дарзингни,
Яхши инсонларга йўл бер, ҳамдам бўл,
Аввало, инсон бўл, аввал одам бўл!

Бир дардман бечора дардидан полиб,
Мурувват истаса ёнингга келиб,
Бепарво бўлмагин аҳволин кўриб,
Ҳолидан қулмагин, мулзам, мотам бўл,
Аввало, инсон бўл, аввал одам бўл!

Қондош, яқинингни йўқласа омад,
Парча гўштюрракда ёнимасин ҳасад,
Сабр қил, сенга ҳам келгай даромад,
Ҳаммадан олдинда майли, илдам бўл,
Аввало, инсон бўл, аввал одам бўл!



– Аҳад! Жондўстгинам, йўлдош юлдузим,
Пойимда қонқасам ичганди дўстим,
Лек ўймоққа тайёр иккала кўзим,
Майли, мендан устун, мендан баланд бўл,
Аввало, инсон бўл, аввал одам бўл!

Жуда кўп адашдим, севги йўлида,
Қалбим ўйин бўлди кимлар қўлида,
Хиёнат тўрларин тўқиб дилида,
Дилкулбамда осди ёлғондан қандил,
Аввало, инсон бўл, аввал одам бўл!

Дилмакроғоҳ санам келса сузилиб,
Бир зумда оёгинг ердан узилиб,
Ҳаром хилватларда гуноҳ ёзилиб,
Фам йўли узоқдур, роҳат бир лам бил,
Аввало, инсон бўл, аввал одам бўл!

Билгин учта дарднинг йўқдир давоси,
Ўт кетса, сув босса, туҳмат балоси,
Инсонни йўқ қилар битта хатоси,
Дўстим, тўғри яша, шоду хуррам бўл,
Аввало, инсон бўл, аввал одам бўл!

Биродар, ҳар қанча тиришма қаттиқ,
Ахир, насибангдан олмайсан ортиқ,
Меҳнат қил, эртақда у олтин балиқ,
Асабни асрагин дунё бир кам бил,
Аввало, инсон бўл, аввал одам бўл!

Ота-онанг йўлинг турганда пойлаб,
Сен юрсанг бойлигу мансабни қувлаб,
Ҳар лаҳза оқибат ҳақида ўйлаб,
Устозлар йўлини зардан гилам бил,
Аввало, инсон бўл, аввал одам бўл!

Амал қилмасанг ҳам, амал қилсанг ҳам,
Айтаман, сўнг мени ёмон кўрсанг ҳам,
Сен мени ўзинга душман билсанг ҳам,
Сенга қасдим йўқдир, сен хотиржам бўл,
Аввало, инсон бўл, аввал одам бўл!

МЕНИ СЕВ...

Қайғу армонинг,
Кулгу билан юв,
Қийнамай жонинг,
Сев, мени сев.

Ишқ шаҳри мана,
Яна ва яна,
Дилда тантана,
Сев, мени сев.

Ростин айтгин-чи,
Не дил ўкинчи,
Дунё ўткинчи,
Сев, мени сев.

Муҳаббатга туй,
Фавголарни қуй,
Айтиб қўшиқ куй,
Сев, мени сев.

Афсоналарча,
Мастоналарча,
Девоналарча,
Сев, мени сев.

Жонингни тушаб,
Хаёлда яшаб,
Аҳадга ўхшаб,
Сев, яна сев.

Қайғу армонинг,
Кулгу билан юв,
Қийнамай жонинг,
Сев, мени сев.

АГАР ЎЛСАМ...

Ҳар бир гузал гулни кўрсам, сени эслаб —
Гулсиз йўлдан юрар бўлсам, ўлсам керак.
Агар ўлсам, гул юзингни кўрмоқ учун —
Жаннатдан ҳам, ҳатто қайтиб келсам керак.

ЧИРОЙЛИГИМ...

Баҳор бўлиб, гуллар очсам,
Димоғингга иффор сочсам.
Сен гул бўлсанг, мен-чи булбул,
Қуш бўлиб ёнингга учсам.

Яшар эдик, дил оҳида,
Яшнар эдик, ишқ богида.
Асрар эдик бир-биримиз,
Кўнгилларнинг ардогида.

Чиройлигим, чиройлигим,
Ҳаммаданам сиз ойлигим.
Баҳор бўлиб, гуллар очсам,
Майсаларга диллар очсам.

Севишганлар бахт қасрига,
Йўллар очсам, йўллар очсам.
Учар гилам ясар эдик,
Осмонларда сузар эдик.

Ишқ майидан сармаст бўлиб,
Фалакларни кезар эдик.
Баҳор бўлиб, гуллар очсам,
Қуртак бўлиб, шабнам ичсам.

Сени ўйлаб, сени ўйлаб,
Ўздан кечсам, ўздан кечсам...
Чиройлигим, чиройлигим,
Ҳаммаданам сиз ойлигим...

ҚОР ҲАМ ЁНАР...

Қор ҳам ёнар, топсанг агар қаловини,
Тулпор учар, тортсанг агар жиловини.
Гоҳ аёлга, биттагина сўзинг ўтмас,
Гоҳ севгидан устун қўяр тирноғини...

МАКТУБЛАР

Бир кунда айрилдим ҳамма нарсамдан,
Дўстим, муҳаббатим ҳам омадимдан,
Етмиш фалак йиглар мани дардимдан,
Шириш бахтим қабрин қазган мактублар,
Дийдор онларини чўзган мактублар...

Мактублар битардинг менга бир найтлар,
Севишинг ёзардинг, ёзардинг байтлар,
Аччиқ бир хотира эйди бу хатлар,
Сени эслатиб дил эзган мактублар,
Сиеҳмас қон бўлиб сизган мактублар.

Келмадинг, кипригим ювилди ёшга,
Келмадинг, баҳорим айланди қишга,
Бирга ўтган дамлар ўхшайди тушга,
Қўлимда ўша сен ёзган мактублар,
Мани умидларим узган мактублар.

Кутмовдим севгилим хиёнатларинг,
Кутмовдим жондўстим жиноятларинг,
Қаддимни синдирди ҳақоратларинг,
Гоҳи сени ўрнинг босган мактублар,
Ўртамизда девор тўсган мактублар.

Бир кун кўришмасак, ўламан дердинг,
Сенсиз мен девона бўламан дердинг,
Сен кетсанг, мен нима қиламан дердинг,
Муҳаббат қасрини бузган мактублар,
Айрилиқ китобин тузган мактублар.

Сен ёзган бу хатлар хапжардан ўткир,
Қалбимни армонга тўлдирди тақдир,
Мактубларинг қучиб яшайми ахир,
Кўксимдан қон бўлиб сизган мактублар,
Кўзёш денгизида сузган мактублар.

Бир кунда бузилди кўнгилсаройим,
Баҳтим осмонида йўқолди ойим,
Қайдан чора излай энди Худойим,
Йиғлайди минг ранжиб биздан мактублар,
Энди қайтмаслигинг сезган мактублар...

Шу гижим қоғозга нафасинг теккан,
Менга мактуб ёзган кўлларинг билан,
Энди кимнинг сочин силайсан эркам,
Баҳтимиз йўлларин кесган мактублар,
Ҳижроннинг суратин чизган мактублар...

Сиз Ошиқ Аҳадга куюнманг, дўстлар,
Ўзгага кўз сўзса ул оху кўзлар,
Вақти келар менсиз ёлғиз қон йиғлар,
Севги сатрларинг тизган мактублар,
Тунлар қонинг билан ёзган мактублар.

Бир кунда айрилдим ҳамма нарсамдан,
Дўстим, муҳаббатим ҳам омадимдан...

БЕГИМ ДЕМАНГ, БЕГОЙИМ

Йўлларимга гул тўкиб,
Келинг деманг гулойим.
Дилим огритиб кетиб —
Бегим деманг, бегойим.

Ишқ шаҳрининг дарчаси,
Менга ёпиқ барчаси.
Оҳ, хиёнат зарбаси,
Бегим деманг, бегойим.

Сиз қувнаган кўчалар,
Биз йиғлаган кечалар.
Дилда афсус куй чалар,
Бегим деманг, бегойим.

Энди қадримиз билиб,
Йиғдайсиз қайтиб келиб.
Пойимизга йиқилиб,
Бегим деманг, бегойим.

Нозиккина билаклар,
Энди кимни эрмаклар.
Менга айтманг эртаклар,
Бегим деманг, бегойим.

Йўлларимга кўз тикиб,
Келинг деманг мулойим.
Дилим огритиб кетиб —
Бегим деманг, бегойим.

СОҒИНИБ...

Соғиниб дилхаста бўлдим,
 Гулузорим қани,
Йўлларим кутган ул ёрим,
 Интизорим қани?

Қани ул беқарорим,
 Қани тоқат мадорим,
Фасли ишқи баҳорим,
 Чашми хуморим қани?

Йиғлаб ҳасрат айтгани,
 Ёнимда ким бор мани,
Ботса фироқ тикани,
 Ул мададкорим қани?

Қайда ул бетакорим,
 Масти жон мафтункорим,
Сархушу бахтиёрим,
 Беихтиёрим қани?

Кетдими келмас булиб,
 Бағримни чок-чок тилиб,
Ғамдин кўксим йиртилиб,
 Айт, вафодорим қани?

Тополмайин изларман,
 Тушларимда сўзларман,
Ҳасрат қучиб бўзларман,
 Қани маккорим, қани?

Кўнгил вайронамасми,
 Аҳад яғонамасми,
Бўлибман висол масти,
 Соҳибжамолим қани?

Соғиниб
Дилхаста бўлдим, гулузорим қани...



АГАР АЁЛ ИСТАСА...

Агар аёл истаса,
Йигитни шер қилади.
Агар аёл истаса,
Эркакни ер қилади.

Агар аёл истаса,
Қасрни гўр қилади.
Агар аёл истаса,
Бахт таъмин шўр қилади.

Агар аёл истаса,
Йўгингни бор қилади.
Агар аёл истаса,
Баҳоринг қор қилади.

Агар аёл истаса,
Хасни чинор қилади.
Агар аёл истаса,
Пахсанг минор қилади.

Агар аёл истаса,
Эркакни хор қилади.
Миллион макрин ишлатиб,
Дунёсин тор қилади.

Агар аёл истаса,
Аҳадни зор қилади.
Агар аёл истаса,
Бахтига ёр қилади.

ДУНЁДА ЭНГ ГЎЗАЛ АЁЛ КИМ...

Дунёда энг гўзал аёл ким,
У сингил, у она, у она, у ёр.
Дунёда энг гўзал аёл ким,
Сендан-да кўп сенга вафодор.

Дунёда энг гўзал аёл ким,
Оппоқ тонгда нурдай беғубор.
Дунёда энг гўзал аёл ким,
Гуляшнатар дилни гулрухсор.

Дунёда энг гўзал аёл ким,
Фаришталар унга харидор:
Дунёда энг гўзал аёл ким,
Ҳар қандай мақтовга сазовор.

Дунёда энг гўзал аёл ким,
Гўзалликда қалби бетакрор.
Дунёда энг гўзал аёл ким,
Дарди билан яшар бахтиёр.

Дунёда энг гўзал аёл ким,
Мақтовларни айлайди инкор.
Дунёда энг гўзал аёл ким,
Эргашади ортидан баҳор...

Аҳад Қаюм таъриф айлаган,
Дунёда энг гўзал аёл ким.
Отам умрини сруғ айлаган,
Ўзингдирсан, эй онажоним!!!

ҚИЗМИ БУ, КИЙИКМИ БУ?

Куй чалар юракми бу,
Севгидан даракми бу,
Ёр келар, малакми бу,
Қизми бу, кийикми бу?

Кўзлари мисли жайрон,
Хуснига жоним қурбон,
Етолмай дилда армон,
Қизми бу, кийикми бу?

Дилда – ўт, ёшликми бу,
Ёшлик – бебошликми бу,
Бебошлик, шўхликми бу,
Қизми бу, кийикми бу?

Қошлари мисли камон,
Жиловламоқ даргумон,
Қўлингдан қочар чаққон,
Қизми бу, кийикми бу?

Ёнидан ўтолмайсан,
Тўр ташлаб тутолмайсан,
Қувлама, столмайсан,
Қизми бу, кийикми бу?

Бормисиз, эй бўйдоқлар,
Ташлаб кўринг қармоқлар,
Ҳаммангизни бир боблар,
Қизми бу, кийикми бу?

Сира гапга кирмайди,
Жонга раҳм қилмайди,
Ҳечам авраб бўлмайди,
Қизми бу, кийикми бу?

КЎЗЛАРИ ИЗЛАР ҚУРБОН,

Қизми бу, кийикми бу?...

СЕНИ ҲЙЛАБ!

Сени Ҳйлаб, кўзга уйқу,
Келмасми?
Сени Ҳйлаб, дилда қайғу,
Тинмасми?

Балодан чиқмаса боғшим,
Чидолмаса гар бардошим,
Ғамли куним, ҳасратдошим,
Сенмасми?

Хато қилсам, чиқса жаҳлинг,
Юрагинга қарши ақлинг,
Мени Ҳйлаб, сенинг қалбинг,
Ёнмасми?

Ярим ой бир кун тўлмасми,
Айрилиқ кўксим тилмасми,
Бахт топмасак, дўсту душман,
Кулмасми?

Сени Ҳйлаб; кўзга уйқу
Инмасми?
Сени Ҳйлаб, дилда қайғу,
Тинмасми?

∴ 2010

СОҒИНЧ

Кимнидир кутасан, кутасан,
Исмсиз ҳасратни ютасан.
Ўшал онда мени Ҳйласанг,
Ишон, анча енгил тортасан...

БИЗНИКИ ЮРАКМАСМИ?

Сизнинг юрак-юрагу, бизники юракмасми,
Сизга висол керагу, бизларга керакмасми.
Сиз мисли маликадек, шаҳзодангиз кутсангиз,
Орзуингиз осмону, бизники тилакмасми?

Анор пишиди ёрилди, тўкилди доналари,
Сизни кутиб кўнглимнинг совиди хоналари.
Тўртта фаслим куз бўлди, кўзларим сизсиз сўнди,
Япроқдек тўкилади, тақвимнинг саналари.

Тунларим узун-узун, кунларим маҳзун-маҳзун,
Келмайсиз нечун-нечун, саволлар тугун-тугун.
Турмуш ўтар гилдирак, ҳаёт оқар чархпалак,
Кўзларим мафтун-мафтун, сўзларим Мажнун-Мажнун.

Излаб борсам ким деманг, сўзлаб борсам жим деманг,
Кундуз борсам кун деманг, оқшом борсам тун деманг.
Аҳад кўнгли хатоми, севган дилга жазоми,
Ўзгасини танлайвер, менсизликка кўн деманг.

Сизнинг юрак-юрагу, бизники юракмасми,
Сизга висол керагу, бизларга керакмасми.
Сиз мисли маликадек, шаҳзодангиз кутсангиз,
Орзуингиз осмону, бизники тилакмасми?

КЎЗЁШЛАР

Кўзёшлар,
 кўзёшлар, кўзёшлар...
Кўзларда
 эриган кўёшлар.

Юракка
 зил ботган ғам тошлар,
Сарҳадин
 билмаган бардошлар...

ЎРТАМИЗА БИТТА ХАТО БОР...

Ўртамизда битта хато бор,
Бизлар билмай севишиб қўйдик.
Иккимизга битта жазо бор,
Уни ҳам биз бўлишиб қўйдик.

Дўстлик қандай чиройли эди,
Уни ишққа алишиб қўйдик.
Бахтли бўлмоқ қўлимизда деб,
Тақдир йўқ деб янглишиб қўйдик.

2012

ДЎСТИМ МЕНГА ХИЁНАТ ҚИЛДИ...

Ўз қўйнимдан чиққан илоним,
Дўстим менга хиёнат қилди.
Ноҳақликдан оғриди жоним,
Дўстим менга хиёнат қилди.

О, ўзингдан чиққан балога,
Қайга ҳам борардинг давога.
Ишончларим учди ҳавога,
Дўстим менга хиёнат қилди.

Кинолару китобларда ҳам,
Менчалик аянчли бўлмаган.
Айирди у муҳаббатимдан,
Дўстим менга хиёнат қилди.

О, севгим, о, дўсти нокас,
Шунчалар ҳам бўласанми наст.
Мен ўзимдан айрилганим рост,
Дўстим менга хиёнат қилди.

Тобутганим деган жигарим,
Йиртиб кетди Аҳаднинг қалбин.
Қай қабрда кўмилди қадрим,
Дўстим менга хиёнат қилди.

БИЛМАЙМАН ДЕЙСАН...

Билмайман дейсан, сезмайман дейсан,
Сизни ҳеч қачон, севмайман дейсан.
Ҳар доим менга, тақдир тескари,
Учратар доим, қайсар қизларни...

2012

АФСУС...

Даврон сурдим шоду хуррам, ўтди қанча тўйу, байрам,
Бахтга тўлдим мен ҳаммадан, беҳабар отам ҳолидан.
Мени кутса-да волидам, бошқаларга ўхшаб мен ҳам,
Яхши кунда яқинлардан дуо олмоқ хоҳламадим,
Онамни бир эсламадим, отамни бир йўқламадим.

Соямгача соябонлар тутиб турган у акалар,
Тўй-у базми менсиз ўтмай кутиб турган у акалар.
Иши битгач бир йўқламай, ёлғиз қўйишиб яккалар,
Молу дунё илинжида, йиллар бедор ухламадим,
Онамни бир эсламадим, отамни бир йўқламадим.

Менсиз бир куни ҳам ўтмай, бедор йиғлаган гўзаллар,
Сал қоқилсам, ўзга ёрни бориб йўқлаган гўзаллар.
Юрагингмас чўнтагингни нархин кўзлаган гўзаллар,
Нечун ахир мен яхшилар томон кўнгил боғламадим,
Онамни бир эсламадим, отамни бир йўқламадим.

Кунлар ойларни қувади, ойлар қувади йилларни,
Жароҳатларим ўчиролмай, йиллар кўмади йилларни.
Ижоду илҳомим билан шодон айлаб кўнчилларни,
Насиҳату, васиятни ваъдаларим оқламадим,
Онамни бир эсламадим, отамни бир йўқламадим.

Болаликдаги у бегубор кунларимни соғинаман,
Хатоларим ўйлайверсам, мен оқшомлари огринаман.
Тилда тавба, энди Аҳад пушаймонлар доғидаман,
Бутун умр мен ўзимни бир оҳангда сақюлмадим,
Онамни бир эсламадим, отамни бир йўқламадим.

2010

МУНОСАБАТ

Хиёнатнинг кўчасидан кетди эри,
Аёл қолди, ёнар ўтнинг орасида.
Бошга битган пешопанинг бўлиб шўри,
Икки нафар гўдак қолди норасида.

Ўзга аёл қучоғида ётар эркак,
Фоний дунё лаззатидан сармаст жони.
Уйда эса болалари кутар илҳақ,
Отам ишда, деб ўйлайди, энг ёмони.

Шу эртакка ишонтириб фарзандларин,
Ишонгиси келиб бунга ўзи, ҳатто.
Йиллардан ҳам узун ўтар ҳар бир туни,
Аёл йиғлар тақдирдан излаб хато.

Сен ҳам зимдан назар сол бу ҳодисотга,
Аёл бўлсанг, эркак зотин қоралама.
Эркаклар ҳам берилмасин ҳаёлотга,
Аввал ўйла, одамзодга етмас нима?

Қанча-қанча оилалар иллизини,
Ўзин ўйлаб ким бешафқат емирмақда.
Йўлдан уриб кимнинг ўғил ё қизини,
Малъун каби юрак қонин симирмақда.

Ваъз ўқиймиз имон, вафо, садоқатдан,
Ёр дўстларни тўғри йўлга солимоқ бўлиб,
Ё баъзилар нолир мудом оқибатдан,
Бу дунёдан ўтган борми кўнгли тўлиб?!

Нима фойда, айтинг, ёлгон сафсатадан,
Чет-четларда қочиб-пусиб пайт пойламоқ.
Қайда қолли:
Виждон, Номус, Юрак, Ватан.
Кимга керак қорин учун жон сақламоқ.

Йўлин топиб кетар ўша гўдаклар ҳам,
Овунар ҳам боласига қараб аёл.
Сабр этсанг, арир экан ҳар қандай ғам,
Ўтган умр юрагинга солмас малол.

Аммо мени қийнар, дўстлар, бошқа тақдир,
Ширин тушдек тугар ахир бир кун эртак.
Макон излаб ҳар манзилдан юпун, фақир,
Тирноқ шимиб, кун ўтказиб юрар эркак.

Яна бир сўз айтгим келди сизга дилдан,
Сатрларим чала қолмас пировардда.
Кўра билиб адашмоқлик тўғри йўлдан,
Элни, юртни сотиш билан баробар-да.

ОҚИБАТ ЙЎҚОЛДИ НЕЧУН?

Ўгилнинг отага меҳри йўқ, қаранг,
Аканинг укага қадри йўқ, қаранг.
Қорнидан талашиб тушган жигарлар,
Онасин йўқлашга вақти йўқ, қаранг.
Сизларга не бўлди одамлар бугун.
Орада оқибат йўқолди нечун?

Бошинга кўнганда давлатқуш омад,
Атрофингда тўлар сохтадўст улфат.
Ўликми, тирикми деб бир йўқламас,
Елканга озгина тушганда кулфат.
Наҳотки, сотарлар дўстни нул учун,
Ўртада оқибат йўқолди нечун?

Жон қўшнинг йилда бир олмаса хабар,
Яқинлар чет элда юрса дарбадар.
Жигаринг озгина яхшилик қилиб,
Саломни миннатдан бошласа агар.
Наҳотки, мол дунё одамдан устун,
Орада оқибат йўқолди нечун?

Бу миллат меҳрдан қаддин ростлаган,
Ватаннинг юзига оёқ босмаган.
Сайёҳлар атайин кўриб кетарди,
Ўзбек дарвозага занжир осмаган.
Оҳ, кулфлар осилди, қалбда қўрғошин,
Орада оқибат йўқолди нечун?

Онага талпинган гўдакдек шогирд,
Улуг устозининг таълимин олиб.
Сал ўтмай рақобат тишларин қайрар,
Устознинг бор илмин эгаллаб бўлиб.
Бир ифлос манманлик булғабди ичин,
Адо этолмабди қасамин бурчин...

Эй Аҳад, беш кунлик дунё ўткинчи,
Яшамоқдан маъно недур айтгин-чи.
Ҳайвондек нафс қувса инсон боласи,
Виждон куйиб кетса дилнинг таянчи.
Ҳеч ким бўлолмади дунёга устун,
Орада оқибат йўқолди нечун?

Севган ошиқларда вафо қолмади,
Ёшлар муҳаббатнинг дарсин олмади.
Эркакмижоз аёлларнинг юзини,
Аёлмижоз эркаклар кўролмади.
Сеза олмадилар либосда ичин,
Ўртада оқибат йўқолди нечун?

Отасидан олиб тарбияю панд,
Онасин бағридан улғайиб фарзанд.
Эшигини ёпса норози қилиб,
Шайтон шерик бўлар ноп дастурхонда,
Барака унмайди ул хонадонда.

2012

ЁЛГИЗМАН!

Кўнгилда ишқ озори,
Юракда ғам бозори,
Хаёлда ёр дийдори,
Ёлғизман...

Туним ўтар ингроқда,
Дард тиқилар томоққа,
Бу ғамларни енгмоққа,
Ожизман...

Ярим дилим янчарлар,
Юрагимда ханжарлар,
Аямайин санчарлар,
Ҳолсизман...

Ким дўстиму, ким душман,
Билолмай фаромушман,
Қаноғи синган қушман,
Қўлсизман...

Пушаймон дил ёнмоқда,
Жон ўзидан тонмоқда,
Ортинга қайт демоққа,
Тилсизман...

Кўнгилда ишқ озори,
Юракда ғам бозори,
Хаёлда ёр дийдори,
Ёлғизман...

ЯХШИЛИК ҚОЛАР!

Туғилиш ўлимга қўйилган қадам,
Келдими, бир купи кетади одам,
Бир сирни унутма асло, дўстгинам,
Бу дунё бир ғавғо, берганин олар,
Инсондан фақат шу яхшилик қолар!

Дардни берган дармон беради ўзи,
Нишон топсанг камон беради ўзи,
Эртага ўчганда бугуннинг изи,
Шум тақдир жонингни минг куйга солар,
Инсондан фақат шу яхшилик қолар!

Ака билмаса гар уканинг қадрин,
Фарзанд, бермай ота-онага меҳрин,
Чин дўстлар борлигин қилмасак шукрин,
Камбағал ҳам ўтар, ўгади бойлар,
Инсондан фақат шу яхшилик қолар!

Эшигингдан оқиб турганда давлат,
Бир оч юпун сўраб келганда мадад,
Қўли очикликни қилгин сен мадад,
Сахий мард олдила тиз чўқар тоғлар,
Инсондан фақат шу яхшилик қолар!

Қарз занжири эгиб қўйса бўйнингни,
Ташвишу муаммо қуршаб кўнглингни,
Адаштириб қўйсанг ҳаёт йўлингни,
Дунё банда умрин минг куйга солар,
Инсондан фақат шу яхшилик қолар!

Дунёдан ўтса гар яхши бир инсон,
Бир қалқиб титрайди олами жаҳон,
Бир кунда унутар ўлса гар ёмон,
Меҳри дарё диллар олам гуллатар,
Инсондан фақат шу яхшилик қолар!

Омад қасринг гуллаб обод бўлганда,
Остонанг олтиндан бунёд бўлганда,
Қўл бер ёрдамга ким муҳтож келганда,
Манманлик йўл тўсса, дил кибр хоҳлар,
Инсондан фақат шу яхшилик қолар!

Бир кун сўрадилар доно Пирлардан,
Айтинг, ким кучлидир зўрдир зўрлардан,
Авлиёлар деди: яхшилик қилинг,
Олам яралгандир яхшиликлардан,
Закоат ҳар балонинг олдини олар,
Инсондан фақат шу яхшилик қолар!

Меҳмон келса ўзбек хонадониди,
Бир қултум чой ичса дастурхонидан,
Қирқ йил тами кетмас эмиш оғзидан,
Ҳар ерда бу миллат меҳмондўст азал,
Инсондан фақат шу яхшилик қолар!

Яхшилик маъноси фақат пулдамас,
Тўғри йўл кўрсатмоқ, бир ширин сўз бас,
Яхшилик ибодат, улуг, ҳикмат, дарс,
Сиз шуни унутманг беморлар, соғлар,
Инсондан фақат шу яхшилик қолар!

Кимдан давлат қолар, кимдандир фарзанд,
Кимдан илм мактаб, баланд иморат,
Кимдир яхшиликка боғласа белин,
Афеус, кимдан қолар игвою ғийбат,
Яхшилар бўлмаса дил қасри қулар,
Инсондан фақат шу яхшилик қолар!

Бир кун инсон йўлин тўсди бир шайтон,
Савоб нега керак, эй банда нодон,
Бугун берсанг эрта ўзингга қолмас,
Бойликларинг асра, яширгин ҳар он,
Худбинларга иблис устозлик қилар,
Инсондан фақат шу яхшилик қолар!



Эй, Аҳад! Бу дунё чархпалак азал,
Япроғидан баттар илдизи қайсар,
От изин той босар, билгин, биродар,
Дунё қон кўзёшларин айт, ким тўхтатар,
Инсондан фақат шу яхшилик қолар!

Туғилиш ўлимга қўйилган қадам,
Келдими, бир куни кетади одам,
Бир сирни унутма асло, дўстгинам,
Бу дунё бир гавғо, берганин олар,
Инсондан фақат шу яхшилик қолар!

2012

ЯНА СОҒИНДИМ, ЯНА...

Кеча бағримда эдинг,
Бугун олиссан мана.
Нечун йироқлаб кетдинг,
Яна соғиндим, яна.

Сир айтаман армонга,
Гул тутаман ҳижронга.
Термуламан осмонга,
Яна соғиндим, яна.

Ёрингман де, суй мани,
Дийдоримга тўй мани.
Кечирмайман дейман-у,
Яна соғиндим, яна.

Жодули кўзларингни,
Меҳрли сўзларингни.
Ширин нафасларингни,
Яна соғиндим, яна.

Нурсиз кунга ўхшайман,
Ойсиз тунга ўхшайман.
Сенсиз қагдай яшайман,
Яна соғиндим, яна.

Ўтмайди ҳеч кун — сана,
Хотиранг қилар таъна.
Юрак бўлди гамхона,
Яна соғиндим, яна.

Илк бора Аҳад Қаюм,
Күзёш тўкмоқда, гулим.
Сендадир ҳамон кўнглим,
Яна соғиндим, яна.

Сир айтаман армонга,
Май тутаман ҳижронга.
Термуламан осмонга,
Яна соғиндим, яна...

Кеча бағримда эдинг,
Бугун олиссан мана.
Нечун йироқлаб кетдинг,
Яна соғиндим, яна.

КУТА-КУТА КҮНДИ КҮНГИЛ...

Кута-кута Кўнди Кўнгил Келмадингиз,
Куя-куя Кўнайди Кул Келмадингиз.
Кабутардек Кўкка Кўчиб Кетаянман,
Кудурат Комидан Кечиб Кетаянман.

Кулиб-Кулиб Кирилмайман Кўчангизга,
Кўринолмам Кўркам Кундуз-Кечангизга.
Кўзимдаги Кўзбойлоғич Камар Каби,
Кўйларимда Каломдирсиз Кадар Каби.

Кетдингиз-у Кузлар Келди, Кузлар Келди,
Кимлар Кетиб, Кимлар Келар Кезлар Келди.
Кўйдирганим Куюнмангиз Кечирганман,
Кузларимни Кўкламларга Кўчирганман.

Кута-кута Кўнди Кўнгил Келмадингиз,
Куя-куя Кўнайди Кул Келмадингиз.

МАН, ЯНА МАН...

Ким мен деб йиғлади, кимдир кечирди,
 Кимнинг дарди менга оғу ичирди,
 Кимдир юрагидан буткул ўчирди,
 Охир ҳаммасига бир-бир кўндим ман,
 Бир сени ўйласам, фақат ёндим ман.

Юракка нимадир ботиб бормоқда,
 Аламлар қатма-қат ортиб бормоқда,
 Бориб-бориб бағрим қотиб қолмоқда,
 Ҳаттоки, дунёдан, совиб қолдим ман,
 Бир сени ўйласам, фақат ёндим ман.

Кўнглим чинор каби куйиб қолибди,
 Ишқ дарди ичимни ўйиб олибди,
 Тагидан янги бир ниҳол унибди,
 Япроқларин силаб синиқ кулдим ман,
 Бир сени ўйласам, фақат ёндим ман.

Келиб кўр, кўксимда нишлар изи бор,
 Тилларим учуда тишлар изи бор,
 Елкамда иккита қушлар изи бор,
 Қуш эдим қайларга билмай кўндим ман,
 Бир сени ўйласам, фақат ёндим ман.

Бунақа дард билан яшаб бўлмайди,
 Юряпман, бир жойда тўхтаб бўлмайди,
 Аввалги Аҳадга ўхшаб бўлмайди,
 Ҳамма жароҳатим бир-бир кўмдим ман,
 Бир сени ўйласам, фақат ёндим ман.

Ким мен деб йиғлади, кимдир кечирди,
 Кимнинг дарди менга оғу ичирди,
 Кимдир юрагидан буткул ўчирди,
 Охир ҳаммасига бир-бир кўндим ман,
 Бир сени ўйласам, фақат ёндим ман.

МАН, НАҲОТ ЯНА МАН. СЕВИБ ҚОЛДИМ МАН...



ЭЙ ДЎСТ!

Туғилмоқ, яшамоқ ҳар бир бошда бор,
Кимларга омад ёр, кимлар бахтга зор.
Кимнингдир гул умри сўлганда бекор,
Ўйла, бу умрнинг савдосин, эй дўст,
Тингла бу кўнгилнинг савдосин, эй дўст.

Эй дўст, яхшилиқни умри узоқдур,
Ёмоннинг ҳар босган изи тузоқдур.
Ёлғончилик недур, охири чоқдур,
Олгин ота-онанг дуосин, эй дўст,
Хато ёзма кўнгил иншосин, эй дўст.

Бахтнинг илдизи бу сабр дегани,
Эй дўст, бесабрлик жабр дегани.

Яхшилиқ охири қадр дегани,
Тўшун, зарҳикматлар маъносин, эй дўст,
Кўтарма нодонлар ғавгосин, эй дўст.

Севгини рад этмоқ гуноҳдир азал,
Ўзга юрт ватандан бўлолмас авзал.
Энг аввал дилхонанг безатгин гўзал,

Топгайсан ҳар дарднинг давосин, эй дўст,
Қилмагин буюклик даъвосин, эй дўст.

Атрофга боқ, сендан пастроқлар ҳам кўп,
Душманлар ичида дўстроқлар ҳам кўп.
Гулзорлар ичинда тузоқлар ҳам кўп,
Оларсан роҳатлар жазосин, эй дўст,
Орттирма жонингни жафосин, эй дўст.

Сен учун Аҳаддан шарҳи насиҳат,
Бир яхши, бир куни ёмон вазият.
Бир куни чекмайин десанг азият,
Танигин оламлар подшосин, эй дўст.
Қилмагин гумроҳлар хатосин, эй дўст.

Эй дўст, яхшилиқнинг умри узоқдур,
Ёмоннинг ҳар босган изи тузоқдур.
Ёлғончилик недур, охири чоқдур,
Олгин ота-онанг дуосин, эй дўст,
Хато ёзма кўнгил иншосин, эй дўст...

ҚАДАМЛАР ҲИКМАТИ...

Холис ҳукм сари бу умр карвон,
Қалбим нигоҳлари олисни кўзлар.
Кўзларим умидда, йўлларим равон,
Қадамлар ҳикматин ўйлайман, дўстлар.
Йиғладим, оқибат остонасида,
Киrolмай муҳаббат кошонасига.
Сонсиз гуноҳларнинг вайронасида,
Қадамлар ҳикматин ўйлайман, дўстлар.
Бу дунёда ҳар ким бир йўл излайди,
Кимдир пул, кимлардир қўнгил излайди.
Кимдир ғамнок, кимдир бахтдан сўзлайди,
Қадамлар ҳикматин ўйлайман, дўстлар.
Ёвга инсоф тилаб, дўстга ярасам,
Ҳақдан янги кунга мазмун сўрасам.
Дилимда минг афсус ортга қарасам,
Қадамлар ҳикматин ўйлайман, дўстлар.
Қай бир қадам менга омад келтирди,
Қай бир қадам менга кулфат келтирди.
Гоҳ олдимда минглаб ёлғон йўл турди,
Қадамлар ҳикматин ўйлайман, дўстлар.
Кўзуга тикилиб, кўзимга боқсам,
Ўзимни излайман, ўзимга боқсам.
Наҳот шу мен дейман изимга боқсам,
Қадамлар ҳикматин ўйлайман, дўстлар.
Юрак амри билан ақл чалкашди,
Оёқ эса аросатда аданшди.
Ким молим, ким жонимга кўз қадашди,
Қадамлар ҳикматин ўйлайман, дўстлар.
Ватанда азиздур, ҳар бир қарич ер,
Кимдир шу тупроқдан ҳаром-хариш ер.
Ҳали манзилгача бордир қанча йўл,
Қадамлар ҳикматин ўйлайман, дўстлар.
Холис ҳукм сари бу умр карвон,
Қалбим нигоҳлари олисни кўзлар.
Кўзларим умидда, йўлларим равон,
Қадамлар ҳикматин ўйлайман, дўстлар.

ОҚИБАТ

Ота бўлмай, тушунмайсан отангни,
Она бўлмай, тушунмайсан онангни.
Ҳаволарга сарф этмайин кучингни,
Адо этгин, сен фарзандлик бурчингни.

Сен ёлгончи яллоларга учмагин,
Молу дунё, тиллоларга учмагин.
Сенга ёрдам бергай рўзи охират,
Оқибатдир, оқибатдир, оқибат.

Онанг пойин бир бор тавоф айласанг,
Шу амал деб не тонг жаннатга тушсанг.
Агар бугун хабар олсанг отангдан,
Бу яхшилик эрта қайтар болангдан.

Савобларга тўлсин десанг гар рўзим,
Оқибатнинг жоловин қўйма, дўстим.
Отанг ганиматдир билгин, эй дилбанд,
Онанг ганиматдир билгин, эй фарзанд...

Ота бўлмай, тушунмайсан отангни,
Она бўлмай, тушунмайсан онангни.

2009

СИНИШИМНИ СОҒИНДИ КИМЛАР...

Кулишимни соғинди кимлар,
Сўлишимни соғинди кимлар.
Ёнишимни кутганлар ҳам бор,
Синишимни соғинди кимлар...

Дўстингман деб чоҳ қаздилар, оҳ --
Мен у чоҳга сизмадим бироқ.
Гоҳо аёл макрига учдим,
Гоҳ кўпгилнинг оғусин ичдим...

Дўсти жоним, жондан азизсан,
Оқибатнинг занжирин туз сан.
Юрагимга урсалар ханжар,
Ёнимда тур қиёматгача.

Эгик бошим соғинди кимлар,
Кўзда ёшим соғинди кимлар.
Ўлишимни кутганлар ҳам бор,
Тинишимни соғинди кимлар.

Инграйверар ичимда юрак,
Йиғлайверар не қилмоқ керак.
Ака-ука қариндошдан гоҳ,
Бегоналар келади мардроқ.

О, севгилим, хиёнатларинг,
Қалбим йиртар жиноятларинг.
Эҳ, зерикдим ёлғонлардан ман,
Чарчаб кетдим ёмонлардан ман...

Юрак оғрир мозорим имлар,
Ўлсам кўзим босганда қумлар.
Севишимни кутганлар ҳам бор,
Совишимни соғинди кимлар.

Фоний дунё ҳавасидан кеч,
Ёлғонларнинг ҳаммасидан кеч.
Пул, аёллар кўнгилхушликлар,
Тириклайин гўрингга тиқар.

Эркакман деб кўкрак керганлар,
Қилмишлари аёлдан баттар...
Пок номимни қориб гийбатга,
Савлатимни кўролмадилар.

Ҳаёт, отам бағрини яшнат,
Онажоним кўзёшларин арт.
Ифлос, душман ҳасадчилардан,
Қачон буткул қутуламан, айт.

Олдиндадир ҳали чин-ҳазил,
Олдиндадир ҳали йўл-манзил.
Айтишимни кутганлар ҳам бор,
Қайтишимни соғинди кимлар...

Ғамлар кўрса мурғак слкамда,
Ота-онам сиқилади-да.
Баъзиларга ўхшаб сотилиб,
Кечмаганман она-Ватандан...

Бухородан кетиб Тошкентга,
Наф тегсин деб она элимга.
АҲАД ҚАЮМ ижод йўлида,
Яхши ният туккан дилига.

Ўлишимни кутганлар ҳам бор,
Тинишимни соғинди кимлар.
Кўнишимни соғинди кимлар,
Синишимни соғинди кимлар...

Навоийнинг кошонасидан,
Умар Ҳайём майхонасидан.
Ҳофиз элим таронасидан,
Муҳаббатнинг гулхонасидан.

Ижодхона кошонасидан,
Адабиёт остонасидан.
Кетинимни кутганлар ҳам бор,
Келишимни соғинди кимлар.

КИМНИДИР СЕВГАНМИСАН?!

Кимнидир севганмисан,
Соғиниб, кутганмисан.
Сенсиз яшолмайман деб,
Ўзига айтганмисан?

Кимнидир севганмисан,
Ҳажрида куйганмисан.
Ошиқликнинг дарди-ю,
Азобин ютганмисан?

Кимнидир севганмисан,
Қалбингни берганмисан.
Ишқ боғидан гул узиб,
Фунчалар терганмисан?

Кимнидир севганмисан,
Бағрида кулганмисан.
Ёлғиз вафодорингни,
Ўзинг таплаганмисан?

Кимнидир севганмисан,
Ёки севилганмисан.
Севгилинг нигоҳидан,
Дардини сезганмисан?

Кимнидир севганмисан,
Уни излаганмисан.
Бир лаҳза унутолмай,
Девона бўлганмисан?

Кимнидир севганмисан,
Аҳаддек ёнганмисан.
Юрагининг сўзига –
Бир бор ишонганмисан?

ЁЛГИЗЛИК

Розиман, бир умр ёлғиз яшашга,
Менга ёлғизликдан ишончли дўст йўқ.
Интилмам, ҳаммага қараб ўхшашга,
Одамлар ичида кўнглимга мос йўқ.

Кимлардир бахтини топади ҳатто,
Бировлар туфлисин тозалаб ҳар кун.
Оғзимдаги ошни ҳалоллаб ютсам,
Ҳаммадан бахтлиман демайин нечун.

Вагон орқасига осилиб келиб,
Шаҳарни эгаллаб олганлар қанча.
Кимнидир энг содиқ лайчаси бўлиб –
Отини эгарлаб олганлар қанча.

Менга нима қипти, ҳамма жойим соғ,
Ёлғизлик энг буюк неъматдир менга.
Юрагим дарёдир, икки елкам тоғ,
Ҳар олган нафасим санъатдир менга.

Авом орасига тушмоқ мен учун,
Тегирмонга тошни ташлагандай гап.
Мен тушган тегирмон синиши мумкин,
Ёки тегирмончи бузади асаб...

Ҳаёт – лоторея, ёки қим эрмас,
Таваккал қилганлар ютгани билан.
Касал бўлганларнинг бари бемормас,
Оёғин кўтариб ётгани билан.

Менга насиҳатмас, бир имкон беринг,
Робинзон Крузо ёки Колумбдек.
Кимсасиз бир орол йўлин кўрсатинг,
Америка очум ишлаб Роботдек.

Йилларнинг бўйнига занжир осилган,
Кишандбанд маҳбусдек кетаётир жим.
Бечора тарихнинг тили кесилган,
Унга навбат бермайди ҳеч ким...

Йўқ!!!

Ачшиманг менга.

Ёрдам керакмас!

Одамзодга фақат кўмаклаш, бас, денг.

Менга ёлғизликдир дўстлар олий дарс,

Менга "ЁЛГИЗЛИК"дек мукофот беринг...

ҲАЁТ ТЕМИРӢЎЛМАС...

Кўчада кўрасан,
 Елиб югуриб,
 Юзидан ғамсиздек юрган одамлар.
 Қаёқдан биласан, сенга жилмайиб,
 Ӯзи не ташвишда юраркин улар.
 Бировга чивиндек озор бермайин,
 Ноҳақ зардаларга чидаганлар бор.
 Юзидан бировга ҳеч билдирмайин,
 Ӯзгалар ғамида йиғлаганлар бор.

Ҳаёт темирӣўлмас,
 Изидан юрсанг...
 Борар манзилига чипта сотмайди.
 Гоҳо пешонангга тўппонча тираб,
 Илтимос қилсанг ҳам сени отмайди.
 Одамлар,
 Одамлар...
 Энг мавҳум қатлам.
 Кўнглим эшигининг бузилди зулфи,
 Ақлим чархласам ҳам ўтмас бунчалар,
 Фалсафа сандигин очилмас кулфи.

Жилмайиб кўяман, ҳатто душманга,
 Дўстимга захримни сочаман гоҳо.
 Менга қолса, йўлбарс терисин шилиб,
 Мингта чумолига қилардим сарпо.
 Нега юрагини тингламас ҳеч ким,
 Ахир туғилмаслар авлиё бўлиб.
 Ёки юксалтириб техника илмин,
 Одамсан деб бўлмас роботга бориб.

Узр,
 Вақтингизни олдим беҳуда,
 Ахир бу мавзуда баҳслашмоқ бекор.
 Энди мен тушимда яшаб уйқуда,
 Кундузи ухлашга қилдим мен қарор.
 Уйлашдан чарчадим,
 Фалсафаданмас,
 Ё меъёрдан ошди расмиятчилик.
 Келажак йўлини ёруғ қилгайман,
 Аждодлар гўрида турмасидан тик...
 Ҳаёт темирӣўлмас,
 Изидан юрсам...

2009

ДАВЛАТ СЎРА ХУДОДАН...

Давлат сўра Худодан,
Давлат беради бир кун.
Омад сўра Худодан,
Омад беради бир кун.

Топилмай паноҳларинг,
Кўпайса гуноҳларинг.
Шафқат сўра Худодан,
Жаннат беради бир кун.

Кунларинг ўтмай қолса,
Яшагинг келмай қолса.
Мақсад сўра Худодан
Қисмат беради бир кун.

Бошинг чиқмай кулфатдан,
Чарчасанг ҳар иллатдан.
Ният сўра Худодан,
Неъмат беради бир кун.

Отни эгарламоққа,
Чўққилардан ўзмоққа.
Ҳикмат сўра Худодан,
Фурсат беради бир кун.

Кераксиз пул тилладан,
Юракдаги ўт афзал.
Бир дард сўра Худодан,
Журъат беради бир кун.

Эй Аҳад, бу турмушдир,
Буни кўплар кўрмишдир.
Тоқат сўра Худодан,
Савлат беради бир кун.

Давлат сўра Худодан,
Давлат беради бир кун.
Омад сўра Худодан,
Омад беради бир кун.

ТЎҚЧИЛИК ҒАВҒО ЭКАН

Мансабу бойлик эмас, дўст йиққан подшо экан,
Давлатинг ортганида дунман ҳам ошно экан.
Дил мулки бир кошона, ҳикмати дунё экан,
Дунё ишин ўйламанг пишмаган савдо экан,
Йўқчилик эмас дўстлар, тўқчилик ғавғо экан.

Ғаниминг кўп бўлса ғар, ортгани тош излама,
Ғамларинг кўп бўлса ҳам тўқкани ёш излама.
Ҳалол ризқингни кўйиб, ортиқча ош излама,
Қайда баднафс кўп бўлса, шайтон ҳам шайдо экан,
Йўқчилик эмас, дўстлар, тўқчилик ғавғо экан.

Бахтга тўлиб юрганинг кўролмайди баъзилар,
Нафас олмай ҳасадсиз туролмайди баъзилар.
Нечун ҳақиқатга тик қаролмайди баъзилар,
Номардининг кўзлари кўр, юзлари қаро экан,
Йўқчилик эмас, дўстлар, тўқчилик ғавғо экан.

Йўқчиликда бир бурда понга ҳам кўнар инсон,
Йўқчиликда сабр этиб ҳар дардга чидар инсон.
Тўқчиликда бойлик деб, балчиққа ботар инсон,
Тўқчиликда ортиндан топганинг игво экан,
Йўқчилик эмас, дўстлар, тўқчилик ғавғо экан.

Эҳ, бу тирикчилик деб, қанча йўлларни юрдим,
Эҳ, бу йигитчилик деб, қанча кунларни кўрдим.
Қисмат, шерикчилик деб, қанча йилларни бердим,
Дили борда дунё бор, нули бор гадо экан,
Йўқчилик эмас, дўстлар, тўқчилик ғавғо экан.

Аҳад, жонинг ғанимат, ўтар онинг ғанимат,
Олган нафасинг бойлик, тириклигинг бир неъмат.
Тахти подшоҳ бўлса ҳам, одамдан эмас қиммат,
Яхшиларга мол тугул, жонимиз фидо экан,
Йўқчилик эмас, дўстлар, тўқчилик ғавғо экан.

Мансабу бойлик эмас, дўст йиққан подшо экан,
Давлатинг ортганида душман ҳам ошно экан.
Дил мулки бир кошона, ҳикмати дунё экан,
Дунё ишин ўйламанг, пишмаган савдо экан,
Йўқчилик эмас дўстлар, тўқчилик ғавғо экан.

ЙИГИТЧИЛИКДА

Боши тошдан бўлсин эркакнинг доим,
Боласи оч қолса, қиёмат қойим,
Хотиннинг захридан асра Худойим,
Кўчага чиқади, тирикчилик-да,
Нималар бўлмайди йигитчиликда.

Кимгадир қучогин очади бозор,
Кимдир ҳунар билар, кимдир мардикор,
Киракашлик қилар машинаси бор,
Кимдир меҳнат қилар шерикчиликда,
Нималар бўлмайди йигитчиликда.

Қанча узоқларни яқин қиласан,
Тунроқни ҳам элаб, олтин қиласан,
Ўзингдан ўтганин, ўзинг биласан,
Тақдирга тан берма, бу йўқчилик-да,
Нималар бўлмайди йигитчиликда.

Ҳалол ризқинг териб, янги тонгни кут,
Умидни йўқотма, этагидан тут,
Бесамак кетказган умрингни унут,
Фанимат бўлар бу кун тўқчиликда,
Нималар бўлмайди йигитчиликда.

Аслида кўча ҳам битта мактабдир,
Ҳаётни ўргатар катта мактабдир,
Аҳад шоир излар, дўстлар, бир тадбир,
Шеърлар ёзгани йўқ, бир шўхчилик-да,
Нималар бўлмайди йигитчиликда.

ДУШАНБАДАН ЯКШАНБАГАЧА!

Ҳаётимни чамалаб кўрдим,
Қилинмаган ишларим қанча.
Кунларимни режалаб кўйдим,
Душанбадан якшанбагача.

Ҳисоб билмас жайдари эдим,
Ўзни вақтнинг измига бердим,
Бир юракни еттига бўлдим,
Душанбадан якшанбагача.

Бир жонимга етмишта мезон,
Нега вақтга бўйсунар инсон,
Кунлар, ойлар, йиллар қилди қон,
Душанбадан якшанбагача.

Кимлардир шод, кимлардир хафа,
Бир зум тинмай айланар ҳафта,
Дардга тўлди бу умр дафтар,
Душанбадан якшанбагача.

Душанбада дилга тўлар шаҳд,
Сешанбада гўё омад нақд,
Чоршанбада топганинда бахт,
Пайшанбада сарф этишдан қайт.

Жума айтар бўлди, энди вақт,
Эрта шанба, дам ол бир муддат,
Якшанбада охирги муҳлат,
Душанбадан якшанбагача.

ЖИЙДА ГУЛЛАРИ...

Богларда жийдалар яна гуллади,
Дилларни дилларга мангу бойлади,
Орзулар багрига бизни чорлади,
Согиндик, биз сени баҳор еллари,
Севгимизга гувоҳ жийда гуллари.

Кўнглим саройидан йўқолди гавҳар,
Гавҳарнинг ўрнида бор оғу заҳар,
Тақдир жумбоқлари чигал бунчалар,
Бизни адаштирди умр йўллари,
Севгимизга гувоҳ жийда гуллари.

Шайтон тузоғида мени овлади,
Дунё жилвалари кўзим боғлади,
Макру хиёнатга қалбим чоғлади,
Йўлларимдан чиқди ҳийла тўрлари,
Севгимизга гувоҳ жийда гуллари.

Бунда мен кўрмаган қолмади азоб,
Ростдан адаштираиб авради сароб,
Фанимим дўстман деб тутганда шароб,
Бу дарддан юракнинг оқди қонлари,
Севгимизга гувоҳ жийда гуллари.

Айрилиқда ўтган ҳар оним қийнар,
Хаёлим ҳар лаҳза сенга интилар,
Севгилим, сенчалик ким мени севар,
Гапирсин баҳорнинг бўлса тиллари,
Севгимизга гувоҳ жийда гуллари.

Сенингсиз бахт ярим, бу кўнглим ярим,
Ўзингсан қалбимда бебаҳо зарим,
Оллоҳим қайтаргин йўқотганларим,
Соғиндим, севгилим бахтнинг ҳидларин,
Согиндик, биз сени баҳор еллари,
Севгимизга гувоҳ жийда гуллари.

2010

ТАНЛАБ-ТАНЛАБ ТЕНГИНГИЗНИ ТОПДИНГИЗМИ?!

Тирик-Тасвир, Тушингизни Топдингизми,
 Тахтада Туриб Тожингизни Топдингизми,
 Тилло Тўла Тоғингизни Топдингизми,
 Тарози-ю Тошингизни Топдингизми,
 Тундан Тониб Тонгингизни Топдингизми,
 Танлаб-Танлаб Тенгингизни Топдингизми?
 Тўғримиди, Тушлардаги Таъбиримиз,
 Туташмади Тақдиримиз, Тақдиримиз,
 Талвасами, Ташвишмиди, Тадбиримиз,
 Тоқат Тилаб Тешилди-ку Томиримиз,
 Тирик-Тасвир, Тушингизни Топдингизми,
 Танлаб-Танлаб Тенгингизни Топдингизми?
 Товонимга Тикан Тиқиб Тилмангиз-эй,
 Тўхтамайин Тирнаб-Тирнаб Тиглангиз-эй,
 Тоза-Тоза Тилакларим Тинглангиз-эй,
 Тузоқ Ташлаб, Тўхатмангиз, Тўсмангиз-эй,
 Тахтада Туриб Тожингизни Топдингизми,
 Танлаб-Танлаб Тенгингизни Топдингизми?
 Тасодифан Тапишгандик Телба-Телба,
 Топишдигу, Тиллашмадик Тавба-Тавба,
 Тиниқ-Тиниқ Тунларимиз Тийра-Тийра,
 Талаффузлар Талабларга Ташна-Ташна,
 Тилло Тўла Тоғингизни Топдингизми,
 Танлаб-Танлаб Тенгингизни Топдингизми?
 Тафтингизга Тўйиб-Тўйиб Туролмадим,
 Тоқатим Тоқ, Танҳонимни Тополмадим,
 Тилни Тишлаб, Томоғимни Тишлолмадим,
 Туйгуларни Тарозига Танлолмадим,
 Тарозию Тошингизни Топдингизми,
 Танлаб-Танлаб Тенгингизни Топдингизми?
 Теплаккинам, Тўрт Томонга Тузоқ Тузиб,
 Тўкилмангиз, Ўзгинимга Тугун Тизиб,
 Тиринасиз, Тўфонлардек Тўсиб-Тўсиб,
 Термуласиз Тўзонларда Тўзиб-Тўзиб,
 Тундан Тониб Тонгингизни Топдингизми,
 Танлаб-Танлаб Тенгингизни Топдингизми?

2009



ЙИҒЛАМА, ҶЗИМНИНГ ФАРИШТАГИНАМ...

Мен учун ғам ютдинг, кўзларингда нам,
Не дарддан кўзларинг маъюс бунча ҳам,
Бахтнинг саройига бирга борамиз,
Йиғлама, ўзимнинг фариштагинам.

Ҳаёт кўчасида адашдим билмай,
Сенинг соф севгингни кўзларим кўрмай,
Айтгин, гуноҳимни мен қандай ювай,
Йиғлама, ўзимнинг фариштагинам.

Ношудман, қадрингни билмадим, кечир,
Ҳолинг не, деб бир бор сўрмадим, кечир,
Олдан оққан сувни кўрмадим, кечир,
Йиғлама, ўзимнинг фариштагинам.

Дардларим айтмоққа сўзлар етмайди,
Сени ўйламай бир оним ўтмайди,
Йиғласанг, кўнглимдан ҳасрат кетмайди,
Йиғлама, ўзимнинг фариштагинам.

Жондан кечганимдир, сендан кечганим,
Ёдимда севгимга қасам ичганим,
Етар, ўзи менинг йиғлаганларим,
Йиғлама, ўзимнинг фариштагинам.

Сеидан олисларда бўлдим не бўлсам,
Сени йиғлатгунча бўлмасми ўлсам,
Бир умр бағришни бахтга тўлдирсам,
Йиғлама, ўзимнинг фариштагинам.



ЭЙ ДЎСТЛАР

Бир елкада раҳмон, бирида шайтон,
Бирида ҳақиқат. бирида ёлғон,
Ўртада овора бечора инсон,
Кимдир боғ яратар,
Кимнинг қўли қон,
Зўр бўлсанг, йўлингга қўйишар қопқон,
Ким арслон, ким қуён, ким эса илон,
Эй дўстлар...

Меҳмонмиз, ахир, биз бу дунёга,
Ҳайронман боқиб ёлғон савдога,
Соғ бошингни кимлар қўяр ғавғога,
Осмонлардан боқар, синови боқий,
Май ҳам ўзидадир, ўзидир соқий,
Ишқ бу ибодатдир, ишқ бу илоҳий,
Эй дўстлар...

Кимни омад, кимни кулфат қаршилар,
Пок номинг тухматга қорар ваҳшийлар,
Бормисиз, қўл беринг, қани яхшилар,
Ҳаётнинг тўсиғу зарбалари кўп,
Ёмоннинг макрию, нағмалари кўп,
Умрнинг оқ-қора саҳналари кўп,
Эй дўстлар...

Эй дўстлар, айтинг-чи, манманлик нечун,
Эрта учун, дўстлар, не қилдик бугун,
Чорасизликда Аҳад йиғлар беун,
Оппоқ тонгларингиз этманг қаро тун,
Бу дунёга ҳеч ким бўлолмас устун,
Бахтнинг манзилидан бўлмайлик маҳрум,
Эй дўстлар...



ДОДИМИЗНИ КИМГА АЙТАМИЗ?!

Дўстим,
Йиллар бизни ташлаб кетмоқда,
Йўллар бизни ташлаб кетмоқда,
Диллар бизни ташлаб кетмоқда,
Додимизни кимга айтамыз.

Дўстим,
Нишлар бизга тегиб ўтяпти,
Тошлар бизга тегиб ўтяпти,
Ёшлар бизга тегиб ўтяпти,
Додимизни кимга айтамыз.

Дўстим,
Қадримизни тупроқ қилдилар,
Бахтимизни йироқ қилдилар,
Қабримизни сўроқ қилдилар,
Додимизни кимга айтамыз.

Дўстим,
Адабиёт ўляпти, дейсан,
Ижод кимга қоляпти, дейсан,
Дилим дардга тўляпти, дейсан,
Додимизни кимга айтамыз.

Дўстим,
Илҳом ўзи дард билан келар,
Дардсиз шеърлар сафсата бўлар,
Келажакка нимамиз қолар,
Додимизни кимга айтамыз.

ОНА ТУПРОҚ!

Меҳрим бордир саҳроларини, ҳар бир тошу, ҳар қояннга,
Бош эгиб таъзим айласам, ҳар бир хас бугдойпояннга,
Ўзга элни тенг кўрмасман, бир қатра нур, бир сояннга,
Айт, сени мендан ҳам кўпроқ, ким севар, эй она тупроқ.

Бир оҳ урсам, битта оҳим, етди-ку етти фалакка,
Бир кун яшаса-да қаранг, вагап бордир капалакка,
Она тупроқ бир гардингни, алишмам етмиш малакка,
Айт, сени менданам кўпроқ, ким севар, эй она тупроқ.

Таърифингга сўз айтмоққа, камдир ахир билганларим,
Сендан бир зум йироқ кетсам, қалбим ярим, бахтим ярим,
Ишон менга, эй онажон, ёлгон эмас айтганларим,
Айт, сени мендан ҳам кўпроқ, ким севар, эй она тупроқ.

Бободехқоним юзлари, оғам бўлиб кўрингайдир,
Ҳар учратган мунис аёл, онам бўлиб кўрингайдир,
Ҳар бир ўзбек юраги бир, олам бўлиб кўрингайдир,
Айт, сени мендан ҳам кўпроқ, ким севар, эй она тупроқ.

Биз ким бўлдик назар этмай, оддий элнинг ҳаётини,
Дунёларга танитмасак, Қонгарийнинг авлодини,
Ҳар лаҳзада ёлда тутсак, Навоийнинг баётини,
Айт, сени бизданам кўпроқ, ким севар, эй она тупроқ.

СЕВГИДАН КЕЧМАЙДИЛАР...

Чин ошиқлар ёлғондан,
Қасамлар ичмайдилар,
Кечини мумкин жондан,
Севгидан кечмайдилар.

Синовдан қочмайдилар,
Ҳавасга учмайдилар,
Бошқани кучмайдилар,
Севгидан кечмайдилар.

Йўлларини тўсанг ҳам,
Қўлларини кессанг ҳам,
Бўйинга дор оссанг ҳам,
Севгидан кечмайдилар.

Ишқнинг тафтидан тўйиб,
Кунда биттасин суйиб,
Жуфтини ёлғиз қўйиб,
Севгидан кечмайдилар.

Дейдики, ошиқ Аҳад,
Тақдирга кўнмоқлик шарт,
Ўйин эмасдир қисмат,
Севгидан кечмайдилар...

Чин ошиқлар ёлғондан,
Қасамлар ичмайдилар,
Кечини мумкин жондан,
Севгидан кечмайдилар.



СЕНГА ДЎСТЛИК ҚИЛАРМИКИН У?

Кимларнингдир кириб пўстига,
Айланиб энг содиқ дўстига,
Кейин оёқ қўйган юзига,
Сенга дўстлик қилармикин у?

Одам қадрин билармикин у,
Яхшиликни тилармикин у,
Ярим юртга панд берган шайтон,
Сенга дўстлик қилармикин у?

У шундайин зоти нокаски,
Шунчалар ҳам назари паски,
Кўнгил нима билмайди чунки,
Сенга дўстлик қилармикин у?

Боласидан манфаат қутган,
Отасига ҳар кун тош отган,
Хотинига онасин сотган,
Сенга дўстлик қилармикин у?

Худойимнинг ургани ҳам шу,
Икки дунё куйганидир бу,
Манфаатсиз нафас олмаган,
Сенга дўстлик қилармикин у?

Кимларнингдир кириб пўстига,
Айланиб энг содиқ дўстига,
Кейин оёқ қўйган юзига,
Сенга дўстлик қилармикин у?

СЕНГА ОНА БҮЛОЛМАЙДИ
ОНАНГДАН БОШҚА...

Гарчи бугун дўстларим жам бўлгани билан,
Бахтим бутун ё омадим кулгани билан,
Гоҳ шодликдан ярим кўнглим тўлгани билан,
Руҳи маладкор топмадим, отамдан бошқа,
Касби дуокор топмадим, онамдан бошқа.

Умр ўтмас ғалваларсиз бир текисликда,
Ким истамас яшамоқни тўқ тўқисликда,
Дўст тутинсам, гам ютинсам гоҳ минг ҳадикда,
Бир меҳри ошкор йўқ экан, отамдан бошқа,
Менга интизор йўқ экан, онамдан бошқа.

Баъзан дейман наҳот шунча чигалдир ҳаёт,
Фақат армонлар дастида тугалдир ҳаёт,
Болалик чоғларим қўмсаб, эсласам бот-бот,
Шўхлигимни кўтарган ким, отамдан бошқа,
Дардим дилдан ўтқарган ким, онамдан бошқа.

Вафода не сир-синоат гоҳо тушундим,
Бир жафокор ёр ҳажрида ёмон ўқиндим,
Чорасиз нолону ҳайрон кимга юқундим,
Бу ҳолимни ким англарди, отамдан бошқа,
Ҳасратларим ким тингларди, онамдан бошқа.

Парвозига қанот бўлдим бир бор дўстимни,
У-чи, элга дoston қилди каму кўстимни,
Сомон тиқиб тўлдирибди, тинмай пўстимни,
Гар йиқилсам тиргак борми, отамдан бошқа,
Ачингучи юрак борми, онамдан бошқа.

Устозим деб маҳкам тутдим бир зот этагин,
У менга уқтирмоқ бўлди ёлғон эртагин,
Шунда дедим бу синовдир, Аҳад, чидагин,
Сенга ота бўлолмайди, отангдан бошқа,
Сенга она бўлолмайди, онангдан бошқа.

Дўстлар, ҳар кимга пок ният йўлдоши бўлсин,
Бунда ўтган ҳар бир дамнинг ривожи бўлсин,
Инсонийлик тарафдорин иқболи кулсин,
Шунда йўлинг кўмиб кетмас, бирорта одам,
Ногоҳ кўзинг юмиб ўтмас, ёнингдан ҳеч ҳам.

2008



БУГУН ЎЗБЕК ҚИЗЛАРИГА НЕ БЎЛДИ?

Темур йиллаб кетса ватандан йироқ,
Самарқанд бошига бўлган шамчироқ,
Ҳам меҳрибон она, малика бўлиб,
Унутмаган аёллигини бироқ,
Бибихоним юзларига не бўлди,
Бугун ўзбек қизларига не бўлди?

Амирий шоҳ бўлган, ҳам шоир бўлган,
Жангларда ҳам доим у моҳир бўлган,
Шунча ақли билан, қудрати билан,
Фақат бир аёлга у мойил бўлган,
Нодиранинг сўзларига не бўлди,
Бугун ўзбек қизларига не бўлди?

Ҳар кун бир йигитнинг бўйнидан қучиб,
Молу давлатига, пулига учиб,
Ўзгаси керакмас, ҳаётимсиз деб,
Бесабаб бир кунда кетарлар кечиб,
Увайсийнинг изларига не бўлди,
Бугун ўзбек қизларига не бўлди?

Қодирийнинг элга пидоси қани,
Аёлнинг ибоси, ҳаёси қани,
Дунёни сотворар тўрт танга пулга,
Чет эллардан билмам излар нимани,
Кумушбиби позларига не бўлди,
Бугун ўзбек қизларига не бўлди?

Энди Ҳамза қабрида тик ётади,
Елкада қандайдир бир юк ётади,
Кимлар икки сатр ёлғони билан,
Ҳамид Олимжоннинг гўрич титади,
Зулфиянинг кўзларига не бўлди,
Бугун ўзбек қизларига не бўлди?

Бибихоним юзларига,
Нодиранинг сўзларига,
Увайсийнинг изларига,
Кумушбиби позларига,
Зулфиянинг кўзларига,
Бугун ўзбек қизларига не бўлди?

О, САБОҲАТ!

Дилдаги дард,
Жонга улфат,
Севдим деб айт,
О, Сабоҳат!

Бу Муҳаббат,
Кўнгилда хат,
Кетма фақат,
О, Сабоҳат!

Ишқ — бу қисмат,
Ишқ — бу ҳасрат,
Ишқ — бу жаннат,
О, Сабоҳат!

Қани омад,
Қани роҳат,
Қани тоқат,
О, Сабоҳат!

Ошиқлик бахт,
Қўйсанг ҳам шарт,
Шаҳдингдан қайт,
О, Сабоҳат!

Гуноҳим айт,
Дилим зулмат,
Бу ҳақиқат,
О, Сабоҳат!

ИШҚ

Савдолар ичра энг огиридир ишқ,
Башарнинг аввали охиридир ишқ.
Ишқ бу асли дунё ботини лекин,
Куйган кўнгилларнинг зоҳиридир ишқ.



КЕЛ, КЕЛ...

Беғуборим, беқарорим,
Кел, кел, кел...
Ёлғиз ёрим, интизорим,
Кел, кел, кел...

Суйганимни, куйганимни,
Йиғлаганим, кулганимни,
Сенга жоним берганимни,
Бил, бил, бил...

Бахтим шудир, бахтим шудир,
Сендай севгилим бор ахир,
Сен ёнимда бутун умр,
Қол, қол, қол...

Берганда гул, бағримда кул,
Менга бер қўл, менга бер йўл,
Лаблари бол, дилга ўт сол,
Остонагда бўлайин қул,
Бошгинамда ой каби тўл,
Кул, кул, кул...

Юрак ақл йўлин тўсар,
Қани ул малак деб қистар,
Сени сўрар, сени истар,
Дил, дил, дил...

Тинглаб шартин, билиб қадрин,
Тўғри англаб севги сатрин,
Сен Аҳаднинг ҳамма дардин,
Ол, ол, ол...

Гулрухсорим, бетакрорим,
Кел, кел, кел...
Бафодорим, умидворим,
Кел, кел, кел...



ШУНАҚАЯМ БЎЛАДИМИ ҚИЗ БОЛА?!

Мен бир ошиқ кучга тўлган бўз бола,
Лочинюракдирман, лочинқўз бола,
Бунча шўхлик сизга нимага керак,
Шунақаям бўладими қиз бола.

Гоҳо манга қош қоқиб ўтасиз-да,
Юрагимга ўт ёқиб ўтасиз-да,
Елиб шамолдай, учиб хаёлдай,
Сой каби шўх оқиб ўтасиз-да.
Шунақаям бўладими қиз бола.

Нега сўзларимни кесасиз тинмай,
Атай, йўлларимни тўсасиз тинмай,
Қасддан, қийнайсиз айтганимга қўнмай,
Шунақаям бўладими қиз бола.

Тилим тўла нола, дил тўла нола,
Мени танлаш ўзингизга ҳавола,
Севдим десам, яна кулиб-кулиб, воҳ,
Шунақаям бўладими қиз бола.

Манзил бўлак экан, йўлимиз бўлак,
Сиз деб бедор юрак, сизга зор юрак,
Бир кунда киясиз етти хил қўйлак,
Ҳафтада қиласиз етмиш хил турмак,
Шунақаям бўладими қиз бола.

Ойбарчиндан ўтиб кетди шартингиз,
Тополмайсиз Аҳадлайин мардингиз,
Тошданмиди нозиккина қалбингиз,
Шунақаям бўладими қиз бола?!

УСТОЗИМГА

(бағишлов)

Илму тафаккурдан дилга йўл очган,
Қалбларга бемишга меҳрини сочган,
Гўё қуёш тафти юзида кўчган,
Сиз сабаб ҳар маҳал баланд парвозим,
Бахтимга бор бўлинг, азиз устозим!

Шогирдлар камолин ўйлаб туну кун,
Ҳаловат билмасдан бағрин этиб хун,
Келажак авлоднинг тақдири учун,
Жонин аямаган бўлганда лозим,
Бахтимга бор бўлинг, азиз устозим!

Ким учун дунёда шуҳрати азиз,
Кимгадир ҳақ йўлда заҳмати азиз,
Сизга-чи эл-юртнинг раҳмати азиз,
Мудом баланд эрур сизга эъзозим,
Бахтимга бор бўлинг, азиз устозим!

Зулматда шамчироқ йўлни ёритар,
Илм ҳар лаҳзада бизга қор этар,
Интиланганга доим омад ёр этар,
Кўзим олисдадир қўлимда созим,
Бахтимга бор бўлинг, азиз устозим!

Тинглашга улгурмай қалбин сасини,
Англайди ўзгалар дил поласини,
Баъзан эркалолмай ўз боласини,
Бизларга бахш этган баҳору ёзин,
Бахтимга бор бўлинг, азиз устозим!

Инсонга дуч бўлган турфа хил йўллар,
Ғоҳи тоғлар ошса, тоҳ кезар чўллар,
Баъзан таъқиб этса, чақмоқлар, дўллар,
Ҳеч вақт адашмаган ақл тарозим,
Бахтимга бор бўлинг, азиз устозим!

АҚЛИ ОДАМЛАР

Нозирлар тап тотмай йўл меники, дер,
Шоирлар уялмай дил меники, дер,
Маъшуклар мақтаниб, гул меники, дер,
Менсирамоқ, дўстлар, бизга ярашмас,
Ақлли одамлар дунё талашмас.

Кўйиб берсанг агар савдо аҳлига,
Доим бўйсунали битта нақлга,
Бозор таянармиш улар ақлига,
Омонат бир жонсан гавго ярашмас,
Асли йўқ парсага даъво ярашмас.

Ёки сўз берсангиз шифокорларга,
Тиб олами ичра фидокорларга,
Мен мадад бўлмайман дер беморларга,
Асл фидойилар ўрин сўрашмас,
Ақлли одамлар дунё талашмас.

Навбат тегиб қолса аҳли илмга,
Олам суянгайдир дейди билимга,
Майдонда шер бўлмоқ ёқмайди кимга,
Мақсад эски дўкон тубин қавлашмас,
Ақлли одамлар дунё талашмас.

Балиқлар денгизин даъвосин қилса,
Осмонлар юлдузин даъвосин қилса,
Дарахтлар иллизин даъвосин қилса,
Яшамоқдан маъно фақат курашмас,
Ҳақиқатга нечун тикка қарашмас.

Ўрин очсангиз гар маданиятга,
Фақат биз керакмиз, дер жамиятга,
Сапъат жон бағишлар одамиятга,
Мақсад майдон узра нукул сайрашмас,
Сўзини сўзга уриб мантиқ қайрашмас.



Эътибор қилинг-а учувчиларга,
Тупроқдек хоксор қурувчиларга,
Бирдек юрт дардида юрувчиларга,
Ҳар куни минбарда жавраб туришмас,
Лекин чет-четларда хаёл суришмас.

Аскарлардек элни ҳимоя элтар,
Офату балодан ким соя элтар,
Юксакларга асл ҳур гоя элтар,
Дилда ўти борлар йўлдан чалкашмас,
Ўзин ўйлаб халқни асло алдашмас.

Дўстлар, биродарлар, ога-инилар,
Аҳад ҳаммангиздан бир истак тилар,
Бирлашмасак эрта қиёмат бўлар,
Ёлғиз от қачон чанг чиқара олган,
Ботқоқдан ўзин ким қутқара олган...

АЙТИНГ, МЕН НЕ ҚИЛАЙ?

*(биринчи китобим чиққанида раҳматли бувижоним ва синглим
Меҳринисога атаб ёзган ҳазил шеърим)*

Китобим босмадан чиқди ниҳоят,
Шеърларим кетдилар бир-бир тарқалиб,
Баъзиси ўз номин қилса ҳимоят,
Баъзиси ортимдан этишар таъқиб.

Мана, мисол учун бугун эрталаб,
Қўққисдан телефон жиринглаб қолди,
Ўйладим, ҳойнаҳой. бу Дилшод Ражаб,
Байрам деб шогирдин эсига олди.

Кўтарсам, во ажаб, бувим эканлар,
Дейдилар: ақдан, болам, озибсан.
Менга деб битта шеър битмабсан ақал,
Қандайдир қизларга дoston ёзибсан.



Ёки кеча оқшом дўкон ёнида,
Бир ҳофиз дўстимни учратиб қолдим,
У дейди: бизга ҳам ёзинг гоҳида,
Айнан шу томондан қийналиб қолдим.

Китобим қўлига етгани замон,
Шу заҳот уйимга келибди синглим,
Дер "Ака, қишлоққа қайтайлик омон"
Шаҳарда заррага йўқ менинг кўнглим.

Кеча онам билан гаплашган эдим,
Акангдан хабар ол, қизим, дедилар,
Акам ижодига шўнғиган, дедим,
Келмаса, бораман ўзим дедилар.

Айтинг, мен не қилай? Менинг айбим не?
Ҳаётни борича куйлаганимми,
Ёки сарсон излаб асл санъатни,
Ватаним эртасин ўйлаганимми?

Йўқ, ахир бўлмайди бундай яшамоқ,
Ким гапирар ўйланг, биз ўтирсак жим,
Майли, ҳақни айтиб йиртилсин томоқ,
Шу элга садқадир оташин қалбим.

Маида-чуйда ҳислар менга бегона,
Синглим, сен бувимга ўзинг тушунтир,
Юртни тилга олиб битган ҳар сатрим,
Уларга аталган энг яхши шеърдир.

ЭРКАК КИШИНИ...

Дунёга келдикми,
Билинг эй дўстлар,
Икки душмани бор, эркак кишини.
Бири манманликдир, иккинчиси тил,
Тўхтатади юриб турган ишини.

Дунёга келдикми,
Билинг эй дўстлар,
Иккита дўсти бор, эркак кишини.
Бири оиласи ва ҳалол меҳнат,
Шулар бўлса эгиб юрмас бошини.

Дунёга келдикми,
Билинг эй дўстлар,
Икки омади бор, эркак кишини.
Вафодор аёл ва энг содиқ бир дўст,
Йўқса ҳаёт синдиради тишини.

Дунёга келдикми,
Билинг эй дўстлар,
Икки кулфати бор, эркак кишини.
Биринчиси жаҳл, иккинчиси нафс,
Ҳар инсон асрасин асаб гиштини.

Дунёга келдикми,
Билинг эй дўстлар,
Иккита қарзи бор, эркак кишини.
Бири онасидан кейин Ватандан,
Шу қарзга сарфласин билак кучини.

Дунёга келдикми,
Билинг эй дўстлар,
Икки бойлиги бор, эркак кишини.
Бири фарзандидир, иккинчиси бу,
Хотиржамлик қаригмайди ёшини.

Дунёга келдикми,
Билинг эй дўстлар,
Икки қаноти бор, эркак кишини.
Биринчиси иймон, кейин соғлиқдир,
Шулар келтиради омад қушини.

Дунёга келдикми,
Билинг эй дўстлар,
Иккита. бахти бор, эркак кишини.
Аёл эмас эркак бўлиб туғилган,
Иккинчиси олар аёл хушини.

Аҳад Қаюм айтар
Билинг эй дўстлар,
Икки устунни бор, ижод аҳлини.
Бири чин мухлислар ва истеъдоддир,
Санъаткор шулардан сезар бахтини.

Дунёга келдикми
Билинг эй дўстлар,
Икки тулпори бор эркак кишини.
Бири касби ҳунар ва ниятидир,
Йўқотмасин асло йигит шаҳдини.

Дунёга келдикми,
Билинг эй дўстлар,
Икки позик жойи бор, ҳар бир кишини.
Икки жағ ва икки оёқ орасин,
Асрамоқлик ҳар кимнинг юмушидир...

Дунёга келдикми,
Билинг эй дўстлар,
Икки душмани бор, эркак кишини.
Бири манмағликдир, иккинчиси тил,
Тўхтатади юриб турган ишини.



ЭРКАК ЙИҒЛАМАСИН!

Берар ҳам Худодир, олар ҳам Худо,
Эркак йиғламасин давлат кетса ҳам.
Ҳеч кимса бўлмасин бахтидан жудо,
Эркак йиғламасин, омад кетса ҳам!

Берганда шукр қил, олганда сабр,
Шошилиб ўзинга қазмагин қабр.
Йигитчилик дарсин уқмасдан ахир,
Эркак йиғламасин, фақат синса ҳам!

Йиқилсанг, устингдан кулади номард,
Аслида айбинг йўқ биледи номард.
Шошма, ўзи қайтиб келади номард,
Эркак йиғламасин, душман кулса ҳам!

Бошига тушганда ногоҳ қаро кун,
Йўлида учраса, бир дўсти сотқин.
Эй ҳаёт, эгмагин ҳеч қачон қаддин,
Эркак йиғламасин, савлат кетса ҳам!

Йигитга не керак, бир чин дўст керак,
Йигитга не керак, ёруғ юз керак.
Мол давлати номус ори бўлса бут,
Йигитга не керак, бир гулюз керак!

Эй аёл, эркакнинг умрин қил обод,
Эй аёл, эркакнинг этгин қалбин шод.
Эй аёл, бахтини қилмагин барбод,
Эркак йиғламасин, чин бахт кетса ҳам!
Эркак йиғламасин, чарчаб кетса ҳам!

Йиғламай бўлмайди, тухмат зарбидан,
Йиғламай бўлмайди, ҳасад жабридан.
Йиғламай бўлмайди, аёл макридан,
Эркак йиғламасин, иззат кетса ҳам!



Бир кун совуқ, бир кун чўғи бор экан,
Турмушнинг бори бор, йўғи бор экан.
Ота деган номин булғаса фарзанд,
Эркак йиғламасин, кулфат келса ҳам!

Йигитнинг парвозда қаноти дўстдир,
Йигитнинг сўнги дам нажоти дўстдир.
Йигитнинг ҳаёти мамоти дўстдир,
Эркак йиғламасин, чин дўст кетса ҳам!

Пул бор жойда билинг, дўст бор, душман бор,
Пул бор жойда билинг, рост бор, ёлғон бор.
Пул бор жойда билинг, нафс бор, шайтон бор,
Эркак йиғламасин, дўст панд берса ҳам!

Бойлик адашмоқлик учунми айтинг,
Бойлик, ҳатто бахтдан устунми айтинг.
Бойлик бу ҳаётга мазмунми айтинг,
Эркак йиғламасин, ғийбат бўлса ҳам!

Онасин ҳақорат қилганни кўрдик,
Хотини хиёнат қилганни кўрдик.
Фарзанди жиноят қилганни кўрдик,
Эркак йиғламасин, бу дард келса ҳам!

Йиқилганда қочса қону қариндош,
Эй йигит синмагин эгиб юрма бош,
Белга белбоғ бўлсин доим сабртош,
Эркак йиғламасин, мадад кетса ҳам!

Кимдир кўролмаса турган жойингни,
Бошинг силаб мўлжалласа пойингни.
Улфат бўлиб огулатиб чойингни,
Эркак йиғламасин, ким паст кетса ҳам!

Тиллага ўч бўлмоқ аёлнинг касби,
Эр-йигит ҳаромдан қочади асли.
Ўқсинмас йўқотса дуру зар қасрин,
Эркак йиғламасин, зийнат кетса ҳам!

Бахтинг кесмоқ бўлса ичи қоралар,
Сочинга шу гамдан минг оқ оралар.
Юздан ёшлик қочса дилинг поралар,
Эркак йигламасин, қувват кетса ҳам!

Бошинга минг синов синоат келса,
Кўздан уйқу қочиб ҳаловат кетса.
Ишларинг юришмай бошга дард етса,
Эркак йигламасин, роҳат кетса ҳам!

Бир манман мақтанса ўртага кириб,
Мендан зўри йўқ деб кўксини кериб.
Камситмоқ бўлса гар сени наст кўриб,
Эркак йигламасин, кам-кўст бўлса ҳам!

Муҳаббатга атаб кўнгли зориши,
Ишқнинг дунёсига берса борини,
Дил куйиб, йўқотиб қўйса ёрини,
Эркак йигламасин, гуноз кетса ҳам!

Йигитга не керак, бир чин дўст керак,
Йигитга не керак, ёруғ юз керак.
Мол давлати номус ори бўлса бут,
Йигитга не керак, бир гулюз керак!

Йигламасин бахти тоҳ чалкаш бўлса,
Ишонган дўстлари майдакаш бўлса.
Ҳеч кимга ишонмай кўнгли ғанн бўлса,
Эркак йигламасин, ёлғиз қолса ҳам!

Йигитни йўқ қилар ҳаром ўйинлар,
Битта хатонинг ҳам сени йўқ қилар.
Сабр қил бир кунн омадинг келар,
Эркак йигламасин, ожиз бўлса ҳам!

Дардингни берар ҳам олар ҳам ўзи,
Сарғаймасин қарзлар ҳеч кимнинг юзи.
Меҳнатдан тўхтамо вақт ўзи қози,
Эркак йигламасин, минг қарз бўлса ҳам!

Кувонма кўчангда бўлса ҳам байрам,
Байрамнинг оргидан келади мотам.
Йиқилсанг, устингдан кимдир кулса ҳам,
Эркак йиғламасин, ҳеч вақт,
Ўлса ҳам!

Тирноғинг остидан нзлаб ким иллат,
Қилган яхшилигин қилса ким мишлат.
Кечаги қарзинг деб номинг этар наст.
Эркак йиғламасин, ҳурмат кетса ҳам!

Ҳаёт ўйинлардан иборат майдон,
Зўр бўлсанг йўлингга қўйинлар қонқон.
Кўрқмагин пойнингга чирмашса плон.
Эркак йиғламасин, журъат кетса ҳам.

Дунёда ҳеч кимдан олмагин қасос,
Худога сол, қайтар дунё бордир рост.
Ҳар бир қаламингни доим ўйлаб бос,
Эркак йиғламасин, мансаб кетса ҳам!
Эркак йиғламасин, асаб кетса ҳам!

Сабр қилинг ўтар йўқчилик келса,
Шукр қилинг агар тўқчилик келса.
Ўксимасин кимдир қалбин синдирса,
Эркак йиғламасин, ният кетса ҳам!

Ҳаёт, кўп йиғлатдинг Аҳад Қаюмни,
Эшитгин эй дўстим дилда орзуимни,
Қийнамасин фарзанд доғи ҳеч кимни,
Эркак йиғламасин, фарзанд кетса ҳам,
Жигарбағди уни ташлаб кетса ҳам!

Берар ҳам Худодир, олар ҳам Худо,
Эркак йиғламасин давлат кетса ҳам.
Ҳеч йиғит бўлмасин бахтидан жудо,
Эркак йиғламасин, омад кетса ҳам!



**ЭРКАКСАН – ЭРКАКНИНГ
ИШИНИ ҚИЛГИН!**

Аёл муҳаббати бу биллур қадаҳ,
Унинг севгисига хиёнат қилма.
Кўнгил жароҳати тузалмас ҳеч вақт,
Ўзингдан аёлнинг қадрин паст билма.
Қиз қалби нозик гул, авайлаб билгин,
Эркаксан – эркакнинг ишини қилгин!

Кимдир қўлин чўзса яхшилик учун,
Дўстлик ишончини арзонга сотма.
Ўйла, бу дунёга келгансан нечун,
Муҳими ҳурматинг асра, йўқотма.
Мардларнинг ёнида мардлардек тургин,
Эркаксан – эркакнинг ишини қилгин!

Ўрмонга дод солиб мен шерман дейсан,
Думинг ликиллатиб тулкига ўхшаб.
Шоқоллар ичида нима қиласан,
Нима керак айтгин бунақа яшаб.
Ҳайвонларга қўйгин ўрмоннинг сирин,
Эркаксан – эркакнинг ишини қилгин!

Унутма айби йўқ тирикчиликни,
Эй дўст, сўзларимни кулоққа илгин.
Ҳалол бўл эшшакнинг ишин қилсанг ҳам,
Эркаксан – эркакнинг ишини қилгин!

Эркакка ўхшаган аёллар кўпдир,
Кўрдим аёлсифат эркакларни ҳам.
Аҳад Қаюм ҳайрон нима ҳам дердим,
Тилим лол тушунмай қолдим дўстгинам.
Майли, ота-бобонг қилганин қилгин,
Эркаксан – эркакнинг ишини қилгин!

Аёл муҳаббати, бу биллур қадаҳ,
Унинг севгисига хиёнат қилма.
Кўнгил жароҳати тузалмас ҳеч вақт,
Ўзингдан аёлнинг қадрин паст билма.
Қиз қалби нозик гул, авайлаб билгин,
Эркаксан – эркакнинг ишини қилгин!

ОТАНГ ҚАДРИГА ЕТГИН...

Ўйлагин бу қисматнинг бешавқат қилмишларин,
Мудом бири кам бўлган бу оламнинг ишларин,
Меҳр қўйиб бу тўрт кунлик дунёга сен эй фарзанд,
Қадрла ота онанг, асра оппоқ сочларин,
Отанг қадрига етгин, отанг ўлмасданг аввал,
Отанг қадрига етгин, отанг ўлмасданг аввал.

Кекса тан, хаста бемор, оҳ ноилождир улар,
Ёлғизлатиб қўймагин, сенга муҳтождир улар,
Ким учун шу куйга тушиб ёшлигини йўқотди,
Энди дастурхон тўрида дуога бошдир улар,
Отанг қадрига етгин, отанг ўлмасданг аввал,
Отанг қадрига етгин, отанг ўлмасданг аввал.

Майли қора қозон деб, бола чақам деб югур,
Ҳаётда бекам яша, дўстим барига улгур,
Қилгин кўнгил зиёрат, ҳар кимсага оқибат,
Вақт топиб ҳар кунда бир, онангдан хабар олиб тур,
Олиб қўймасдан тақдир, отангдан хабар олиб тур,
Отанг қадрига етгин, отанг ўлмасданг аввал,
Отанг қадрига етгин, отанг ўлмасданг аввал.

Инсоннинг қабрин эмас, қадрлаш керак қалбин,
Ўлигида йиглама, тиригида бил қадрин,
Сендан кейин фарзандинг, дилбандинг жигарбандинг,
Ўргансин сенга қараб ҳаётнинг ҳар бир дарсин,
Отанг қадрига етгин, отанг ўлмасданг аввал,
Отанг қадрига етгин, отанг ўлмасданг аввал.

Аҳад Қаюм истайди, дўстлар фақат бир тилак,
Бори авлоди башар, бўлсин бир жон бир билак,
Отамиз соғ бўлса гар, онамиз соғ бўлса гар,
Ҳаётдан мазмун сезиб, яшайди шунда юрак,
Отанг қадрига етгин, отанг ўлмасданг аввал,
Отанг қадрига етгин, отанг ўлмасданг аввал.

Сўзбоши	3
Сиздан айрилсам	5
Ибодатга қайтар мени!	6
Меҳр тиладим	7
Санъатим	8
Эртага не бўлар	8
Дийдор ғанимат	9
Мени йиғлаб соғинма	9
Оқ кўнгиллар	10
Ҳеч кимса кўрмасин фарзанд доғини	11
Одлоқ бизни қўллагайдир	12
Орзу	13
Ёлғизлик яхшидир, ёлғизлик яхши	14
Оддий фалсафа	14
Телефондаги суҳбатдан:	15
Ишқ сурати	15
Таниш рақамлар	16
Телефонга югурар қўлим	17
Сабоқ!	17
Хиёнатни кечирмайман	18
Замонавий шиор! (Ҳазил)	18
Уни бошқа учратмадим	19
Йиғласанг	19
Сени эртага ҳам кўрармикинман?	20
Севмайман, деб қандай айтаман	21
Севмаганман сизни ҳеч қачон	22
Яна севармикинман	23
Бошқасин севмасмикин?!	23
Сенсиз	24
Нима қилай, ахир, уни севаман	25
Ўзганинг ёрига кўнгил кўйибман	26
Сиз фақат меникисиз!	27
Бойлик деб	27
Ёлғизшам	28
Ҳайҳот	28
Муҳаббат қадрини билмаган	29
Бунча маъюссан?	30
Севаман!	31
Ёдимда бўлсанг, бас	31

Қирқта ваъда	32
Онам мени дард билан туққан	33
Одамнинг захрига даво не булар?!	34
Тескари дунё	34
Менга фарқи йўқ	35
Эҳ!!!	35
Бир тараф	36
Онам маслаҳати	36
Агар чин юракдан севсанг кимнидир	37
Севгилим, айрилиқ бунчалар ёмон	38
Сизни наноҳида асрасин худо	39
Кўхна ҳақиқат	39
Яна ҳаётга қайтдим... ..	40
Сизда гуноҳ йўқдир, ўзимдан ўтди	41
Нодон	41
Рухсат беринг	42
Дўст шундай бўларки... ..	43
Ҳаммаси яхшийди... ..	43
Оқ кабутар... ..	44
Агар аёл хиёнат қилса	45
Бир шонр туғилди... ..	45
Сиздек дўстим бор эди менга	46
Йўллар тузоқ	46
Уни унутмоқчиман	47
Мени ёқтирардинг	48
Ҳаммаданам кўпроқ севаман сани	49
Нима қилдй бахтли бўлишинг учун	50
Ҳой қиз	51
Онам кўрганнда шу кунларимни	52
... Ота-онам умридай	53
Қизик	53
Барчинининг рўмоли қани?	54
Сизсиз Аҳад хор бўлмади	55
Муҳаббатининг сўнги — ўлим... ..	55
Дардимни сўраман	56
Худо сизга берсин менни бахтимни	56
Дунё	57
Дўстларимга хор бўлган куним... ..	58
Дард бирталай	58
Баҳор	59
Йиглайман	60

Нега фақат бизни...	61
Тўйинг куни севиб қолсанг бошқани	62
Гоҳо яхшилар умри қабрдан бошлангайдир.	62
Мен кутган аёл	63
Дўстимга насиҳат	63
Севги йўқ, деб сенга ким айтди?	64
Бухородан кета олдим-у...	64
Умринг ўтказма увол	65
Отамга хат	66
Дардимдир бахтим менинг...	67
Отамнинг дўстлари отамдай азиз	68
Яшашни бил	69
Қачонгача бундай яшаймиз?	70
Бёй қўлингни оғзингга тикма	71
Қаноат қил	72
Янги ҳаёт кошонаси қутлуғ келсин!	73
Ўзимдан ўтгани...	74
Жуда олисдасан...	74
Тўйиб кетдим	75
Худо урсин, деб қаргаманг	75
Шўқр оллоҳим	76
Бугун, балки...	77
Сизни жуда яхши қўраман...	78
Қалбим сизда яшар...	79
Ўсимимни такрорла...	79
Аслида...	79
Алданган қиз	80
(Ҳазил шеър)	81
Бахтли қил, тинчгина ётай қабримда!	82
Сени севаман, денг...	83
Дўстлар борки...	84
Аёлнинг ташвиши эмас бу...	85
Сени ростдан севиб қолгандим...	86
Нега сендан дарак йўқ...	87
Севги	88
Бошқасига уйландим...	89
Сизга ўхшаган қиз кимни севади?!	90
Уйқум келмаяпти	91
Бир юракда иккита сеvgи...	93
Иккинчи муҳаббат...	94
Йиғлама дил, у келмайди...	95



Тополмадим	96
Айрилиқ қонунми ишқ китобида	97
Бизларга нима қипти	98
Севиб қолгим келяпти	98
Қачон кўришамиз	100
Мен каби девона йўқ	101
Кулишни истасанг	101
Оҳ юрак, юракжон	102
Сенсизликда девона бу дил	103
Камбағал бошини қаерга урсин?	104
Соат тинмай чиқиллар	105
Мабодо	106
Керак экан қора ҳам демак	107
Соғинч бизни соғиниб қолар	108
У менинг қабрим эди	109
Қизғалдоққа айлансайдим	110
Душман деб билганим дўст бўлиб чиқди	110
Дўстим ҳам сен, рақибим ҳам сен	111
Алам бўлди	111
Девонаман	112
Адо қилдинг	113
Бевафодур	114
Дилим	115
Аёлга не керак?	115
Айтолмадим	116
Севги изҳори! (Монолог)	117
Талпиниб бир-бирин истар кўнглимиз	118
Қайтадан танишамиз	119
Ота-она дуоси	120
Онам мени кута-кута зериккан	121
Қаранга-а-а	121
Она	122
Икки ўт ичида яшашдан тўйдим	123
Ўзимга насиҳат	124
Бу ҳаёт биз учун нима, одамлар	125
Йўлинг бўлсин	126
Кўнглим	127
Баъзилар	128
Маида ташвишлар	129
Қадр топмаса	130
Яхшиликка	131

Дўст	131
Кимгадир гул насиб, кимгадир тикан!	132
Ўтган асримизда... ..	132
Нечун севганимга ишонмайсан, ёр?	133
Нилуфар	134
Шаҳд ўсиб бораверар	134
Элармикасан?!	135
Энг биринчи севгим ўзинг... ..	136
Қайтишинг рост-ку... ..	137
Соғинасан... ..	138
Кўнглингизга олманг хатоларимни... ..	139
Борим шу... ..	140
Ҳазил-ҳазил билан... ..	141
Душманларим хурсанд бўлсинг деб... ..	141
Сизни севаман	142
Севги деб... ..	142
Йигирма йил ўтса ҳам... ..	143
Уйғонишдан қўрқмап... ..	143
Сочларинг савдоси... ..	144
Севиб қолдим	145
Даври келса... ..	145
Қўймадингиз, қўймадингиз-да	146
Бухороча муҳаббаг	147
Нега йиглайсиз, она... ..	147
Айтдим қўйдим-да	148
Севги гўзал туйғу... ..	148
Севсанг севмасанг	149
Мени излагин	150
Боғбон кўпайди (Э.Воҳидова)	150
Гулираъно	151
Билдим... ..	151
Нўмадир етмаяпти	152
Бэяпман	152
Ўзинга ўхшаган синглинг иўқмикин	153
Ойлар	153
Оқ либосда, учиб кетдинг, оққушдек	154
Сенга уйланомайман... ..	154
Насибам	155
Тилло узук	156
Ўлган севгимизни қайга кўмаман... ..	157
Гап бўқда экан-да	158

Шаббола	159
Бизга ҳали бор экан...	160
Ижарада	161
Буни есвги дейдилар...	162
Юлдузни соғиндим...	163
Дарвешона	164
Соғиниб қайтдим	165
Хатолар суратин қучган азоблар (туркум) I	166
Хатолар суратин қучган азоблар (туркум) II	167
Хатолар суратин қучган азоблар (туркум) III	168
Муножот	169
Бефарзанд аёл	170
Ўзбегимнинг туйи...	171
Қадаҳ	172
Туғилган кун	173
Туйдан кейин	174
Мен каби ёлғизмисан	175
Айтинг-чи, эртага биздан не қолар?	176
Яхши одам	177
Атрофимизда	177
Дўстлар насиҳати	178
Зарсандиқ	180
Юрибмиз-ку мана, ўлганимиз йўқ	181
Қиёматда шоҳу гадо тенг экан	182
Бугун дунё бошқача	183
Нега ўйламай	184
Ўз ёғимга ўзим қоврилаяман	185
Ҳеч кимга куним қолмасин	186
Тинч қўйинг	188
Барча айб ўзингда, эй ожиз банда!	189
Умримизни эҳсон қиламиз	190
Ҳали биз ҳаммага керак бўламиз	191
Яхшилар, асрайлик имонни	192
Гоҳида душманим дўстимдан марддир	192
Айбим нимада менинг?	193
Гуноҳларим дарё, дарё	194
Ўзинг менга раҳм қил, худо	195
Менинг ўз йўлим бор	195
Тўғри йўлга тушмоқ қийин	196
Ёмонга яқин юрма	197
Дунёнинг ишлари	198

Ёлғиз аёл... (Зулайҳо Бойхоновага)	199
Дўстим, умринг ўтмасин ёлғон	200
Қачонгача бундай яшаймиз?	201
Эй нафс!	202
Юракни қаритманг, азизлар!	203
Ҳеч ким топганини олиб кетмайди	204
Не фойда	205
Учратар	206
Бошинг олиб қайга кетасан?	207
Умринг увол, қадринг арзондир	208
Бизнинг театр (Баҳодир Йўлдошга)	209
Тарбия	210
Бухоро деб... (Садриддин Салим Бухорийга)	212
Бухоро	213
Яшаса тоабат, Ватан яшасин!	214
Ватан нима	215
Дерларки остонадан бошланар Ватан	216
Ватанимни соғинаман, Ватанимни	217
Сўнги кўнғироқ	218
Аввало, инсон бўл...	219
Мени сев...	221
Агар ўлсам...	221
Чиройлигим...	222
Қор ҳам ёнар...	222
Мактублар	223
Беғим деманг, бегойим	225
Соғиниб...	226
Агар аёл истаса...	227
Дунёда энг гўзал аёл ким...	228
Қизми бу, кийикми бу?	229
Сени ўйлаб!	230
Соғинч	230
Бизники юракмасми?	231
Кўзёшлар	231
Ўртамиза битта хато бор...	232
Дўстим менга хиёнат қилди...	232
Билмайман дейсан...	233
Афсус...	233
Муносабат	234
Оқибат йўқолди нечун?	235
Ёлғизман!	237

Яхшилик қолар!.....	238
Яна соғиндим, яна.....	240
Кута-кута кўнди кўнгил.....	241
Ман, яна ман... ..	242
Эй дўст!.....	243
Қадамлар ҳикмати.....	244
Оқибат.....	245
Синишимни соғинди кимлар... ..	245
Кимнидир севганмисан?!.....	248
Ёлғизлик.....	249
Ҳаёт темирйўлмас.....	250
Давлат сўра худодан... ..	251
Тўқчилик гавго экан.....	252
Йигитчиликда.....	253
Душанбадан якшанбагача!.....	254
Жийда гуллари... ..	255
Танлаб-танлаб тенгингизни топдингизми?!.....	256
Йиғлама, ўзимнинг фариштагинам... ..	257
Эй дўстлар.....	258
Додимизни кимга айтамыз?!.....	259
Она тупроқ!.....	260
Севгидан кечмайдилар... ..	261
Сенга дўстлик, қилармикин у?.....	262
Сенга она бўлолмайди онангдан бошқа... ..	263
Бугун ўзбек қизларига, не бўлди?.....	264
О, Сабоҳат!.....	265
Кел, кел... ..	266
Шунақаям бўладими қиз бола?!.....	267
Устозимга (<i>бағишлов</i>).....	268
Ақли одамлар.....	269
Айтинг, мен не қилай?.....	270
Эркак кишини.....	272
Эркак йиғламасин.....	274
Эркаксан – эркакнинг ишини қилгин!.....	278
Отанг қадрига етгин.....	279

Аҳад ҚАЮМ

ИККИ ДУШМАНИ БОР ЭРКАК КИШИНИ

(шеър ва қўшиқлар гулдастаси)

Масъул муҳаррир: Шукур Жаббор
Муҳаррир: Алишер Нарзулло
Тех. муҳар: Нарғиза Содиқова
Дизайнер: Расул Ташматов
Оператор: Нигора Муҳитдинова

Теришга берилди 30.09.2013. Босишга рухсат этилди
21. 10.2013. Қоғоз бичими 60x84 1/16. Vittec Times UZ
гарнитурасида чоп этилди. Шартли босма табоғи 18,0.
Нашр босма табоғи 18,0. Адади 10 000 нусха. Буюртма
№126.

Нашриёт лицензияси: А1 №183. 08.12.10.

*«Dizayn-Press» МЧЖ нашриёти босмахонасида чоп этилди.
100100. Тошкент шаҳри, Бобур кўчаси, 22 уй.
Тел.: (8 371) 255-34-28, Dizaynpress@mail.ru*